

**SEVENTH LEGISLATIVE ASSEMBLY OF MIZORAM
(SEVENTH SESSION)**

LIST OF BUSINESS

FOR TWELFTH SITTING ON WEDNESDAY, THE 21st OCTOBER, 2015
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

FINANCIAL BUSINESS

DISCUSSION AND VOTING ON DEMANDS

2. **Pu LAL THANHAWLA**, Hon'ble Chief Minister to submit to the Vote of the House various Demands under his charge.

LEGISLATIVE BUSINESS

Bill for introduction, consideration and passing

3. **Pu LALSAWTA**, Minister to beg leave of the House to introduce "The Mizoram Appropriation (No. 5) Bill, 2015".

ALSO

to introduce the Bill

to move that the Bill be taken into consideration

AND

to move that the Bill be passed.

NGURTHANZUALA
Secretary

SPEAKER : “Rorelna dik titlu ula, Mi tinin an unaute chungah zahngaihna leh Khawngaihna chhuah rawh se.” Zakaria 7:9

Zawhnaah kan kal ang a. Zawhna no. 178-na, a neitu MLA zahawm tak Pu K. Sangthuama zawt turin sawm ila.

Pu K. SANGTHUAMA : Pu Speaker, ka lawm e. Ka starred question no. 178-na PWD Minister zahawm tak chhan atan—

- a) Ramrikawn to PTC via Sakawrtuichhun kawng siamthat nan engzatnge estimate ni a, engzatnge hman a nih?
- b) MZU kawng hi estimate engzatnge?
- c) Sunshine Overseas Company engzatnge pek tawh ni a, engzatnge la bat sak?
- d) Mimal engzatnge Contract work pek an nih a, engzatnge la pek loh, bat sak an nih?
- e) MZU kawng Ch. Chhunga High School peng atanga Ropaia Bawk thleng in Blacktop loh hi engtikah nge Blacktop zawh a nih ang? tih ka zawt e.

SPEAKER : Chhang turin House Leader Pu Lal Thanhawla i sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu K. Sangthuama Starred Question 178-na chhanna chu –

- a) Kawng siamthat nana estimate chu ₹ 85 lakhs a ni. ₹ 85 lakhs hi hman zawh vek a ni.
- b) MZU kawng hna Widening ang Strengthening of Vaivakawn-MZU road estimate amount hi ₹ 1907.00 lakhs a ni.
- c) Sunshine Overseas Company chu ₹ 2,57,12,971.00 pek tawh a ni a, la bat sak zat chu ₹ 7,78,64,948.00 a ni.
- d) Mimal 63 Contract Work pek an ni a, an hnathawh man la pek loh bat sak zat te chu ₹ 32,45,314.00 a ni.
- e) Thawhna tur sum a awm chuan December, 2015 hma hian zawh tum a ni.

SPEAKER : Zawhbelhna a awm em? Aw, a neitu Pu K. Sangthuama.

Pu K. SANGTHUAMA : Pu Speaker, a zawhbelhna ai mahin tlem han sawi ka duh a. Hei Sakawrtuichhun kawng hi nikum khan ₹ 85 lakhs vel sanction a ni a. Kan zu en vel hian sanction a tam viau mai si a, a hnathawh a tlem si a, chu chu kan House Leader zahawm tak hian min lo hriatpui se kan duh khawp mai a. ₹ 85 lakhs chuan tun ang lo deuh hian a thawh theihin kan hria a, hei hi a pawl khawpin kan hria a.

Tin, MZU kawng chu pawisa harsatna avangin bill-te pek hleihtheih loh a ni tih chu kan hria a, amaherawhchu, mimal ang pawh a 63 lai mai, kan hotute duhsakna a hna lo thawk ho hi,

a theih ang ang a pek chu an phu khawp mai a. Heng hi pek theih dan a awm chuan kan ngen pui baw a.

Tin, Sunshine Overseas-ah pawh hian ₹ 7.78 crore hi kan la batsak baw a ni a. Hengte pawh hi an hnathawh zelna atan leh tuna la blacktop loh 1.8 KM la awm an zawh theih hram na tur ang khuan ngaihtuahna hman chhonzawm zel se ka duh a. Chuvangin khulai 1.8 Km khu kan blacktop zo a nih chuan khumi kawng khu mumal taka kal theih, ti mai ila, tunah a mumal lo hran viau ka tihna ni lovin, a ziaawm lehzual dawn a. Hemi hi chu a awm ang anga kan House Leader hian tih theih dan hram minrawn zawnpui se, tichuan MZU kawng hi chu kan ziaawm maiin kan ring a. Zawhna hran han pek vak ngaiin ka hre tawh lova, tah khan a chiang vekin ka hria a, chu chu tlem kan sawi duh a ni e.

SPEAKER : Zawhbelhna, aw, Pu Lalruatkima.

Pu LALRUATKIMA : Pu Speaker, ka lawm e. Kan House Leader zahawm tak khan, 'Tun thal chhunga zawh tum a ni,' a ti a. Nikum 12th November session-ah khan starred question no.11-naah 'Ropaia Bawk,Chawlhmun-Ch.Chhunga High School peng, MZU kawng blacktopping hi tun thal chhunga zawh tur.' ti a chhan a ni a. Thal a zo tawh si a, fur khat dang kan kal leh tawh a, khawngaihtakin, tun lo hi chu thal dang ngak tawh lo hram sela. Tun thal chhung hian zawh hman tum hram se tih kha ka ngen tel duh a ni.

*Speech not corrected.

SPEAKER : Ngenna maw? Zawhna pawh a ni lo. Aw, Chief Minister zahawm tak chhang turin i sawm ang.

Pu LAL THANHAWLA, CHIEF MINISTER : Pu Speaker, thal, khawi thal ber nge ka hre lova. Tun thal hi chu March vel thleng hi a ni dawn a, working season chu a intan dawn chauh a ni. Tin, hei fur chhepui zualpui chu a reh tan dawn niin a lang a, working season a intan dawn chauh a ni e.

Zawhna neitu Pu K. Sangthuama kha gallery pawh khel lo, bial mipuite pawh khel lo, thahnemngai, sincere taka arawn zawhna a ni a, a lawmawm khawp mai a. Khatiang kha mipui ngaithlatu pawhin an ngaihsan zawng a nih ka ring. Lo hriat belh mai mai atan Sakawrtuichhun-PTC kawng siamthatna hi 13th Finance Commission fund atanga lo kal a ni a. He hna estimate hi 2014-2015 a sanction niin, hemi kum vek hian a thawhna tur sum pawh hmuh vek niin, hman zawh a ni. ₹ 85 lakhs estimate chhungah hian a kawng tluan, 4.20 Km, 3 metres a zau, potholes tlem tlem siamthat leh kawngtluan resurfacing tura estimate a ni a. Estimate sanction a nih hma a kawng Sairang-Lengpui kal nan hman thut a ngaih avangin, a kawng chu estimate siam aiin a chhiat belh hle a. Heng chhiat belhna lai hmun sawm velah hian kawng diak leh khuar thuk tak avanga motor tang thinte chhan nan estimate a tel lo boulders tam tak vawm luh a ngaih thin avangin sum rin aia

tam hman a ngai thin a ni. A chung a tarlan bakah khian, a kawng hi Rangvamual leimin vanga hman fo a tul thin avangin a chhiat belh nasa hle mai a. Blacktop hna tan theih a nih meuh chuan Sakawrtuichhun atanga blacktop tan niin, kawng khuar nasa lai lung phah hna thawh meuh chuan sum la awmin a daih zah 2.90 metres resurfacing thawh zawh niin, a bak kawng chhe laite pawh hi lung phah that a ni a.

Tin, estimate anga PTC thleng blacktop theih loh chhan chu, a chung a tarlan ang hian, inpeih hma in a kawng pawimawhna mipui in kan hman nasat em avangin duh angin hma a lak theih loh a ni. Sanction estimate amount ₹ 85 lakhs a hnathawhte chu hetiang hi a ni : Potholes leh WBM boulder phahna – ₹ 47,26,000/- a ni a. Blacktop-na – ₹ 35,26,420/- a ni a. Contingencies leh machineries repair, etc ah khan – ₹ 2,47,580/- lai hman a ni a. A vaiin extra telin nuai 85 ang chi kha unforeseen-a hman a ni.

SPEAKER : Zawhna dangah kan kal thei ta a. 179-naah kan kal ang a. Zawhna neitu MLA zahawm tak Pu Lalthanliana'n zawt sela.

Pu LALTHANLIANA : Pu Speaker, ka lawm e. PWD (Public Works Department) changtu Minister zahawm tak hnena ka zawhna chu –

- a) Ramhlun South huam chhunga Thatluia Road chhe lutuk hi siam that tumna a awm em?
- b) Awm ni ta se, engtikah nge siamthat tum a nih? Ka lawm e.

SPEAKER : Zawhna neitu House Leader zahawm tak Pu Lal Thanhawla chhang turin i lo sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu Lalthanliana Starred Question 179-na chhanna chu –

- a) Pawisa awmdan a zirin siamthat tum a ni.

Ramhlun South huam chhunga Thatluia road hi a siamthatna tur Work Schedule-ah pawisa awmdan a zira telh tum a ni a, sanction a nih hun tur hi sawi mai theih a ni lo a, sanction a nih veleh siamthat tur a ni ang.

Thatluia road hi Ramthar North – Ramhlun Sport Complex chhunga mi a ni a. NLCPR project hnuaiyah kum 2011 leh 2012 khan kawng chhuat hi resurface tawh a ni a. Site drain bakah a zauh theih lai laiah zauh tawh a ni baw. Kawng thenkhat lai hi Sports Complex leh Ramhlun Vengthar lei thlahniamin a tihchhiat ve nual avangin kawng chhuat thenkhat hian a chhiat phah ve baw a. A kawng a tlo ve deuhna atan chuan, lei thlahniam venna atan hian Disaster Management & Rehabilitation Department atangin lei thlahniam venna hi ruahman nise tiin ngaihtuahna hman mek a ni e.

SPEAKER : Zawhbelhna a awm em? A awm loh chuan 180-naah kan kal thei a. Zawhna neitu MLA zahawm tak Pu R.L.Pianmawia zawt turin i sawm ang.

Pu R.L.PIANMAWIA : Pu Speaker, ka Starred Question 180-na Transport Department changtu Minister zahawm tak chhan atan –

- a) Truck terminal hi engzatnge kan neih? Neih belh tura ruahmanna project kal lai a awm em?
- b) Driving school engzatnge kan neih?
- c) Transport office thar luah hunah Chaltlanga office hmun khi engtia hman tur nge ni?

SPEAKER : Department neitu Minister zahawm tak Pu John Rotluangliana chhang turin i lo sawm ang.

Pu JOHN ROTLUANGLIANA, MINISTER : Pu Speaker, Starred Question 180-na, member zahawm tak Pu R.L.Pianmawia zawhna chhanna chu –

- a) Pakhat (1) a awm
- b) Driving School neih dan chu :
 - (i) Transport Department Driving School-I
 - (ii) Mimal Driving School sorkar approved – 15
 - (iii) Transport Office thar luah hunah Chaltlang hmun khi ISBT atana hman tum a ni.

*Speech not corrected.

SPEAKER : Zawhbelhna, a neitu Pu Pianmawia.

Pu R.L.PIANMAWIA : Pu Speaker, ka zawhbelhna-Transport Department Driving School atang hian engzatnge zir chhuak tawh? Tin, zir chhuakte hi driving license pek nghal an ni em?

SPEAKER : Zawhbelhna dang Pu Ruatkima.

Pu LALRUATKIMA : Pu Speaker, a chhang thei thoin ka ring a, a chan a ni tho bawk a. Tun hnaiiah STA-in Auto-rickshaw kawngkhar dinglam hawng lo turin ruahmanna a siam a. Hei hi Auto-rickshaw tam takin harsatna, bungraw hlan thlak chungchangah an tawk a. Tun hnaiiah pawh Lawngtlaiah te band siam an tum a, chutiang chuan mipuiten harsatna kan tawk a. Chutiang chuan Champhai lamte pawhin an rawn sawi a.

Hei hi November thla STA-ah khan ngaihtuah leh theih a nia ngem? tih kha ka'n zawh belh a ni.

*Speech not corrected.

SPEAKER : A inzawm tehchiam lova, mahse Minister zahawm takin a chhan theih tho chuan chhang turin i sawm ang.

Pu JOHN ROTLUANGLIANA, MINISTER : Pu Speaker, zawhna neitu in a zawhbelhna sorkar driving school-ah hian engzahnge zirchhuak tawh a tih kha chu, a number chiah Pu Speaker, ka lo hre lova. Tin, a zirchhuak tawhte kha chu driving license pek zel an ni, tih kha ka chhanna ni sela.

Tin, member zahawm tak Pu Ruatkima rawn zawh naah Auto-rickshaw-ah bungraw phurh hlan thlak vel a harsa, dinglam kalh loh tur tih chungchang a rawn zawh kha - Auto-rickshaw hi a hmasain bungraw phurhna tur atana tih a nilo phawt a ni.

Tin, chumi rualin Pu Speaker, a dinglam hawn loh tih hi mipui safety zawk atana kan tih a ni a. A chhan chu dinglama kan hawn chuan bike lo tlan palh te, motor lo tlan palhte a awm thei a. Chu chu India ramah pawh hian hei hi hmun dangah pawh phal loh a nih avangin, keini pawh kan danin a sawi angin phal loh kan ti a. November-ah meeting kan neih dawn chiah ka la hre lova, kan tum dan chuan December kan tum zawk a. Ngaihtuah tumna a awm lem love, Pu Speaker. *Speech not corrected.

SPEAKER : Awle, kan kal chak thei, tukin chu a lawmawm e. Zawhna No.181-naah kan kal ang a. Zawhna neitu Dr.Ngurdingliana, MLA zahawm takin zawt se.

Dr. NGURDINGLIANA : Pu Speaker, Starred Question 181-na Local Administration Department changtu Minister zahawm tak chhan atan - Street Solar Light, Local Administration Department-in a sem thin hi a District wise-a pek chhuah tawh zat min hrilh thei em? tih ka zawt e.

SPEAKER : Department neitu Minister zahawm tak Pu P.C.Lalthanliana'n chhang se, sawm ang.

Pu P.C.LALTHANLIANA, MINISTER : Pu Speaker, member zahawm tak Dr.Ngurdingliana zawhna chhanna chu hetiang hi a ni:-

Local Administration Department-in Solar Street Light a sem tawh District wise-in a hnuai ami ang hi a ni e :

Sl.No.	Name of District	No. of Village	No. of points installed
1	Aizawl	26	156 nos.
2	Lunglei	46	261 nos.
3	Champhai	26	130 nos.
4	Kolasib	45	199 nos.
5	Mamit	26	130 nos.
6	Serchhip	26	104 nos.
	TOTAL	195	980 nos

Khua zawng zawng belhkhawm khua 195. Installed tawh points zat hi 980 a ni e.

*Speech not corrected.

SPEAKER : Zawhbelhna a awm lo maw? A lawmawm e. Zawhna No.182-na a neitu MLA zahawm tak Pu Lalruatkima'n zawt se. I sawm ang.

Pu LALRUATKIMA : Pu Speaker, ka lawm e. Ka Starred Question No.182-na – PWD changtu Minister zahawm tak chhan atan :

- (a) Khedacherra (Kanhmun – Damcherra – Zamuang Kawrthah – Tuilutkawn (KDZKT) kawng siam hnathawk turin Contractor tunge thlan a nih ? Tutenge Tender chhang tute?
- (b) Tender Amount engzatnge ? Hnathawk tura Contractor thlan hian engzat in nge a chhan? Contractor hnenah engzatin nge thawk tura Agreement siampui a nih?
- (c) Agreement-ah engtik a hnathawk tan tur nge an nih a, eng hun a thawk zo tur nge an nih?
- (d) Mobilization Advance pek an ni em ? An nih chuan engzatnge pek an nih a, engtik ah nge pek an nih?

*Speech not corrected.

SPEAKER : Awle, department neitu Chief Minister zahawm tak Pu Lal Thanhawla chhang turin ilo sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu Lallruatkima zawhna Starred Question No. 182 na chhanna chu -

(a) Khedacherra (Kanhmun)-Damcherra-Zamuang-Kawrthah-Tuilutkawn (KDZKT) kawng siam hnathawk tur hian M/S DRAIPAL-ABCI (JV) Guwahati-te thlan an ni. Tender chhangtute :

- 1) M/S DRAIPAL-ABCI (JV) Guwahati
- 2) M/S RDS Project Ltd. New Delhi.

- (b) Tender Amount : ₹ 1,30,77,93,607.83p a ni.
Hnathawk tura Contractor thlan hian ₹ 1,74,39,95,942.95p in a chhang a ni. Contractor hnenah ₹ 1,74,39,95,942.95p Agreement siampui a ni.
- (c) Agreement ah 04.06.2015 a tan tur a ni a, Ni 03.06.2018 a thawk zo tur a ni.
- (d) Mobilization Advance pek a la ni rih lo.

SPEAKER : Zawhbelhna a neitu Pu Ruatkima.

Pu LALRUATKIMA : Pu Speaker, ka lawm e. Hei Contractor hian 33.35% a sangin a chhang a, helai kawng hi kan award ta thova. A tamna hi cheng nuai 4362 zet a

sanga a chhan a kha pek a ni ta tho mai a, SOR Tender kan fought hianin tender amount hi SOR engtik, engzah PWD eng kum ami nge kan siam tih kha ka zawhna pakhatna ni sela.

A pahnihnaah chuanin, compensation mi engzah hnenah nge pek tur a nih a, engzat amount nge compensation pek tur a nih? tih leh hna khu an la tan lo niin a lang a, fur chhiat vang te pawh a ni engtikah nge hna an tan tak tak theih ang tih kha ka'n zawt a ni.

*Speech not corrected.

SPEAKER : Awle, zawhbelhna dang a awm chuan, a awm tawh lova, Chief Minister zahawm takin chhang se.

Pu LAL THANHAWLA, CHIEF MINISTER : Pu Speaker, KDZKT road kawng hi Ministry of DoNER-in ni 15 November 2012 khan cheng vaibelchhe 134.70 in a rawn sanction a, hemi sanction zui hian North Eastern Council-in cheng nuai 1300 chu ni 8.3.2013 ah a released a. Mizoram Sorkarin Administrative Approval March, 2013 khan pein expenditure sanction pawh nuai 1444.44 ni 15.7.2013 khan State share belhin a rawn record leh a ni. Tichuan 1300+174.44 a lo ni ta a. Tin, a rate tih vel hi hna hi a pawimawh laia a kal loh avangin a tul angin mi thiamten a tituten an kalpui mai a ni a. Tender hi ni 5.7.2013 ah tender hmanga tihchhuah a ni. National News paper-ah te chhuah a ni nachungin tender chhangtu 2 chauh an ni. Tender chhangtu RDS Project leh DRAIPAL-ABCI (JV), zinga a chhang hniam zawk, DRAIPAL-ABCI (JV) Guwahati hian tender amount aia 33.35% a sangin a rawn chhang a. Hei hi a chhan chhan chu he Project report estimate hi settle of rates 2010 hmanga siam a nih avangin kum 2 dawn lai ral hnua tender chhuah a nih avangin thil manto chak dan ngaihtuahin a awma ngaih a ni a. He a rate a hi a awm tihpui a ni.

Chumi zulzui chuan revised estimate siam a niin original estimate leh Contractor rawn chhanna leh revised estimate settle of rate 2013 hmanga siam te chu khaikhinna comparison statement siamin khaikhin an ni. Contractor rawn chhanna hi 33.35% in original estimate aiin sang mahsela, revised estimate SOR 2013 hmanga siam aiin 20.15% in a hniam velethung a ni. North Eastern Council in kaihhruaina an siam original estimate aia 5% a a san chuan revised estimate submit a ngai an tih avangin, revised estimate chu thehluh a ni ta a. Revised Estimate chu vaibelchhe 179.63 a ni. Revised Estimate hi cheng 179.63 crores a ni a, Revised Estimate amount hi NEC chuan No. as shown dated 20.2.2015 angin approval a pe a. Tender chhangtu 2 (pahnihte) kan sawi tawh te kha, RDS Project Ltd. New Delhi leh DRAIPAL-ABCI (JV) Guwahati ten an chhanna chu State Work Advisory Board hmaah pharh a ni a. State Works Advisory Board chuan a chhang hniam zawk DRAIPAL te hi pek tura a tih angin lehkha so and so 25.5.2015 hmangin work order issue a ni. Contract agreement ang chuan 4.6.2015 atanga tain 3.6.2018 a zo tura tih a ni. Pawisa rawn released tawh hian equipment advance leh Mobilisation advance a daih loh avangin equipment advance 5% chauh hi tunah chuan pek a la ni rih a. Mobilisation advance chu pawisa dang rawn

released hnuah pek a ni a. Tunah hian a contractor te hian an hmunhma turte an buaipui mek a, leilaihna khawl te pawh ti thleng tawhin hna tan mai turin an inbuatsaih mek a, kan khua te a lo thal chhoh zel chuan.

SPEAKER : Awle, 183 naah kan kal anga, Dr.K.Beichhua i lo sawm ang.

Dr.K.BEICHHUA : Pu Speaker, ka lawm e. Kan Minister zahawm tak hnena ka zawhna chu –

- a) Lengte a ISPAT Company khu tunge a neitu ?
- b) An din tirh atanga vawiinni thleng Central Transport Subsidy engzat nge pek an nih tawh ?
- c) A ram khu kum engzat thleng nge hman tir an nih dawn ? tih ka zawt e.

SPEAKER : A chhang turin, Pu H.Rohluna sawm ila.

Pu H.ROHLUNA, MINISTER : Pu Speaker, Member zahawm tak Dr.K.Beichhua starred question 183-na chhanna chu –

- a) Mizoram ISPAT Industries, Lengte hi Partnership a din a ni a. Partner-te chu a hnuai mi ang hi an ni.
 - 1) Shri Manish Agarwal
 - 2) Shri Pawan Kumar Baid
 - 3) Shri Hemant Kumar Baid
 - 4) Shri C.Lalduhawma
 - 5) Shri Mukhesh Agarwal.
- b) Central Transport Subsidy pek an la ni lo.
- c) Kum 25 (sawmhnih panga) a tan.

*Speech not corrected.

SPEAKER : Dr.K.Beichhua sawm ang.

Dr.K.BEICHHUA : Pu Speaker, sorkar atanga tax lak a ni em? tih ka zawh belh e. Tin Sorkar hian khung ISPAT atang khuan hlawkna engte nge kan neih ve theih tih kha pahnihna ni se. Pathumnaah chuan an siamna thir chhia ek leh eng engemaw neuh neuh ho khu engtianga disposed nge an nih ? Mihring tan thil hlauhawm a ni thei ang ngem? Tin, Central Transport subsidy kha pek a la nih lo chhan enge? tih ka rawn zawhbelh a ni e.

SPEAKER : Pu Ngurdingliana, i sawm ang.

Dr. NGURDINGLIANA : Pu Speaker, kan zawh belh duh chu, tlang kama kan lo hriat angin Silchar a rod kan zuk lei ai khuan ISPAT siam Iron rod hi a ram an ti a, a

bung hma bik an ti a. In leh lo Office building kan han sakna ah pawh hian kan Engineer te hian an lo hriat dan ah chuan a quality hi tlemin a hniam an ti a, mihring nun khawih pawh thei a nih avangin khulai khu a quality a tha em tih leh nge khulam pang kan la dawr zawk tih a kha min chhan sak theih hram chuan ka lawm hle ang.

SPEAKER : Pu T.Sangkunga, i lo sawm ang.

Pu T.SANGKUNGA : Pu Speaker, ka lawm e. ISPAT te khu thir siamna /Industry din phalna pek an nih dawn khan a ngaihtuah tu Mizoram Public Investment Board Member ka ni ve a. Power Point presentation mawi em em mai kha an pe a. Chutah chuan Retail outlet tam tak siam leh mizo an chhawr tur zah te an sawi a. Chief Secretary ho khan kan thu khawma, kei phei chuan “Cement Factory in rawn din tel theilo maw?” ka ti a thir chu an han siam chhuak a an sawi ang a ni ta reng reng lo mai a, Khatih laia kan Industry Commissioner, Pu Rinawma kha a rawn initiate tu kha a nia. Kha Power Point Presentation cassette copy kha Industry hian an la nei em? in tihder na lian pui a thleng a ni mai a. An sawi ang khan an ti leh bawk si lo, an thir lah an sawi angin a tha bawk silova. Chuvangin cassette tunge kaw! ka ti a, a kaw! tu pawh kan hmu zo leh ta reng reng lo mai. Pu Rinawma lak sawn a ni bawk si a. Kan ram tan a tha lo khawp in ka hria a, helai ah hian engtinng e an tih loh ang taka han awm ta ah khan sorkar hian action ala thei em? Engtia tih tur nge? Cassette kha tunge kaw! tih kha kan zawt ve a ni e.

SPEAKER : Er.Rinawma khan han zawt law law sela.

Er.LALRINAWMA : Pu Speaker, ka lawm e. Ni e an rod siam te hi Zuangtui PWD quality Control-ah hian test nawn leh an ni em? tih kha kan zawt a. Tin, tun dinhmunah Mizo engzatnge thawk tih ka zawt e.

Pu LALRUATKIMA : Pu Speaker, Mizoram ISPAT Industry ten Agreement an signed ang khan ram leilung fate tan hamthatna turin hnathawktu lak an ni ta reng em? tih kha ka zawhbelh a ni e.

*Speech not corrected.

SPEAKER : Zawhbelhna a tam tawh khawp mai, Minister zahawm takin han chhang sela.

Pu H. ROHLUNA, MINISTER : Pu Speaker, zawbelhna kha a tam ang reng tawh a, ka hriat vek loh pawhin min han hrilh leh mai sela. Dr.K.Beichhua zawhna Sorkarin Tax lak a ni em tih a zawh kha, Mizoram Industrial Policy angin tunah hian VAT exemption kan dil a, kum thum atan pek kan ni a, chuvang chuan VAT lam hi chu pek kan ni lovin kan hria a Taxation lam nena in kaihnawih a nih avangin a dinhmun chiah chu

ka chiang lo nain ka hriat chinah chuan VAT Exemption hi kum 3 atan pek phawt kan ni a.

Tichuan Waste Management chungchangah hian complaint-te hi a awm ve neuh neuh a, Tlawng lui a ti bawlhhlawh ve thei a ni tih ang chi te, Pollution Control Board lam enkawl deuh hlek a nih avangin a him tawk chinah an kal tir mai turah ka ngai mai a ni.

Tin, CTS pek loh chhan tih hi, an han claim ve bawk a, ama'rawhchu, VIPP in a check-list an rawn siam ang kha an la tihfamkim chiah loh avangin CTS tur atan hian recommend an la ni lo a ni.

Tichuan Member zahawm tak Dr.Ngurdingliana a zawhna kha, A quality chungchangah chuan ka chiang chiah lova, quality hi a tha thawkhat viau chuan ka hria a,a chhan chu helaia In satu te hianin an duh viau thokhat in an sawi a ni.

Tin, Power Point Presentation copy lam hi chu ka hriatpui hauh lo mai, hun hmasa lam thil a ni a, han sawi zui chiah tur ka hre lo a ni.

Er.Lalrinawma han zawhbelhna - Mizo engzatnge thawk tih chu tukin thlenga kan han hriat chinah chuan tun dinhmunah mizo sawmnga vel casual labour angin nge ka hre chiah lova, 50 vel an engaged a ni .An hna hi a hautak a Thir sak tak tak khawih an ni a, chhel te pawh hi a ngai ve a, churang chuan tam tak hi an thawk regular peih thin lo a, mahse tun dinhmunah tak hi chuan Mizo 50 vel an thawk a ni. A thawktu hi a pumpuiin 130 vel an awm, chuta 50 chu Mizo a ni. A quality hi test a ni em tih hi helam hi ka lo inring chiah lo a Pu Speaker, helai tak hi ka sawifiah thei chiah love. Quality tha tawk turah chuan ka ngai. Chu chu ka chhan theih dan tawk a ni e.

*Speech not corrected.

SPEAKER : Awle, zawhna no. 184 naah kal ila. A neitu MLA zahawm tak Pu Lalruatkima'n zawt se. I lo sawm ang.

Pu LALRUATKIMA : Pu Speaker, ka lawm e. ka starred question no. 184-na PWD changtu Minister zahawm tak chhan atan :

- a) Sihhmui to MZU (Ramrikawn) as part of Aizawl City ring road siam hna hi Tender amount engzatnge? Engzat amount-in nge contractor hnenah hian pek a nih?
- b) Restricted tender hmanga engvanga hnathawktu contractor hi thlan nge a nih? Tunge Restricted Tender chhangtu contractor?
- c) MoU-ah engtik a hna hi thawh tan tur nge a nih a, Contractor hian engtik khan nge hna hi a thawh tan? Eng hun a thawh zawh tur nge a nih?

- d) Contractor hnenah hian Mobilization Advance pek a ni em? A nih chuan engzatnge pek a nih tawh a, engtikah nge pek a nih?
- e) Kawng siamna tur hian JNNURM atangin engzatnge hmuh a nih tawh a, engzatnge contractor hnenah hian sum hi pek a nih tawh? Tun dinhmunah Physical achievement engzatnge? tih ka zawt e.

*Speech not corrected.

SPEAKER : Awle, House Leader zahawm tak Pu Lal Thanhawla a chhang turin i lo sawm ang.

Pu LAL THANHAWLA, CHIEF MINISTER : Pu Speaker, he kawng hi a hre duh tan chuan hriat hluina tham kan sawi tawh a he House ah hian, amaherawhchu zawhna a awm chuan chhan loh theih loh a ni a.

Member zahawm tak Pu Lalruatkima zawhna starred question no. 184-na chhanna :

- a) Tender amount chu ₹ 42,70,78,674.85 a ni. Contractor hnenah hian ₹ 48,49,26,328.00 a pek a ni.
- b) A hna hi JNNURM time bound Major Work Qualified Contractor in a thawh tur a nih avangin contractor thawk thei tur ngei a ngaih te zinga Restricted Tender koh a ni. Restricted Tender chhangtu contractor te chu- 1) M/S Tantia Construction Limited 2) M/S Sunshine Overseas Pvt.Ltd. 3) M/S VRC Construction (India) Pvt. Ltd. MoU (Agreement) ang chuan ni 14.6.2013 atanga hna hi thawh tan tur a ni
- c) Contractor chuan ni 4.10.2013 atang khan a thawk tan. Thla sawmpahnih (12months) chhunga thawh zawh tur a ni.
- d) Pek ni e. ₹ 200.00 lakh pek tawh a ni. Ni 30.9.2013, 21.11.2013 leh 27.3.2014 te khan pek a ni.
- e) JNNURM atangin he kawng siamna tur hian ₹ 1460.08 lakh hmuh a ni tawh. Contractor hnenah chuan ₹ 87.00 lakh pek a ni tawh. Tun dinhmunah Physical Achievement chu 20% a ni. He sum hi hman zawh vek a ni tawh a ni.

SPEAKER : Zawhbelhna a neitu Pu Lalruatkima.

Pu LALRUATKIMA : Hei Hunthar leh Rangvamual ah te leimin avangin Mizoram chuan harsatna kan tawk a ni mai a. Mizoram chhim lam Aizawl chin chuan. Khulai kawng khu a pawimawh khawp mai a. Nia kan han zawt zel lo thei lo a, tunah khuan thla sawmpahnih chhung a zawh tur a nih laiin 20% chauh Physical Achievement kha a awm si a, thawh zawh loh a tam zawk daih mai kha a ni a. Engtin nge chhonzawm leh a nih ang JNNURM a tawp si a AMRUT atangin nge hmuh leh an tum tih kha ka zawt a.

Tin, compensation atan engzatnge pek a nih tih kha ka'n zawt nghal a ni e.

*Speech not corrected.

SPEAKER : Zawhbelhna dang a awm loh chuan House Leader zahawm tak chhang turin ilo sawm ang.

Pu LAL THANHAWLA, CHIEF MINISTER : Pu Speaker, compensation atan ah chuan cheng nuai 790.82 pek a ni. First installment ah nuai 870/287.49 pek a ni a. A tum hnihna ah nuai 503.33 a vaiin nuai 790.82 pek a ni.

Tin, sawi tawh angin a vaia release tawh amount kha nuai 1460.08. Kan contractor hnena kan pek Mobilization Advance nuai 200, work bill nuai 87.49, a vaiin nuai 287.49.

Tin, balance hi nuai 669.26 a la awm niin a lang a. Tin, Aizawl City Road package pakhat Tantia tih te, Local contractor Vaivakawn MZU road, hengah te hian a tul ang ang a hman an ni a. Tin, nichina sawi tawh ang khan, mobilization advance hi 200 lakhs a ni a, work done payment hi 87 lakh a ni a, compensation hi 503 lakh pek a ni a. Tin, JNNURM scheme tho a hna dang thawh tawhna bill pektlak nana hmanral hi 669.10 lakh a ni tawh a. Hei hi JNNURM a thawn a ni a, PWD in a thawk a, chuvangin inpawlh deuh nuai in a lang a. Amaherawhchu a hrana accounting tih a ni a. Pawisa hmuh zawng zawng hi a vaiin 1460.08 lakh a ni a. Tin, kan hman tawh a hi compensation te nen lam khan, 1459.4 lakh a ni.

Hei hi a tlangpuiin khulai kalphung khu a ni a. Sawi leh sawi hnu, fur a in tan hma a, a rei a, tui a tam a. Chuvangin zoram kawng hrang hrang te hi a nih ang tur takin a maintenance emaw, construction emaw a tih theih lova, chuvang chuan mipui tan pawh harsatna a awm a, sorkar pawhin harsatna namenlo a tawh piah lamah, sum pawh ruahmanna awmsa lovah tam tak senso a ngai a, kan vanduai tlang ani ber mai.

SPEAKER : Awle, zawhna no. 185 naah kan kal ang a, zawhna neitu MLA zahawm tak Pu R.L. Pianmawia zawt turin i sawm ang.

Pu R.L. PIANMAWIA : Pu Speaker, ka starred question 185-na, PWD enkawltu Minister zahawm tak chhan atan ka zawhna :

a) NH-306 New Vervek – Vairengte atan eng hmalakna nge awm tawh?

b) Tuirini leihlawn leh Tuivai leihlawn te hi engtikahnge siam that a nih ang?

SPEAKER : Awle, House Leader zahawm tak Pu Lal Thanhawla a chhang turin i sawm ang.

Pu LAL THANHAWLA, CHIEF MINISTER : Pu Speaker, member zahawm tak Pu R.L.Pianmawia Starred Question No.185 na chhanna chu hetiang hi a ni e :

- a) He NH 306 New Vervek – Vairengte kawng siamna tur atan hian Annual Plan 2015-2016-ah a hnuai a mi ang hian hmalak niin ruahmanna siama ni –
- 1) Feasibility Study/DPR for 2 landing with paved shoulder including bridges ₹ 2.50 crore.
 - 2) Road Safety Vairengte – Tuirial ₹ 5.00 crore
 - 3) Road Safety Tuirial – New Vervek ₹ 5.00 crore
 - 4) Repair & Rehabilitation of Bailey Bridge over River Serlui ₹ 1.00 crore.
 - 5) Repair & Rehabilitation of Minor bridges i.e., River Chite, River Buarcheap & River Kelkul ₹ 2.00 crore.
 - 6) Heng Lei te hi NH 306 a mi ni lo vin NH 150 a mi zawk a ni. DPR siam turin Feasibility Study tender koh mek a ni a, tih fel thuai beisei a ni.

SPEAKER : Zawhbelhna a awm em ? Aw, Pu Rinawma.

Pu LAL THANHAWLA, CHIEF MINISTER : Pu Speaker, member zahawm takin a hriat belh atan – New Vervek – Vairengte NH 306 hi Ministry of Road Transport & Highways in ni 14.3.2014-ah NH-ah a puang a. He kawng enkawl hnathawk tur hian Ministry chuan Mizoram PWD chu ni 17.2.2015 khan a ruat a. Tichuan, he kawng hi NH Division 1(one) chuan Tlabung Division hnen atangin ni 26.6.2015 khan a la in a thawk tan ve ta a ni. Tuirini Lei leh Tuivai Lei te hi East Phaileng leh Tuivai inkar alignment hi Tipaimuk Hydrel Project tuikhuah tur leh tur lohah hian a in ngat a. Consultant ten a dinhmun en in rawtna an la rawn siam dawn a ni.

SPEAKER : Aw, Pu Rinawm zawh tur ila nei ti raw.

Er.LALRINAWMA : Pu Speaker, ka lawm e. A inkar hlat deuh hlek a ka sawi tur hi, min chhang thei tho turah ngai ta ila. Hei, Chhingchhip Mualpuiah khian Bailey Bridge a awm. Tichuan, hetah Mat Lei hi a rin leh duap bawk si a, kan buai em em mai a rilru hi a thlabar a. A chhan chu Chhingchhip, Chhiahtlang, Serchhip phei zawng zawng kalkawng a ni a. Khilaia a ram khi siam tur ti si in a diversion laia awmte tan In han khawih te pawh kha a tih hleih theih tawh si lo va. Kan House Leader zahawm tak hian min chhan theih chuan tun dinhmunah hei hi engnge a thlen tawh? engtia hmalak zel tur nge ? tih kha ka zawhbelh a ni e.

SPEAKER : A inkar a hla deuh a, mahse a chhan theih chuan House Leader zahawm tak sawm ila.

Pu LAL THANHAWLA, CHIEF MINISTER : Pu Speaker, khatiang kha supplementary question a awm ang tihngaihna ka hre lo va. Rin ngaihna leh beisei ngaihna pawh ka hre lo va, chhan ngaihna a awm lo.

SPEAKER : A kar a hla deuh hlek a, inrin loh chuan. 186 na Pu K.Sangthuama leh Pu Lalruatkima te intawm a ni a. A upa zawk Pu Sangthuama hming a awm hmasa a, amah hi zawt turin i sawm ang.

Pu K.SANGTHUAMA : Pu Speaker, ka lawm e. Pu Lalruatkima, MLA zahawm tak nena kan zawhna intawm Starred Question No.186 na –

- (a) HPC (D) demand area a Village Council te hi sorkarin engtikahnge inthlan buatsaih a tum ?
- (b) Village Council inthlan theih lohna khua engzatnge awm ? Engvanga a hun taka inthlang thei lo nge an nih ?
- (c) Engtikahnge V/C Election heng khuaah te hian buatsaih anih ang ?

SPEAKER : Aw, hmanni khan chhan tawh niin ka hria a. department neitu Minister zahawm tak chhang turin i sawm ang.

Pu PC.LALTHANLIANA, MINISTER : Pu Speaker, member zahawm tak Pu K.Sangthuama leh Pu Lalruatkima zawhna intawm chhanna chu hetiang hi a ni :

- (a) HPC (D) demand area a Village Council inthlan hun tur a la hriat theih loh a, State Election Commission, Mizoram-in a hun tur a la ruat ang.
- (b) Village Council inthlan theih lohna khua 32 a awm. Law & Order problem a tih theih ang a. Tin, inthlan hi a hun takah Election Commission in a buatsaih a, nomination file-tu an awm lo va, chuvangin an inthlang lo mai a ni.
- (c) Heng khuaah te hian V/C election buatsaih hun tur hriat ala ni lo. SEC Mizoram in inthlan hun tur ala ruat ang.

Aizawl District

- | | | |
|------------------|------------------|------------------|
| 1.Daido | 2. Damdai | 3. Lamherh |
| 4.Lungsum | 5. Khawlian | 6. Khawpuar |
| 7.Mauchar | 8. N.Khawdungsei | 9. N.Khawlek |
| 10. N.Tinghmun | 11. NE Tlangnuam | 12. New Vervek |
| 13.Palsang | 14. Phuaibuang | 15. Ratu |
| 16.Sailutar | 17. Sakawrdai | 18. Suangpuikawn |
| 19. Sunhluchhip | 20. Thingsat | 21. Vaitin |
| 22. Vanbawng | 23. Zawngin | 24. Zohmun |
| 25. Zokhawthiang | | |

Champhai District

Khawzawl (Electric)

Kolasib District

- | | | |
|---------------|-------------|-------------|
| 1. N.Chawnpui | 2. N.Hlimen | 3. Phainuam |
| 4. Saihapui V | 5. Saihapui | 6. Saipum |

*Speech not corrected.

SPEAKER : Hmanni khan hei hi chhan tawh niin ka hria a. Zawhbelhna pawh a awm tawh lo a ni awm e, a lawmawm e.

Zawhna 187 naah kan kal ang a, hei pawh hi pahnih intawm a ni a Pu Lalruatkima leh Pi Vanlalawmpuii Chawngthu te intawm a ni a. A hnuhnung zawk hi a zawt ngai lo em mai a, a kian zawk a ni ang, Pi Vanlalawmpuii Chawngthu zawt turin i sawm ang.

Pi VANLALAWMPUII CHAWNGTHU : Pu Speaker, ka lawm e. A tawp ber chiah hi ka zawhna a ni a, amaherawhchu kan zawt mai a nge. Public Works Department changtu Chief Minister zahawm tak chhan atan Starred Question No.187 na -

- (a) E.Lungdar-Leng-Sailulak kawng hi eng sum hmanga siam nge anih a, FC/Pavement hnaah te hian engzatnge senso tura ruahman anih ?
- (b) FC/Pavement te hi tute nge contractor ? Engtik atangin nge hna hi thawh tan anih a, engtika thawh zawh tura ruahman nge anih ?
- (c) Pavement hi eng method/technology hmangin nge siam anih a, Mizoram atan he method/technology hi a tha tawm em?
- (d) Physical?Financial achievement engte nge ?
- (e) E.Lungdar – Sailulak kawng hi engtianga hmalak chhonzawm zel tum nge anih? ka lawm e.

SPEAKER : Awle, a department neitu House Leader zahawm tak chhang turin i sawm ang.

Pu LAL THANHAWLA, CHIEF MINISTER : Pu Speaker, helai bial hi zawhna neitu pakhat zawk Pi Vanlalawmpuii chawngthu nena kan bial intawm a ni a. A zawhna hi ka zawhnaah min pawmsak nghal nghe nghe la nang leh bial miten a tha in ka ring. Hemi Starred Question No.187 na chhanna chu –

(a) E.Lungdar – Leng – Sailulak kawng hi Pradhan Mantri Gram Sadak Yojana (PMGSY) sum hmanga siam a ni. Formation Cutting atana sum sanction chu ₹ 400.19 lakh niin Pavement thawhna tur atana sum sanction zat chu ₹ 1256.63 lakh a ni.

b) Formation Cutting (FC) atana contractor te chu Lalmalsawma, Thuampui leh Lalthanthuami, Zarkawt (tunah Chawnpui) anni. Tin, Pavement atana contractor chu H.Thangzova, Tuikual a ni. Formation Cutting hna hi September, 2006 khan thawh tan niin December, 2009 khan zawh a ni. Tin, Pavement hna hi December, 2013 khan thawh tan a ni a. December, 21, 2015 a zo tura ruahman ani.

(c) Pavement hna hi technology thar ‘Soil Aggregate Stabilised with RBI Grade 81’ hmanga thawh a ni. pavement hna hi technology thar Soil aggregate stabilized with RBI Grade 81 hmanga thawh a ni. He technology hi Mizoram-ah a vawi khatna atana hman chin a ni a. A hna hi thawh mek a nih lain harsatna a awm tak avangin tihdanglam tum mek a ni.

d) chhanna chu Formation cutting - Physycal Achievement chu 100% a ni a. Financial Achievement/Expenditure chu nuai 377.62 a ni. Pavement - Physical Achievement chu 7.65% a ni a. Financial Achievement/Expenditure chu nuai 65.71 a ni.

E) chhanna – E. Lungdar –Sailulak kawng hi PMGSY Scheme hnuai a kawng chhuat siam chu contractor awm mek anih avangin chhunzawm zel a ni ang Pu Speaker.

SPEAKER : Zawhbelhna a awm em ? Pu Ruatkima leh Pu Pianmawia. Awle, Pu Ruatkima'n zawt hmasa se.

Pu LALRUATKIMA : Pu Speaker, technical mi kan ni lova, khilalah khan German method an tih mai kha an hmang ni khan a lang a. Chanchinbuah te kan hmu a, method thar hi kan ram leilung mil vak a ni deuh nge ni, kan chil leh hma lutuk. A aquiring a khi ni 28 a ngai te an ti a, khatiang hun kha kan nei thei si lova. Chuvangin, eng hmangin nge siamthat leh tum a nih, a technology kha eng hmangin nge thlak leh tum a nih ? tih kha kan zawt tel duh a.

Tin, Pu Speaker, khilai kawnga khi Naupang inkhawmpui tur pawn a hun takah an tih theih loh phah a, kumin chhung pawn an nei thei dawn lo ti te pawhin thu ka dawng a. Chutiang a nih avang chuan kan PWD changtu Minister khan a bial a ni bawk a, khilai khi chu ngaihtuahna min hman ran sak a tul khawpin ka hria a, chu chu kan ngen tel duh a ni.

*Speech not corrected.

SPEAKER : Awle, Pu Pianmawia.

Pu R.L. PIANMAWIA : Pu Speaker, zawhbelhna ni lovin thurawn ka pe duh che a. Vawiina zawhna phekah khan a zawtuah Vanlalawmpuii tia a hnam hming ziak kha han chhiar leh mah ula, Changthu a nia, Chawngthu a ni lova. Hetianga dik lova tih hi a darh tam si a. Chuvang chuan, siam that ni sela, hei hi thlak leh vek ni sela tih ka rawn rawt a ni e. Tin, tun hnuah hetiang hi awm tawh lo sela a thain ka ring.

SPEAKER : Zawhbelhna tehchiam pawh a awmin a lang lova, kan kalsan thei mai ang chu maw.

Pu LALRUATKIMA : Pu Speaker, eng hmangin nge an thlak leh dawn a, engtin nge GSP nge, WMM-in nge, eng hmangin nge an siam that leh dawn tih kha ?

*Speech not corrected.

SPEAKER : Awle, kan House Leader.

Pu LAL THANHAWLA, CHIEF MINISTER : Pu Speaker, Member zahawm tak Pianmawia rawn object kha kan lehkha phok veah hi chuan Pi Vanlalawmpuii Chawngthu tih a ni, Changthu a ni lo. Pu Speaker, in va tiduh dah bik ve a dik pek ve mai awm, hetiang a hleih neih chu a tha hlei nem le.

Pu Speaker, Sunday School inkhawmpui te an thulh phah kha pawl ka ti khawp a, an thulh a nih chuan. Tun hma chuan Dawrpui Kohhrana lawi kan ni a. Naupang Sande School inkhawmah Primary te kan nih lai pawhin Sakawrtuichhun etc. ah hian kan kal lawng lawng thin a. Tun lai hian ke-a kal a thiang ta lo nge ka hre lo va, engpawhnise, khang kha an thulh phah a nih chuan a pawl khawp mai. Rinna lamah kan chaklo ta deuh nge ni ka hre lova kan lo thang chho deuh zelah hian. Mahse, kawng chhiat vanga an thulh a nih chuan pawl ka ti khawp mai, ke chuan kal theih awm tak a ni a.

Pu Speaker, zawhbelhna kha phai lam atanga material supply that loh vanga thlak tum te a ni a. He material hi thil thar a ni a, technology thar a ni kan ramah, a tha dawn em tia enchhin a ni a. Dik tak chuan tuna kan awm danah hi chuan kan tinlo ni awm tak a ni a, acquiring period te a rei a. Hei Aizawl-ah pawh hian saw mi Zemabawk kawnga kan hman thinte leh Thakthing veng thlanga kan hman thinte hi a tlo khawp a, kan hun hmasa lama kan tih thin kha a ni a. Mahse, tunah chuan ti leh dawn pawh ni ila a theih loh a ni. Motor a tam tawh lutuk a, tih ngaihna a awm tawh lo va, a acquiring period te a rei tawh avangin, chutiang chu a ni a. Tunah khian kal pui zel chi niin a lang lo va, lung phah pangngai WBM an tih ang chi a thlak tum a ni a. Kan sawi tawh ang khan German Technology a tih chin kha a ni a, chuvangin, kawng busy deuhah chuan a inremloh avangin tihngaihna a awm lova. Chutiang zawng chuan thlak tum a ni e Pu Speaker.

SPEAKER : Awle, zawhna hun kan hmang zo ta a. MLA zahawm tak Pu P.C. Zoram Sangliana'n House-a a tel theih loh tur thu ziakin a thelut a, chu chu kan phal sak a ni tih kha House-in hria ila a tha ang e.

Tin, Financial Business-ah kan kal leh tawh dawn a, chumia kan kal hmain hei in hah em mai a, a changin microphone te a chhiat avangin kan thut tur aia rei te kan thu a. Chuvangin, inzhawm em mai tiin zanin chu session banah hian sawmna hranpa awm lovin, in nupuite pawh kan sawm hman lo, nangmahni chauh hi Assembly-in chaweiah a sawm che u a. Khawngaih in zavaiin tel min tum sak hram turin ka ngen hmasa duh che u a ni.

Tunah hian Financial Business-ah kan kal ang a. Hei a tawpna ber a ni tawh dawn a. Vote on Account kan tihnuhnun ber kan hre reng a. Tunah hian kan House

Leader zahawm tak Pu Lal Thanhawla'n a Demand No. 1,2,3,5,10,11,13,15,24,26,27,39,45,47 leh 48-na, a zavaia Department hrang hranga hman tur cheng vaibelchhe 17,74,04,69,000/- hi House-ahrawn submit sela.

Pu LAL THANHAWLA, CHIEF MINISTER : Pu Speaker, on the recommendation of the Governor of Mizoram and with your permission sir. I move the demand No. 1,2,3,5,10,11,13, 15,24,26, 27,39,45,47 and 48 for Rupees 17,74,04,69,000/- for meeting expenses during 2015 – 2016 in respect of the following departments. Mizoram Legislative Assembly, ₹ 17,86,30,000,

Governor	-	₹ 13,60,000
Council of Ministeres	-	₹ 5,83,32,000
Vigilance Department	-	₹ 5,28,20,000
Mizoram Public Service Commission	-	₹ 78,29,000
Secretariat Administration Department	-	₹ 95,29,30,000
Personnel & Administration Deptt.	-	₹ 2,71,37,000
General Administration Deptt.	-	₹ 75,32,62,000
Medical & Public Health Services Department	-	₹ 4,06,19,86,000
Information & Public Relation Department	-	₹ 12,31,30,000
District Council Affairs Department	-	₹ 2,57,25,55,000
Power & Electricity Department	-	₹ 3,53,69,16,000
Public Works Department	-	₹ 4,28,67,05,000
Minor Irrigation Department	-	₹ 97,18,80,000
Information & Communication Technology	-	₹ 15,49,97,000

A vain ₹ 17,74,04,69,000.00, hengte hi House in-a min ngaihtuah sak a, min pawmpui turin ka rawn thehlut e Pu Speaker.

SPEAKER : Kan Chief Minister zahawm tak chuan House a ngaihtuah atan a Demand hrang hranga pawisa hman tur te a rawn submit ta a. Tihdan pangngai ang khan mi pakhatin minute 10 hman tum hram ila a tha ange.

Dr. K. BEICHHUA : Pu Speaker, Chief Minister Demand a ni bawk a pakhatna, pahnihna ah department 15 a ni bawk a. Tin, tlai lamah ruai kha hetah kan ei dawn tho bawk a minute 15 theuh tal min pe thei la a va lawmawm dawn ve.

SPEAKER : Aw, minute 5 pek belh rawtna a awm a, kan pawm thei mai em. A nih aw, minute 15 pakhatin in hmang dawn a ni, a paw kan ti lem love. Awle, Pu J.H. Rothuama.

PU J.H. ROTHUAMA : Pu Speaker, ka lawm e. Hei, tun Session-ah hianin ka la ding chhuak ve lova, engpawhniselangin, waviin ni a kan sawiho tur te, kan ngaihtuah ho

tur te hi a pawimawh em avangin han din chhuah ve hram ka duh a. Kan Session chung hi Budget Session a ni bawk a, a rei deuh hlek a, taksa chak lo tan pheih chuan duh anga thut te pawh hi a harsa lek lek a. Engpawhnise, hei kan tluan thei dawn niin ka hria a, lawmawm ka ti a.

A hmasa bera chu, Power & Electric chungchangah hianin, keini khulai Vaivakawn area, Kanan te, Chawnpui te, Vengthar, Hunthar kan tih ho khuan transformer pakhat kan intawm a, kan in bul deuh lawkah khuanin transformer lian deuh hlek a awm a. Khu mi chawm khu kan ni a, churang chuanin transformer khuan a zawh loh chang te a awm a, kan thim deuh zeuh zeuh reng mai a, midang kan veng thenawm te aiin kan thim zing deuh em aw kan ti a. Khu khu khawngaih takin kan Minister zahawm tak hian min en sak thei sela, transformer dang te pawh hmun remchang dangah bun theih nisela tih kha ka'n sawi duh a.

Tin, a pahnihna ah chuan Kohhran hian inkhawmpui kan nei thin a, tin, pawl ho pawhin inkhawmpui kan nei thin a. Tunah YMA inkhawmpui Bairabi ah a awm mek a, tin, inkhawmpui hi kohhran hrang hrangin kan nei a. Kan bial chungah te a awmin kan in tanpui liam liam a, khatiang kha keini pawh KTP inkhawmpui lian hi kumthar veleh hian thleng tur kan ni a kan bial chungah, North leh South hian kan in thlen tawm dawn a niang chu Champhai ah. Chu chu mamawh tam tak kan nei a, department thenkhat te chuan tunah pawh hian hma an la tan tawh niin kan hria a, kan lawm khawp mai a.

Amaherawhchu, kum dang aiin fur hi a rei avangin fur hianin min ti khawtlai lo thei lova. Hna hma deuh a tan tum pawh awm selangin a tih hleihtheih loh a ni a. A bik takin power hi kan indaih dawn loh avangin tam zawk kan mamawh dawn tih kha a hriat bawk a. Chumi ah chuan transformer lian deuh zawk bunna tur ruahmanna te, ngenna te a awm a, kan Chief Minister zahawm tak Power changtu hnenah pawh kan thlen tawh a. Theih ang tawk tawkin kawng pawh min dap pui niin ka hria a, lawmawm ka tih rual rualin a thleng tur veng an tam a, Tlangsam te, Zotlang, Ruantlang, Zote, Hmunhmeltha, Champhai khawpui pumpui. Khi ta tanga kal theih vek, intawm tur New Champhai zawl a field a nghah tur a nih avangin khang khan an pan thei vek dawn a. Chung khua atanah te chuanin power regular zawk leh tam zawka pek an mamawh dawn niin a lang a. Chu chu tunah hian ka'n sawi duh a, khawngaih taka kha lamah khan hma min lo lak sak turin ka'n ngen nghal duh bawk a.

Tin, tui chungchangah pawh hian, tui khi electric power in Tuipui a mi khi pump chhoh thin a ni a khawpui chawm tur khian. Tin, khawpui area vel a mi khi pek ve tho an ni a. Amaherawhchu, power a tui han pump chhuah hi diesel te a lo hek a. Kelkang in nasa takin mikhual an nei a, an mamawh a, kan sawi thin a, theitawp in kan hotuten tan an la a. Power Department te pawn tan an la a. Amaherawhchu, chutiang karah

chuan diesel te duh tawh a hman tur a lo awm loh avang in harsatna an tawh zeuh zeuh thin a. Tunah chuan chu chu nasa takin min solved sak tawh a, a lawmawm khawp mai a.

Tin, NLUP lam atangin Tuizem in tinah an nei a, chung te pawh chuan nasa takin tui lampang ah chuan min chhawk tawh a, a lawmawm kan ti a. Amaherawhchu, khing khaw chhehvel Tuizem pek ve si loh, kha mi tui pump ring te kha an nih hlawm avangin mikhual tam tham an thlen dawn hunah chuan tam zawk an mamawh dawn tih kha a rin sa theih mai a. Chuvang chuan tui pawh hi tam zawk pek theih a nih na turin, khang diesel te leh tui pipe te pawh kha khawngaih takin check ngun deuh nisela tih ka'n ngen duh bawh a.

Nimin lamah te kan ngaihtlak tawh, pipe hlui deuh mai a tui pekna te pawh kha a awm tlat mai a, hriselna atana hlauhawm thei deuh te pawh hmun thenkhat ah chuan a awm a, khang kha a pipe te a lo rei tawh a, thil awm thei pawh a ni mai thei a. Tiang chu a awm in ka hre lo nachungin tui indaih lohna lakah te lo in hmakhua theihna turin chung chu ka'n sawi tel duh bawh a.

Tin, Kawngpui repair hi a pawimawh khawp mai a, theihtawp min chhuahpui pawh an tum a. Kan PWD Minister hnenah pawh thlen tawh a ni a, khaw hrang hrang, a panna hrang hrang a nih avang khan kawng repair tur pawh kha a tam dawn tih a hriat a, chung kawngah pawh chuan chak zawkin a sum sanction ala awm mai lo a nih pawh a khi lai mamawhna hun chhunga a mamawhte tan a tihpuitlin hmana nih theih nan sum min ngaihtuah sak rang turin ka ngen nghal duh bawh a. Tin, D.C. Office panna khi khawpui atang khian ava hla viau mai a, MNF hunlai khan a kawng khi laih a ni a, amaherawhchu, motor lian in pelh hleih theih lohna lai khi a tam riau mai a, kan sorkar tirh khan khawpui chhunga sawn tumna rilru te kan han nei a, amaherawhchu, a tha ber lo ang e, he lai an lo dah ngheh tawhna hi a hmun a tha bawh a, a laili tho bawh a lawm tiin kan hotuten an dah nghet ta a. A panna kawng khi a te khawp mai a, kan hre theuh a, a va dawrtu pawh mirethei tak tak, khi mi Champhai bial chhungah khian MLA bial panga (5) a awm a, khang ho khan an mamawh chi hrang hrang kha Champhaiah va kalin khawpui chhung atang khian va dawr thin a ni a, a kal manah Auto Rickshaw te, Taxi te an hman phei chuan in an khua atanga an rawn panna aiin khimi Champhai khawpui chung atanga D.C. Office an va panna hi a senso thlak zawk a. Chuvang chuan a kawng a te nen, a tha reng thei bik lo nen khi lai kawngte pawh khi zauh theih ni sela, zau huau mai a laih ni sela, chu chuan khawpui lo thang zel tur leh a dawrtu te tan ah pawh in kal pawhna kha a awm theihna turin a pawimawhin ka hria a, chu chu kan sawi telin ka ngen nghal duh a.

Tin, Champhai damdawiin khi sak that tawh a ni a, an luah tawh a, kan hria a. Doctor hi kan nei mumal lo reng mai a, hmun dangah pawh an indaih lo thin tih chu kan hre tho na chungin keini Champhai bialtu pahnih hian kan chuh nasa em em ngai lo a, sorkarin tha tawh a an rawn dah ni a Doctor te indaih dan ni a an rawn dah hi a tha kan ti deuh mai thin a. Amaherawhchu,

Champhaiah khian naupang doctor te hi a bik takin an la awm ngai lo tluk a ni a, reilote mi pakhat a awm zawk a, an tangkai pui khawp mai a. Tin, damdawiin khi, khinglai ramri a awm khi tun hma P.C. hunlai atanga Pu Thena pawhin a lo policy thin, khing Champhai tlangdungah te khian damdawiin tha tak tak dah ila, Burma lam atanga kan unau te khian rawn chhawr thei se tih kha lo sawi thin a ni a. Chutiang tho chu tuna kan Chief Minister zahawm tak pawhin ngaihdan a neih tho ka ring a, churang chuan khing ramri a kan damdawiin te khi Doctor tam zawk leh thiam zawk, Specialist tam zawk te han dah a, chei hnum that tak tak ni se langin khing Burma rama kan unaute pawhin an rawn pan ang a, a chhawrtu pawh kan zau ang a. Tin, hnam inpumkhat na kan sawi thin a, chung atan pawh chuan a that ka ring.

Tin, kan damdawiin hmun khi a nuam khawp mai a, tun hma khan kan han ngaimawh thin lek lek na chungin khua a lo pui a, tunah chuan hmun nuam tak mai, zo thenghaw ah a awm a, kan hre vek a. Khi khi tha tak a chei a enkawl ni sela, ka sawi chhuah duhna chhan pakhat chu thla hmasa mai khan Champhai atanga an rawn thawn thlak kan bial a mi paruk (6) chu Aizawl atangin thi in kan thawn haw a ni. A then chu panna kawng a thi te an awm a, a then chu damdawiin lut hman tawh tawh, Doctor pawh in a enkawl hman loh a thi te, a then chu enkawl ngaihna pawh awm tawh lo Cancer, beisei awm reng reng tawh lo te an rawn thawn thla a, khatiang ang kha a nih avangin heng Aizawl khawpui damdawiin pan phak ho hi chuan an rim khawp a, Champhai te pawh kan ni tho a.

Tin, Aizawl khawpui chhevel a mi te tanah hi chuan in heng damdawiin pan a thi te, vanduai ta te hi a bialtu hnenah an lo kal a, a bialtu in a thawn haw vek a ni a. Hansawi khawm pawhin Aizawl khawpui chheh vel a Kolasib thlengin, Pu Lalrobiaka bial te, heng Aizawl kan Home Minister zahawm tak bial te heng lai hnai vai phei hi chuan thawntur an ngah leh zual a ni. Chu chu a thawna man hi kan nei chuang si lo a, MLA ten kan hlawh atangin kan thawn mai hi a ni a, Champhai a paruk (6) te han thawn chuan chhungkaw ei tur hi a awm mang lo a ni. Chutiang ang chuan sum hi min hriatpui loh hian kan seng thin a, chu chu Opposition lam pawh an ni vek, kan vai hian kan ni vek a, heng kawngah te pawh hian District a damdawiin lian kan dah te hi chu kan Chief Minister zahawm tak in a lo sawi thin, 'Thihna tlak damdawiin' ni thei selangin hmundang pan ngailo. Tichuan, district tin a damlo Aizawl pan kan awm mang loh kha chuan in MLA te tan pawh a hahdam thlak zual dawn in ka hria , hengah te pawh hian damdawiin hi min tih changtlun sak a, Doctor tam zawk min post sak turin ka ngen duh baw a.

Tin, Minor Irrigation ah hian Champhai area te khi Mizoramah leilet tamna a ni mai a, Minor Irrigation te pawh in hma an la a, hmun tamtak ah tui kawrte tha tak tak in an siam a, amaherawchu, tunah hian in an siam bak Tuipui khi lai a luangtlang kam te, tuikawr lian deuh Tuipui han pawh te kha a tlabal a, Leilet khi a hek a, a lo min kha chuan an leilet kha a zim sawt sawt tihna a ni a, churangin Minor Irrigation hian Champhai area vel ah te, a ram pumpuiah i ti ang, hma chak leh zuala min laksak a, kan Champhai area te hi min hriatsak turin ka sawm duh baw a. Hetah hian hma an la lo tihna nilo in an lak tawh chinah hian chak leh zual a, tam leh zual

a khilai ah khian min belsak turin ka ngen duh a. Tin, ran hi tun hma Bawngte, Lawite a leilet thin an ni a, tunah hian ran hi a pul a, a thi a, tin a lo hnawk a, Bawngte, Lawite vulhna chi a ni tawh mang lo a. Power tiller te hi kan mamawh tam em em a, kan Agriculture Minister in chak takin theihtawp in min ngaihtuah pui a Mizoram pumpui ah, hei hi kan tangkaipui em em a. Amaherawhchu, Champhai te ang Leilet tamna deuh ah hi chuan tam zawk hi min dahsak thei se la, Fur laia buh ah han phun dawn te, lei an leh dawn hian harstna tam tak an tawh thin a, a dil pawh anrawn dil tam, a hmuh pawh an hmu nual. Amaherawhchu, in daih a awm lo a, chuvangin heng kawngah te pawh hian Power Thriller tam zawk kan neih theihna turin kan Chief Minister zahawm tak hian min ngaihtuah sak se la tih kha ka sawi duh bawk a.

Tin, NLUP hi tlemte ka sawi tel ang a, a hminga NLUP enkawl tura dah kan ni a, kan Chief Minister zahawm tak hi Chairman a ni a, Apex Board ah, kei Vice Chairman ka ni a. Tin, implementing board ah chuan kei hi Chairman ka ni a, keimahni tul tulin kan tul ve em em a, Mizoram pumpui kan cover a. Department tam tak va tih hah em em kan nei a, department kua (9) lai hi NLUP keng kawhtu ah kan hmang a. Chungte chuan tha takin, theihtawpin an thawhna zarah NLUP hi a la kal chho zel a. NLUP hi a tangkai lo a maw kan ti a, tunah thil rah hralh tur kan la neih loh avangin NLUP hian rah a chhuah dawn lo a ni lova, hei rah a chhuah tan a, engtin nge a rah chhuah te chu kan lo sing sak ang a, a senghawi dan tur kha ngaihtuah chhoh mek a ni a. Tin, hun tam tak ah heng rubber te leh thildang te pawh chin belh tum a ni a. Tin, chubakah chuan kan vanneihna chu UNO lam atangin puihna te kan han dawng chho a. Heng hian hma hrang hrang ranvulh lamah te ran hrisel lo leh hetiang ang vawk pul hri te thil dang dang hi tunah hian min chhuisak mek a. Chulo chu India ram atangin mi hausa lo boral palh te hriat reng na atana anlo hman thin anga te pawh kha kan ram ah alo lut chho va.

Tin, midang dang te pawh lo luh an tum a. Khatiang kha NLUP kan han tih atang hian kan ram hian vanneih na leh midang te in a puih chakna rilru anrawn put phah hi he NLUP Mizoram in a kan lo siam chhuak kan lo nei hi a lawmawm ka ti a. Kan sorkar hmasa khan MIP an han ti a, NLUP chhunzawm nan khan rei a kal lova. Sum leh pai pawh kha enge maw ti ti in a ral chho ta ani tih kha sawi ngai lovin kan hria a. Ama'rawhchu, tuna kan CM zahawm tak hova NLUP kan kalpui mek a hi chu Mizoram thatna tak tak tura theihtawp chhuah a, kum tam tak lo ngaihtuah tawh, hun tam tak a inkhawm te ko va, khatiang anga kan lo sawikhawm tawh thin, a party ang pawh a bial hrang hrang inkoh khawm a kan lo in zirtir tawh thin kha a ni a. Ma'rawhchu, hmuh lawk kim vek te a harsa a, heng kawng ah hian sawisel tur tam tak te awm mah selangin, a thawktu department zawng zawng te, tin, a rampum mipui ina min puihna hrim hrim ah te leh kan hmabak kan la tih leh turah te, tunah chuan a panna tur a phurhchhuahna thlai thar phurhchhuahna tur kawng te hmabak lian pui pui kan la nei a. Tin, 3rd leh 4th phase hi kalpui tur kan la nei bawk a. Khatiang ang zawng zawng ah khan kan zavaiin sawisel mai lova inputawn, min pui theuh turin kan sawm duh nghal bawk che u a.

Tin, kan opposition unau te hi NLUP chungchang ah hian a tir ah khan NLUP thlan dawn ah MIP anlo tih tawh beidawn tawhna vang khanin anmahni party ah tel chakawm lo khawpa in zirtirna kha a tam avangin NLUP hi party tumah thliar hnan nei chuang lova kal a ni a. A mamawh inti apiang kha ziaak luh a pek mai an ni a. Heng kawngah hianin anni pawhin atira an mipui te anlo fuih dan kha alo dik chiah lova. Telna tlak ni lova lo infuihna tam tak a awm avang khan tam tak an awmlo a ni. Tun hnu ah hian rawn tel leh chak tak te an ni hlawm a, ma'rawhchu, khatiang kha tunah hian kan sum neih ten a tlin tawh loh avangin kan kalpui lian thei tawh lova. Khang zawng zawng pawh kha pawl kan ti khawp mai a. Rampum hi tuam a, rampum mipuiin chhawr a, kan ram hi intodelh tura kan hotuten a min kaihhruaina ang kawng ah hian kal zel thei tura kan inbuatsaih na te kan zavai hian ti puitling thei ila, a lawmawm in ka ring a. Chung chu lawmthu sawi pahin han sawitel duh a ni e. Pu Dy.Speaker, ka lawm e.

DEPUTY SPEAKER : A lawmawm e, Pu K.Sangthuama.

Pu K. SANGTHUAMA : Pu Dy.Speaker ka lawm e. Vawiin ah hian lawmthu sawina tur tam tak te pawh a awm in kan hria a. A hmasa in Power & Electricity ah hian kan bial ah transformer thar 3 (pathum) leh Electric Veng chhe zing em em maiah sawn ka zawhna min chhannaah kan pe ang che u tih a ni a. Kan lawm khawp mai, ka bial a Rangvamual leh Phunchawng leh Chawlhmun ah khuan mumal lo takin a chhe thin a. Tin, Rangvamual leh Phunchawng phei chu a buaithlak khawp mai a, chutah chuan a thar 3 (Pathum) min bunsak dawn a. Tin, Electric Veng Hall bulah sawn chhe reng mai Dawrpui te nena kan intawm vek saw a awm a. Saw saw a thar min pe dawn baww niin kan hria a, a hmasain kan Power minister chungah lawmthu kan sawi duh a ni a.

Tin, pakhat leha chuan Pu Rina bialah hian August ni 4 khan Transformer thar Khawhaiah an bun a, an lawm khawp a, tukin min rawn phone a hei hi min hawnsak thuai thei se tih min rawn chah ve a ni. Chuvangin, ka'n sawi ve hrim hrim a, hei hi August ni 4 daih a zawh tawh kha a ni a. Chu chu kan Power minister hian min lo hriatsak baww se kan duh a. Tin, a tlangpui thu in Power lamah hian kan ziaawm ang reng viau va, tan te an la nasa baww a, lawmthu kan hrilh duh a. Chu chu Power lamah chuan taww mai sela.

PWD hi tlem han sawi leh ta ila, thil kan chian vak loh pakhat member ten hriat atana kan sawi duh chu national highway chungchang hi tun hma in Pu A.K.Antony, Defence minister a nih lai UPA sorkar lai khan khimi Arunachal lamah khian kawng a thalo em em mai a. Tin, China lamin kawng an siam tha ropui baww si a, chuvangin, engpawh ni selangin, BRO hi duh angin hna an thaww tha taww thei lova. National highway hi PWD hian India ram pumpuih la mai se a tha zaww ang a tih ngaihtuahna Defence minister khan a nei a. Ama'rawhchu, Arunachal ah khi chuan China border te a ni a. BRO hian theitawp han chhuah sela tha deuh hlekin China nena kan inrinna a ni baww si a, China lam kawng a tha baww si a. Indo thulh pawh awm sela tihte pawh an ngaihtuah a ni mai thei, helaiha hi chuan BRO hian hna thaww se, a dang hi chu state PWD ah hlan

ta vek ila, a tha mai ang a tih ngaihtuahna rilru kha an nei a. Chuta tanga he kan highway te pawh hi lo kal a ni a. Chu chu kan hriatchian thain ka ring a. A hranpa a PWD ten state tin hian an zu dil avanga zu hmu ta emaw an ni lo a ni tih kha kan chian ngaiin ka hria a, chu chu kan sawifiah duh a. Tin, Pu Dy.Speaker, hei PWD hi chu kan sawi hnem tawh bawk a, han sawi vak pawh ngai pawn ka hre tawh lova, ka bialah te khulai kan harsatna ber MZU kawng pawh black-top tha in tun thal chhung ah kan House Leader zahawm takin min siam sak dawn a, a chungah lawmthu kan sawi nghal duh bawk a ni. Ama'rawhchu, khumi engeni PTC road ₹ 85 lakh lai mai nikum lama lo hman a kha tun thal kal ta a hman a kha erawh chu min enchian sak ka la ngen duh cheu a. A chhan chu a pawisa a tam tehluul nen a hna khu a zu zawh velo ani mai thei a, hnathawh mumal a awm lova; pawisa ka ti khawp a, a pawisa kha ka ui deuh hlek a ni. Chuvangin, khuti lai ah khu chuan a that tawh lohna chu vawiin ah hian chiang taka han sawi ka duh a. Tu mawh nge anih chu ka hre lova, EE te nge ni? JE te, SDO te an awm a, chungho mawh chu ani mai thei a ni. Chu chu kan sawi leh duh a.

Tin, a hnukung ber atan chuan hei Medical Public Health Services ah hian lawmthu han sawi leh ka duh chu Sairang damdawi in khu min sak sak dawn a. ₹ 100 lakh dawn lai in min sak sak dawn a, a lawmawm hle in ka hria a. Ama'rawhchu, chuti laiah chuan Pu Dy.Speaker, a sak dan chungchang ah khuan a hmun ngai khu mipuiin an duh deuh hlek a. A lehlam a khawchhak lampang ah khuan a sak thei a, thlanglam tuna la tha ve si han thiah mai tur atana uihawm si a khu hum thei hram hram ila, thildang ah a tha ange tih ngaihtuahna an nei ve a. Chu chu ngun takin min lo en sak sela, a sak hunah pawh thiat loh a a sak theih hram chuan khulai ah khuan tih ni sela; Amaherawhchu, a theih ngang loh chuan keinin mipui pawn kan dal thei chuang lo ang a. A tha thei ang ber a, nakin ala hman theih anih dawn avang khan an ui ve deuh hlek a, building la tha ang reng tak si a khu; chu chu min hriatsak se ka duh a. Damdawi in tha tak min sak sak dawn avangin kan Health Minister chungah kan lawm hle a ni. Chumi rual rual chuan doctor pakhat chauh Sairang ah khuan kan nei ve a. Hei hi a indaihlo a, pahnih te chu a awm theilo ang tih kan ring sa a. Amaherawhchu, chutih lai chuan Pu Dy.Speaker, a hun khu hmang tha deuh hlek se tih mipuiin an duh deuh va, tlai lutuk a kal lovin a nihna ang khu tlem in hmang ve deuh se tih min chah a. Chu chu kan Health Minister pawhin min lo hriatpui se tih kha ka'n sawiduh bawk a ni.

Tin, thil vanduaithlak tak mai kan damdawi inah hian a thleng a, hei hi kan House pawhin min hriat puia, kan House leader zahawm tak pawh hian lo hria se tih kan duh deuh hlek a. Pi Lalmuanpuui (26) w/o Lalngaihawma, Khatla hi naupai a ni a, nau nei turin damdawi inah a kala, chuta a kalnaah chuan Dt.7.10.15 khan an admit a, tichuan Dt.9.10.15 hmanni lawk khan zai a ngaia, an zai ta a, tichuan an zai kha tha takin naute an zai chhuak a, an lawm viau a, amah pawh kha that lohna lutuk pawh kha a nei chuang lo a. Amaherawhchu a hnu deuh lawkah khan a tuk leh lamah khan amah kha a chiang vak ta lo a, thisen te a chhuak hnem em em maia, tichuan amah kha a au vak vak a, ' Damna ka duh e, min tidam thei in awm lawm ni' tih te, khatiang khan amah kha a au vak vak a. Tilaiah chuan kan damdawi in lamah duhthu an sam lo deuh nge ni duty te kan hre lo a, doctor senior deuh te, gynae lampang te duhthusamin an chak tawh lo deuh te a ni maithei a, a

neitute an vui deuh hlek a, chumi avanga doctor te va thiam loh hluah hluah emaw, hrem va duh vang nilo in tlemin nurse duty te pawh khan an pi leh pute an ko lo deuh nge ni ngaihsak tawk lo deuh hlekin an hria a an rilru a na khawp mai a. Tichuan amah hi a thisen chhuak tam vanga boral ta niin kan hria a, Dt.11.10.2015 zing dar 12:30 AM khan a boral ta a, an rilru kha a na deuh hleka.

Engpawhnisela theihtawp chhuaha min buaipuia boral chu ni ila, rilru na pawh a nuam deuh tur, mahse kan doctor-te, senior doctor te, vawi khat erawh chu gynae an zai atanga zing dar 10:00 AM vela zai kha a ni a, zan dar 11:00 PM leh tih ah khan alo kal chauh a, tin a zaitu pawh vawikhat mah alo kal lo a, chuvangin hetiang hi chu nilo sela aw, a tha mang e, an ti a. Chuvangin Civil Hospital hi India ram ka fan ve naah pawh Civil Hospital hrim hrimah chuan a hmantlak pawl a ni mai awm mang e aw, ka lo ti thin a. A dikchiah chuan a tawp lutuk lo a, a thianghlim ve a, tin chu bakah doctor te pawh an fakawm a, ka damloh te hian tun hma khan a hminga Minister ka nih ve lai pawh khan Civil Hospital khi ka pan chawt a tah khian ka awm chawt a ni kei chu. Chutiang ang doctor tha tak tak leh fel tak tak te leh thiam tak tak kan neih laia hetiang a zai a lo boral leh ta mai hi House hian va hre ve reng reng se kan duh a. Khami a mawhphurtu kha va hrem talh ang tih emaw an thiam lo hluah hluah emaw va tihna ni lo in mihring hi kan ingaihsak na hi damdawi a ni a, chuvangin kan House leader zahawm tak pawh hian lo hria se kan duh a, in ngaihsak te kan theih tawk kan chhuaha, doctor chuan thil zawng zawng an ti thei biklo tih kan hria e, damna zawng zawng pawh an kut a ni chuang love, amaherawhchu an tih theih tawk an chhuaha mi an rawn ngaihsak hian kan rilru a dam huai huai a.

Tawngka a, 'I tha leh mai ang,' an tih te, 'I natna hi zawng a dam leh mai ang' an tih te, doctor tawngka a nih pheih chuan kan hlim a, kan hlimna pawh hi damna alo ni thin. Chuvangin heti laiah hian kan doctor te fimkhur deuh hlek sela, an damlo te ngaihtuah leh zual deuh hlek sela. Tlema mi rethei deuh kan lo nih pheih chuan damdawi in hi in ngaihbel mai a awl khawp maia, 'milian deuh chu an duhsak alawm, chutiang khatiangin an ngaihtuah alawm, keini mirethei chutiang a ni ve hleinem' tih a awl khawp maia. Chuvangin hetilaiah hian kan Civil Hospital kan chhuan em em kan doctor thiam tak tak te awmna, kan damloh pawha keimah ngei pawhin ka rin ber, ka awmna kumkhua thin hetiang a alo awm ta mai hi pawh ka ti a, tuna tang chuan tan la thar leh ta sela, theihtawp chhuah sela, mirethei chauh nilo milian pawn an pan huai huai a ni. Chu chu hria ila, vawiin ah hian kan House zahawm tak hian hei hi hria se kan duh a ni, Pu Deputy Speaker, ka lawm e.

DEPUTY SPEAKER : A lawmawm e, hun in la hmang thiam viau zel e. Tunah Pu Joseph Lalhimpua.

Pu JOSEPH LALHIMPUA : Pu Deputy Speaker ka lawm e. Kan Chief Minister zahawm tak Demand ka sawi hma in hei kan House leader leh kan Chief Minister zahawm tak leh kan speaker ten min remtih sak a, zanin ah hian YMA inkhawmpui (General Conference, Bairabi ah) YMA leh Education Department te thawh hona chungchangah thusawi tur C.Y.M.A in hun min

pek avangin, reiloteah ka chhuah a ngaih dawn a. House Leader leh Speaker-in min hriat thiamna vangin lawmthu kan sawi hmasa a ni.

Pu Deputy Speaker, tawi te te kan sawi ang a, Power Department ah khan hei lawmthu sawi tur a awm nualin ka hria a, kan Senior MLA zahawm takin a sawi ang khan duhthusam la thleng lo deuh mahse hmasawna tam tak kan hmuin ka hria a, hei tun hnaiah Lunglei khawpui chhungah pawh Finance Commission pawisain transformer thar engemaw zat dah belh a ni a, VC thenkhatte phei chuan ka sawi chhuah te pawh an lo ti hial a ni awm e, ka bialah pawh min dahsak ve a, lawmthu ka sawi a ni.

Tin, Pu Deputy Speaker, transformer lian tak veng pahnih pathum enkawl thei chawm thei hi a chhiat hian a buaithlak khawp mai a, a chhawrtu an tam thin si a, a chhiat palhin harsatna neitu kha an tam a, tun laia an system hman ang deuh kawthler pahnih pathum, veng khatah pawh transformer pali panga, a aia tam deuh a te te han dah hi engemaw vanduai thil thua alo chhia a nih pawhin laksawnte a awlsam a, siam a awlsam a. Tin, a chhiat palh pawhin a tuartu kha an tlem deuh hlek a, hetiang system te pawh hi kalpui zel kha tha ka ti khawp mai a, kan han sawilang a ni. Tin, Serchhip piah lampang Chhimbial zawng zawngin power line pakhat, 33 K.V. line kan tih fo hemi Zuantui atanga pe chhuak thei chauh hi kan la hmang a, Zuantui station ngei pawh hman a thu thar kan hriat angin, lei tla hniam avanga harsatna te pawh awm thei a ni tih a nih kha. Bukpuiah te leh hmun dang dangah line a chhiat chuan Mizoram zatve ai tam mah power ah harsatna vawi tam tak kan tawk thin a. Hemi siam remna atan kan power minister kan Chief Minister zahawm takin theih pa tawpin hma a la a term hmasa atangin, Sialsuk, Thenzawl tlangdung lam atangin 33 K.V. line thar siam turin hma an han la tan a, hei hi kan nghakhlel khawp maia, department in theih pa tawp rawn chhuah zel sela, tih kha kan han sawi duh a. Tin, tun a kan awmna kan member zahawm tak Pu T.T. Zothansanga te, Pu K.S. Thanga te nena kan awmna veng Khatla tlang Shivaji Tilla quarter bul deuhah khian transformer a awm a, a hungna awm lo a ni a. Khilai kan kal vel leh inkhawm kawng deuhte a ni bawk a keini tan, kal apiang hian naupang ninhlei deuhte lo tlan lut palh se la ruahsur lai te pawn tawm hul nan, vanduai mangkhawng hi a ni palh ang em aw? Tih hi kan ngaihtuah thin a. Vawiin hian a remchangah ka han sawi a, awlsam tein a hungphui theihin ka ring a, Department-in hma an lak theih nan ka han sawi a ni.

Tin, PWD ah hian thil pakhat chauh han sawilan ka duh a. Term hmasa khan kan Chief Minister Chairman na hnuaiiah Lunglei Highway Committee khan Lunglei By-pass road ah hma la turin kan rawt a. Theihtawpin department-in hma min lakpui a, DONER Ministry-in min retain sak tawh nghe nghe a. Nimahsela DPR kha duhthu a lo sam lo va, query tam tak a lo kal a, a chhanna PWD leh DoNER an la inthawn tawn mekin ka ring a. Hei hi kan nghakhlel hle a ni, theihtawpin min umzui sakzel sela tih kha ka han sawilang a.

Tin, General Administration Department demand no.15 naah hian, MLA Fund hman dan guidelines thar an siamchhuak a, a lawmawm khawpin ka hria a. MLA ten Development kan

bial chhungah a mamawh tak tak department ina a thlen vek theihloh na laiah MLA Fund hmangin development kan tih thlenna ah hian, district hrang hrangah hian tihdan a inang lo fo thin a. Chutah chuan guideline thar, a bu kan nei tawh bawh a, hei hi GAD lama kan hotute pawh hian, Planning department min pek ni mahse GAD kaltlang a hman anih avangin kan district Deputy Commissioner theuhte hi mipui ta tak tak a ni tih hria a, awlsam taka guidelines anga a hman theihna tur hian hma min lo lak sak sela. A guidelines a awm reng pawh harsatna tam tak kan tawh chang a awm a, keini bialte phei chu harsatna tawh tlem pawl kan nih ka ring a. Thingtlang khua leh zual Lunglei district angah te pawh example angin han sawi ta ila; Lunglei khawpui kal nan lawngah nikhat kalhnu ah motor a nikhat kal lehte tan cheng singli singnga bill la tura nihnih nithum chamte leh vawihnih vawithum kal ngai ang chite hi kan hotute hian a awlsam theihdan min zawnpui sela ka duh khawp mai a.

Tin, hall lian tak mai Saikuti Hall kan nei a Lunglei ah sawn, a bilh a tho chiah lo deuh a, sak peih anih hmain hawn a ni a, Lift te pawh awm tur a ni a vawiin thleng in a la awm lo va. Tin, sak peih a nih hnuah pawh kum tam tak chhung sawrkarin leiba a rul a a satute hnenah. Tunah sawn khawi department ta ber nge tih pawh hriat mang lohin Art & Culture department te, tin, DC ah sawn a enkawl tu te an awm a, GAD a nih avangin hei hi ka han sawi lang duh a. Cheithat a ngai tawh khawp mai a, tuna kan chei that loh chuan nakinah chuan sum tam zawk sen a ngai ang tih ka hlau a. Tin, a ceiling te saw ruah farin a sound proof/roof kan tihte hi a ti mawih nual mai a, function neih laia lo tlathla nawlh nawlhte pawh a awm fo tawh a ni. Chuvang chuan vanduai mangkhawng a ni theiin ka hria a, hei hi a chei dan min ngaihtuah sak sela ka duh khawp mai.

Tin, Medical Department demand ah khan thil pahnih khat han sawi ka duh a. Pakhatna ah chuan kan Health Minister Chief Minister ni bawh hnenah lawmthu ka sawi a. A changtu a ni tho bawh a kan Chief Minister hian 2008 ah khan Zobawk, ka bial chhung ve ah PHC din a ni ang tiin ziakin min tiam a, thutiam a ding thin kan ti a kan sawi a, vawiinah chuan sanction engkim peihfel a ni tawh a. Zobawk ah PHC din turin reilote ah tender te chhuah a sak tur a ni tawh hmel a, hei hi bial mipuiten kan nghakhlel hle a nih tih ka han sawi a, lawmthu bial mipui zawng zawng aiawhin ka han sawi bawh a.

Tin, Lunglei Civil Hospital quarter ho saw 1950/1960 bawr vela sakho kha an ni deuh vek tawh mai a, a chhe khawp mai a. Hei pawh hi quarter thar sakna tur min lo ngaihtuah sak sela tih ka han sawi nawn leh a ni.

Tin, a tawp berah chuan Minor Irrigation Department demand no.47-na hi kan Agriculture Minister demand ah khan sawi awm tak anih laiin Minor Irrigation ah hian a awm thoin ka hria a. Agriculture department nen hian convergence an neih that hle a ngaiin ka hria a, an nei tan zeuh zeuh tawhin ka hria a. Tunhma deuh khan Minor Irrigation Department in mual khat te, mual hnih te an han bung a, project an han kalpui a; a leh lampang mualah chiah Agriculture Department in WRC project an han kalpui ve leh a, inchhawr tawn thei lovin an awm a ni. Tunah

chuan agriculture department in WRC project a kalpui naah hian minor irrigation te hian an project hi kalpui sela kan loneitu leh kut hnathawk tuten leilet leh khatiang agriculture department in hma a lak naah khan tui hnianghnar an nei nghal ang a, chu chuan rahtha tam tak a chhuah ang tih ka ring a. Hei hi kan agriculture department te nen pawh sawi khawmnate hi nei tam leh zual sela tun aia tam hian a tha awm mange aw ka ti a.

Tin, Information & Communication Technology Department hi a tangkai chauh pawh ni lovin a lo a kan awm theih loh a ni chho telh telh dawn a, tunah pawh a ni tawh a. Education Department phei chuan kan chhawr tangkai khawp mai a, convergence neiin tunah chuan Mizoram a school zawng zawng hi Google Mapping ah Longitude/Latitude degree Chhinchhiah thlap in 90% vel kan zo tawh a. He School hi khawi district a mi nge, chumi school ah chuan zirlai engzatnge awm, zirtirtu engzatnge awm tih te; tin, chung zirtirtu te chu a mal te te in an service status, entikah nge sawrkar hna a zawm, khawi hmunahte nge transfer an nih tawh, engtikah nge an pension dawn tihte hi kan Minister-te leh kan hotuten an dawhkan atanga computer-a click chhuah mai theih turin tunah hian IT department te nen convergence tha tak neiin kan buaipui mek a, department chungah pawh lawmthu ka han sawi a ni.

Tichuan, Pu Deputy Speaker, kan Chief Minister zahawm tak demand hrang hrang hi ka support ani tih kha ka han sawi a ni e. Ka lawm e.

DEPUTY SPEAKER : Tunge han sawi vele ang le? Er. Lalrinawma.

ER. LALRINAWMA : Pu Deputy Speaker, ka lawm e. Hei demand hrang hrang sawi tur kan nei duah mai a, sawi vek sen pawh a ni lovang a, mahni ngaih pawimawh lai laiah kan chip kual deuh den den a ngai dawn in ka hria a.

A hmasa ber atan chuan demand no.13-na hi sawi ta ila. Hemi chungchang ah hian Pu Deputy Speaker, October 2008 kum khan scheme pakhat, 'The Government of Mizoram Regularization of contract Employee Scheme, 2008' hi siam alo ni a. Section 4 ah hian helai a Contract Work a contract a thawk te regularize na tur dan kha fel takin a lo in ziak a. Tin, section 4 na hi relax theih anih na tur thu hi ti hian alo chuang a, a tha khawp mai a. Chutih rual chuan 2009, June 24 ah khan a notification ti chhuak in he relaxation hi deletion siam a lo ni a, a notification kan kawl a June 24, 2009 ah. Chutih rual erawh chuan kan hna lak kal te han en hian helai a deletion kan siam hi kan zawm leh hleitheih vak lo emaw ni chu aw a tih theih a.

Tin, chutih rual chuan regularize han phu ve deuh te leh engemaw kha, a dan nan hman awm ang deuh te pawn a hriat theih a. Chuvang chuan mipui lam atang hian he deletion hi a tihtawp leh theih mai lawm ni tih lai ngaihndan te pawh kha a awm a. Hei hi min lo enchian sak thei se a tha hle ang tih te pawh kha a hmasa ber ah ka sawi duh a ni.

Tin, a dawt leh atan chuan GAD hi han sawi ka duh a, GAD ah pawh ka sawi duh chu population chungchang hi sawi deuh daih ka chak a ni. Mizote hi kan la tlem a, amaherawhchu kan Population Control Policy te kan hria a. Pu Deputy Speaker, kan hriat atan chhiar ve hrim hrim a ka chak deuh a. 1981 chhiarpuia mihring kan punna growth rate a hi za zela 48.55 a ni a, 1991 ah hianin za zela 39.7 a ni a. 2001 ah hian 28.20 a ni. Hemi ka sawina chhan chu kum 1981 atanga 2001 chhung zawng hian Mizo mipuite kan punna hi za zela sawm zel in a tla thla ta par par mai a ni. Kan growth rate a hniam thlain kan punna hi a chhe ta tial tial mai a ni.

Amaherawhchu, 2001 leh 2011 inkarah Kohhran te, Y.M.A. tein e, hetiang chu a dik love naupang Sunday Schoolah te, Primary Schoolah te, kan tlemta lutuk tiin ngaihndan thar a lo piang a. Kha vang te pawh a ni turah kan ngai a, 2011 ah chuanin 22.78% ah a lo kang hret a. A nihna ang tak ah kha chuan za 18% vel ah a tla mai awm mang e aw tiin ka lo ngaihtuah a. Hetianga kan punna a lo tlahniam lai hi ngaihtuah tham niin ka hria a. Vawiin a kan in zirtir dan pawh hi kan in hrih hriat a, kan ennawn te pawh hi a tul awm mang e aw, tih kha kan ngaihtuah deuh a. Pa ho pawh kan in ngaihtuah a tul awm mange aw, tih kan ngaihtuah deuh a ni.

Tichuan Main Worker hi 1991 ah hianin chhiarpui ah 42.09% kan ni a, 2001 ah hian 40.79% niin 2011 ah 37.83% kan ni. Chumi awmzia chu a thawktu main worker te pawh hi kan tlathla tial tial tihna a ni. Chuvang chuan mihring ka ngaihndan ah tunlaih hnathawktu kan tam ang a, economic te pawh a thang ang chu tih laia hetiang mihring punna tlahniam mai leh hnathawktu pawh kan tlem tial tial mai hi reloteah kan ram economic hian a tuar thei mai awm mang e, tih ka ngaihtuah a. Chuvang chuan ngaihtuahna zau zawk kan sen theih nan helai hi han sawi ve hrim hrim kha a thain ka hria a. Chuvang chuan, heng kan mihring pun dan tur te, kan in enkawl na kawngah hian ngaihtuahna zau zawk mihring tlem hrim hrim hi changkanna a ni hran lova, mihring tam pawh retheihna a ni chuang lova, systematic lam a ni zawk a ni, tih lai te pawh hi hrechiang tlang ta ila, tih kha kan sawi duh a ni. Vawiinah hian helai Data hrim hrim lai a kha kan tarlang chak ve a ni, tih kha Pu Deputy Speaker, kan sawi duh a ni.

Tin, a dawt leh atan chuan, kan sawi deuh duah a, helaia Demand No. 13-na pawh hi a huam tel mai awm mang e, ka ti a. Mizoram Engineering Service Rules hi han sawi deuh hlek ka duh a. Hei, Mizoram Engineer hrang hrang, work Department hrang hrang kan nei a. Tahchuan, Mechanical Engineer ho hi an chan hi a chau khawp mai a, hei PWD ah te, hi chuan an kai theih chin S.E. hi a ni mai a. PWD ah chuan Civil Wing te Mechanical Wing te, Architecture Wing te a awm. Tin, P&E ah te phei chuan Electric Wing leh Civil Wing chauh a awm a. PHE ah phei chuan an awm tawh lo a ni. Mechanical te hi anihna takah phei chuan, ram thang zelin a mamawh, multipurpose Engineer tih khawpa, branch hrang hrangte thlun zawm tu a an ni a. Vawiin ah hianin hmasawn ka tum a, thil reng reng hi kalpui chhoh zel kan tum chuan, Mechanical Engineer ho te pawh hi kan rawih thiam te pawh hi a ngai a. Ram changkang apiangah Mechanical Engineer te an hmang tangkai a, an chhawr tangkai a. Chutiang chuan, keini ah hi chuan an service te pawh hi a limit khawp mai hetihlai te pawh hi ka sawi duh a.

Tin, PHE ah te, a bik tak phei chuanin heng tui pump hna hydraulic and fluid mechanic subject zawng zawng te leh pump operation and maintenance tih zawng zawng te hi an main subject zawk mah mah a ni a. Tin, in zir tawm subject te pawh a a tam a. Chutiang chuan operation & research tih te, management-te leh khatiang ang chi an mahni han chhawr tangkaina tur, tui pawh khuap dawn ila a tuikhuah chin zawng chu civil Engineer hna a ni a. Tuikhuah dawna electric kan lakchhuah hma chiah, Mechanization zawng zawng hi mechanical ho hna a ni ve thung a ni. Tichuan, kha mechanization tih zawh hnu ah, generator atanga current lakchhuah dawn in electrical engineer hna a lo ni ve leh ta ani. A lei dawh zawmtu an ni a, hetiang anmahni hnathawhna chance kan siam sak tlem lutuk lai hian kan ram hmasawna a ti than thuin nasa takin, hmasawna a nghawng mai awm mang e aw, tih ka ngaituahna ah a awm a.

Vawiinah hei, gas te pawh kan lachhuak dawn kan ti a, kan hlim em em a, chuti rual chuan, thermal power plant te pawh a la rawn ding dawn a ni. Khang hunah khan, steam turbine zawng zawng, thermal power plant atanga current siamna reng reng hi steam turbine atanga siam chhuah vek a ni. Heng thermal power plant te pawh hi kan ti tak tak dawn a nih chuan, mechanical engineer te vawiin nia an dinhmun lo deuh ah kan dah thiam hi a pawimawh dawn in ka hria a ni. Hetiang tawp chin nei lutuka kan siam chuan zir duh pawh an tlem tial tial ang a, nakinah ram changkanna hian an mahni mamawhna in a la rawn nawr dawn tho tho a, duh lo chung chungin hnam dang kan la lut ang tih a hlauhawm khawp mai.

Chuvangin, Pu Dy. Speaker, kan Engineering Service Rules te pawh hi ennawn leh a, anmahni C.E. thlenga kaisang theilo a kan han dah tawp te pawh hi a fel chiah em aw, ka ti deuh a. Tin, Operation Research te pawh hi a pawimawh em em a. Project thawh a lo nih dawn a, a thawh zawh hun chung tur zawng zawng bithliah te, khawiah emaw bungrua kan phurh dawn a, a transportation model zawng zawngte pawh hi leh hetiang chi, technical thila decision siam tur ang chi ah te pawh khan Mechanical Engineer-te subject a nasa taka a luh avangin, heng thilah hian anmahni enkawlna, chance hi pe deuh zawk ta ila a inkhuangrual deuh zawkin thil hi ti ta ila, ram hian hmasawna tun aiin a hmu tha in ka ring. Kan tui pump na-ah te pawh mechanical ho hna a tam em em a ni. Amaherawhchu, hna kan pek danah hian, hei hi ennawn leh a ram kalphung hi a khawih em aw tih kha Pu Deputy Speaker, ka sawi ve duh a.

Tin, a dawt leh atan chuanin, PWD ah hian han lut ta i la. PWD hi a pawimawh khawp mai a. Hei, ka bial chhungah pawh khian hna hrang hrang an thawk a, a lawmawm ka ti a. Constituency khat ah chuanin hna hrang hrang kal lai ngah ber kan ni mai awm mang e aw, ka ti rum rum a. Khang ah te pawh khanin lawmthu ka sawi duh a. Ka sawi leh duh lai a chu, hei vawiin niah pawh hianin technology thar hei chawhnu lamah pawh kan sawi a, Cell filled concrete kan ti a. RBI grade 81 te kan ti a Liquid Polymer-te kan ti a ni. Tin, tunah hianin ebocred an ti emaw ni, company thar an rawn zuar leh bawk a ni. A company a thawk te phei chu an lawm leh tan tawh viau tawh ni te pawhin a hriat a, heng thil thar lo thleng tur lai a hi keimahni te pawhin kan hman dawnin zirchian a, eng ang chiahin nge he thil thar hian a nghawng dawn tih

chungchangah kan ngaihtuahna kan sen hi a ngai mang e aw, tih hi ka ngaihtuah a ni. Vawiin nia kawng chhia kan in mawhpahna zawng zawng ah pawh a lehlam zawnga ka ngaihtuah chuan, kan technology hman hian a zir lo a ni mai lo ang maw, tih te pawh hi zawhna awm thei tak a ni a. A chhan chu tunah Hrangturzo bialah te pawh RBI grade 81 kha an hmang a, ti khan, a chhe ta hle a ni mai a. Khang te pawh kha research & development technology a nih avangin leh enchhin nan kan hmanzel avangin, ti hian a fel lo a ni. Amaherawhchu, khu lama kan funding agency ten, “India road congress” Congress ti ah khanin kan lo lawm lutuk ang tih ka lo hlau deuh a, kha lam kha ni lovin, hei hi chu kawng siam lam congress a ni ve thung, tih kha hre ta ilangin. India road congress, (IRC) thu leh hla kha an la si a, funding agency te hian. Chuvang chuan vawiin niah hian Pu Deputy Speaker, kan ramah ngei hianin, Mizoram University ah Civil Engineering Branch te pawh a lo piang chho tawh a. Hengah te hian kan ram mil tur, research te pawh kan ti tur a ni dawn lawm ni, tih hi ka ngaihtuah a.

Tichuanin, heng technology awm tawh sa hi chu khu lama thu neitute, inzir phan chang tawh tak tak te hi tawngpawng tawngkam tha a hmin mai theih pawh an a ni lova. Chuvang chuanin pahnih leh pahnih belh pali tih ang chi, Technically a va hmin an ngaih a vangin, khulaiah research bei ve ila, Mizoram University hian. Chuvang chuan an thil hmuh chhuah atang chuan, Mizoram kawng mil tur technology kan nei thei dawn lawm a ni. Research bei a min an hmuh chhuah tawh kha chu khu lamah paih mai theih a nih ka ring tawh lova. Chuvangin Mizoram University te pawh hi kan hmang tangkai a tul a ni.

Tunah hian kan kawng chhe tam tak, a hi August atanga September chho vela ruahtuiin a tih chhiat hi a tam ber awm mange aw, a tih theih a chuvang chuan he kan technology hman tam tak hi kan khuarel hian a millo a ni awm mang e a tih theih bawka ni. Chuvang chuan heng thilah hian MZU kan nei tawh a hengte pawh hi hmang tangkai ila. Official level-ah chuan thil awm tawhsa tih a ni mai a, politics lamah erawh hi chuan thil awmlo ata awm tir thin anih avangin politics level-ah chuan a sawifel theih zel ang tih kha kan ring bawka, chuvang chuan Pu Deputy Speaker, kan kawng chungchangah hian Mizoram University-te thiamna, an Civil Engineering cell an lo din tawhna te pawh hmang tangkaiin research bein hma ila ang u, tih kha vawiinah hian kan sawi leh duh bawka ni.

Tin, Medical bikah hian tlem han sawi ka duh a Saiha bialtu zahawm tak hian a sawi teuh tawh a. Amaherawhchu, mahni thil tawn ve te te han sawi ila. Nurse-te an indaihlo em em a nurse hi khawiah mah hian an indaihlo a ni awm e a tih theih a. Cancer Hospital-ah te kan va kal a, an indaih loh zia chu kan hre vek a nurse pakhatin damlo a enkawl zat pawh hi ngaihtuah tham a tling a. Tin, Civil Hospital-ah te pawh an indaihlo em em a, earned leave pawh an la hlei thei tawh lo a ni, damlohna anih loh phei chuan, casual leave te pawh an pe hlei thei tawh lo. Chutiang chu a ni a, mipuiin kan mamawh tawlh tawlh mai bawka si a, Nurse-te hi kumtin a lak ve theih dan te hi a awm lo maw aw, tih te pawh kha rilruah a awm a.

Tin, Damdawi In a kan buaipui ve deuh mai pakhat chu entirnan Doctor ten room an han fang a, an fan zawh chuan dar 2 : 00 dawn te a lo ni tawh a, Tunah chuan RKS Governing body a ti emaw ni, khami thu ang khan a man, lobaratory charge hrang hrangte lak a lo ni tawh a, khang laboratory test tur nurse ten thisen an lak sa te kha laboratory technician ten dar 11 : 00 thleng chauh an theih si avangin, dar 11 : 00 hnulam a mi zawng, entirnan Doctor-in Ward a han fang a, Emergency thisen lak ngai emaw te a lo ni a. Laboratory Technician ten dar 11:00 thleng vel chauh an lo dawn theih si avangin kha sample a kha, private pan alo ngai ve leh thin a. Chuvangin helai hi siamrem theih nise a tha khawpin ka ring a, a chhan chu thingtlang atangin harsa te te te an lokal a private Laboratory pan te a lo ngaia a man a inthlah avangin. Damlo tan a buai thlak hle a. Kan Laboratory Technician te pawh hian dar 11:00 thleng an dawn theih laia hi han tizau deuh thei se a lawmawm awm mange aw, tih kha kan sawiduh baw k a.

Tin, RSBY baw kha sawi leh a ngai a ni, mi harsate zawk dinhmun thleng anih avangin helaiah hian RSBY bill theih loh natna te a ti a, hei hi Mizoram Health Care Society-ina a lehkha chhuah niin No. 9-ah hianin ‘mahni in tih nat zu leh drugs nghei duh avanga enkawl natna te’ tih a ni. Hmanniah rul chuk kan han hmu a, a thisenah zu an hmuh avang ringawt khan anmahni RSBY beneficiary ni mahsela hman an phal tlatlo mai a ni. Hmanniah kan bial chhungah pawh nupa an in tibuaia an pa zurui in a dulah a tlawh a, chu pawh chuan a hmang thei lova. Pakhat chu a stroke a, a tlu a, an han zawt char char a, zu a in ngai em ? an ti a, in ngai e a ti a. E, a hman theih loh anih hi an ti leh mai a ni. Zu tih reng reng a kha chu hmanlai kan thawnthu a ‘a sen reng reng chu hlau zel ang che kaw l kei a ni e’ tih ang deuh mai khan, zu reng reng chu hlau zel ang che tih ang mai a ni, tunlai kan dinhmunah hian. Chuvangin, zu in zia k reng reng kha an rap a MLPC Act hnuia a permit nei ngat phei chu an an hlau ngawtin ka ring Pu Deputy Speaker. Chuvang chuan hei hi chu kan enchian a ngai a, kan lehkha nen, mipuia kan tlangthan nen hianin tuna min enkawl dan hi a diklo a ni. Kan sorkar ngei pawhin nuai 1000 dawn a hmang he scheme atan hian, chuvang chuan company te pawh hian min ti lutuk lo se a tha awm mang e, tih ka ngaihtuah a. Chumai piahlah pawh hetah hianin RSBY package rate kan nei a, heta mi chauh hi min ensak a internet atanga RSBY kal hmang hrang hrangte kan en chuan, khang kha package rate ah a awm lo anih pawhin Insurance Agency-ten an lo enfiah ang a, telh dan zawn a ni ang tih a inzia h laiin vawiinah chuan RSBY package a awmlo kha chu min enkawl thei lo baw k a, tin an Accounts pawh an hrel o hrim hrim baw k a, hengte pawh hi a tha lo baw k a RSBY hmangtute pawhin ₹ 30,000 an neih khan an enkawl naah engzatnge an hman, engzatnge an la neih tih te pawh hi in hrih hriat ve ni sela. A hmangtute tan pawh a chhawr na awm leh zual ang tih te pawh kha a rinawm a ni.

Tin, minor irrigation chungchangah hian tlem han sawi ka duh a, minor irrigation hi thil pawimawh deuh mai a ni a, chutih rual chuan heng project kan siam chhung hian a hmangtu khua leh veng, a ram neitu V/C leh mipuite nen kan inrawn tlan

hi a va tha awm ve tih hi kan sawi duh a ni. Amaherawhchu, vawiin thlengin Mizoram-ah minor irrigation project hi project 439 thawh a ni tawh a ni JICA in a zir chianna atangin chung zinga 49% chauh chu hman tangkai a ni, 7% chauh enkawl zui a ni. Chumi awmzia chu minor irrigation-a hma kan laknaah hian mipuite nen inrawn tlanna a awmlo emaw ni chu le a tih theih a ni. Engatinge chhawr tangkai leh mang si lovin an siam aw, tih hi ka ngaihtuah a, 51% hi hman a ni a, 49% hi hman loh a ni a, 7% chauh enkawl zui a ni. Chuvang chuan Mizoram-a changkanna thlentu tur project pawimawh tak a ni a, chutih rual erawh chuan kan project hlawhchham nasa lutuk lai erawh hi chu ngaihtuah tham tak kha a tlingin ka hria a. Chuvang chuan heng hi ennawn leh in project kan siam dawn anih pawhin a khaw miten an mamawh em ti a an khaw V/C te nen Water User Association kan ti nge ni khangho te nena felfai taka inrawn tlan kha kan project hlawhtlinna a ni zawk dawn a ni tih kha ka ring a.

Tin, kumin a 13th Finance Commission-ah khan nuai 100 vel chauh kha kan hmu a, hmuh loh tam tak kha a awm a, khangte kha kan ngaihtuah a, kan zawh chian chuan water tax kan ti nge, khami bill kan lo lak hreh vang kha a lo ni a. Amaherawhchu, kan ngaihtuahna zau zawka kan duh a chu a aia tha kan pek theih chuan si loh a, a hmangtute pawhin 100 a cheng thum, cheng ruk, cheng sawm vel te an lo thawh ve theihna tur atana khang kha tangkai taka kan hman a, kan khawn theih tho kha chuan khang khawn kha a dik lovang tih avang ringawta kan han hnawl leh ringawt mai kha chu, kan ngaihtuahna kha chu hmang zau deuh ila a tha awm mang e aw, tih ka ngaihtuah a. Chuti anih loh chuan source dang kan nei chuang si lova, ti khan cheng tam tak 13th Finance Commission-ah pawisa kan thlir liam ta a ni a, kha kha a uihawm hle in ka hria a. Tin, mipuite pawh heng kan hman tangkaina tur hi kan zirtir thiam a ngai a, hmasawanna hi sorkar atanga thawh a ni lova, mipuite nena kan vaia kan thawhchhuah a, rahchhuah a ni a, khalai kha Mizoram mipuite pawhin an hrilhchian kha a tha awm mang e tih kha Pu Deputy Speaker kan sawi duh a ni e, ka lawm e.

DEPUTY SPEAKER : A lawmawm e. Tunah Pu Lalrinliana Sailo ilo sawm ang.

Pu LALRINLIANA SAILO: Pu Deputy Speaker, ka lawm e. Tlemte ka sawi ang. West-I bialtu zahawm tak khanin Khawhai chungchangte kha a rawn sawi a ka sawi ve loh chuan a lawm loh vang min tih ka hlau tlat mai. Demand No. 39-na Power & Electricity Department ah kan kal ang a. Sialhawk ah khi sub-station min dah sak a, kan lawm khawp mai a. Kan mamawhna te hria in, hun hmasa lamah kan dil a, Sialhawk ah min dahsak a, Khawhai khan an thik tlat mai a, zep thu a awm lova. Sialhawk khaw-te zawk a dah a nih chuan an ti a, kan han dil ve leh a, min pe ve leh dawn a plan hrang ve ve in. Sialhawk a an awm kha Khawhai ah in dah loh chuan an ti a, Khawhai tui kha cut kha an tum ta

tlat mai a, buaina a chhuak dawn a. E khai, min thelh teh u kan ti a, min dahsak ve ve ta a, kan lawm khawp mai.

Khi khian in, khi mi khaw hnih leh a chhehvel chawm-tu mai bakah, hetah Khawzawl lam-te, Champhai District lamah te, khi mi pahnih avang khian Power an sem pheh leh a, a lawmawm khawp in ka hria a, lawmthu kan sawi a ni. Tin, Sialhawk a mi pawh khi hawn a la ni lova, Khawhai a mi pawh hawn a la ni lova. Member zahawmtak in August ni 4 a zawh tawh a tih kha September ni 4 khan ka han kal a Teachers Day vel khan, tah pawh khan an la thawk laih laih a. A zawh chu an zo khat tawh a. Hawn bung bung a nih loh pawhin, kan House Leader zahawmtak, a changtu ni bawk kan ngen duh chu, thla hmasa tahrrik ni 9 khan an In ah kan sawidun a. Amaherawhchu, Official-te hnenah hian sawitel pawh a ngaiin ka hria a. Staff, a thawktu tur khi kan mamawh dawn hle mai a, sum harsatna chu kan hria a. Chutihruah chuan in min han dahsak thei se chuan kan lawm ngawt ang. Power & Electricity ah hian Mizoram hmun hrang hrangah hmasawna kan hmu a, a lawmawm khawp in ka hria a. Kan Chief Minister zahawmtak hian in a aiawh-in 2012 khan min tir tawh a, ka zuk kal ve tawh a, kan han sawina eng ah pawh Mizoram kha an rawn thlir khawp in ka hria a. Hei hmasawna kan hmu a, a lawmawm khawp mai.

Tin, PWD-ah hian in han kal ka duh a, PWD chu kan sawi tam tawh a, amaherawhchu, ngaimawh ve tlat mai ka nei a. Sawmi Chhimtuipui Multi-Modal Transport chungchangah sawn, Estimates Committee a kan kal hi a topic chung hi chuan sawi kha a la thianga lova. Amaherawhchu, hun hmasa lama kan lo ngaih pawimawh ve tawh, pawiang reng deuh mai a awm a ka hriat chu, an lai tha viau chungin a exit point lai a saw an thleng thei tlat lo mai a, Km 4 vel in la chhuak lo in an sawi a, sawlai hmun a pawideuh awm chu hei kan Chief Minister hmalakna te, Trade & Commerce hmalak-na te in thil a kal duai duai a. Hmanni ah kan sawi tawh a, vaibelchhe 2900 lai Myanmar ram chhungah a rawn thleng leh e tih kha hei chanchinbu ah a chhuak chuai chuai a. Koladine on fast track te an rawn ti a Business Time ah hian. Saw saw an kal chuan an kal puat dawn a ni. Pawisa an rawn pek tawh chuan sawlai Km 60 vel lek saw chu a kal duak hian ka ring a.

Tin, kan hriat dan in, sawlam atanga tuikawng rawn hiahfai digging a kha Essar Company in a thawk tawh a, zawh tawh a nih ka ring a, 2014-a zawh tur tih kha a ni a, an zawh tawh ka ring a, a hmunah kan kal chiah lova. Kha kha a nih chuan in, sumdawna hi a kal deuh duak in ka ringtlat mai. Keini helama kan muan hi a pawitlat a ni. Trade & Commerce Minister zahawmtak hmanni a a lo kal khan in, hei kan Minister zahawmtak hian a hnungzui turin min rawn sawm ve a. Chutah chuan ka zawt a, khawiahnge vaibelchhe 56 kha in tih tak le? Sawlai Land Custom Station tur a kha ka ti a. Kawng in nei silo a, kawng in titlang thei si lova, kan divert a nih kha an ti a ni, a

pawikhawp in ka hria. Kan ram in kan nih tur a hi kan ni har deuh dawn in ka hria, kan kawng avangin, bei chak deuhhle se, kawng saw thleng mai se, sawmi a Border chiah saw thleng mai se, tichuan department dang pawhin hma an rawn la dawn a ni, Pu Deputy Speaker. Integrated Check Post pawh hi Home lampang chan a ni a, chu chuan hma rawn la se, reitak a la tho ang, kum 2 kum 3 a la mai thei a ni. Tin, Land Custom Station kha kan in sumdawn tawna a tul ber lai chho kha ti dawn pawh ni ila, a hmunhma an rawn thlir ang a, building sak nen kum 2 kum 3 a la dawn a ni. Chumi kara hma lo insuih a, a hmalakna pawh tunah hian a chak thei reng reng lova. A awmsa pawh kha divert a nih phah a ni, a pawi khawp mai in ka hria.

Hei hi kan Chief Minister zahawmtak in a kum 1994 chho atanga a buaipui, a sawi thin kha a ni a. Sawlai Km 4 vel ringawt in-a a thleng zo lo saw a pawi ka ti tak meuh meuh a, department dang hmalakna tur a tithuanawp a ni. Pathian in rem a tih chuan November thla hian Estimates Committee hi va kal leh kan tum a, chumi hun-ah chuan lo tlang hram tawh se kan ti ngawt mai. A hnu a Myanmar lamah kan kal a, sawisel kan neihna tur pawh in, kha kha kan sawi a. Tih loh ai chuan an thawk tha in an hah hle hlawm a PWD pawh hi an fakawm ka ti a. Hei hmun hrang hrangah te kan hmu a, chutihruah chuan in, tunhma a kan sawi ve thin KDZKT han tih te hi kha vaibelchhe 100 leh tih an awm pheih leh rup mi a. A zawhtute leh a hmangtute chhut chuan chhaklam hi kan khua a har deuh a ni Pu Deputy Speaker. Hei work schedule kan han en a, District ang chuan Champhai chu kan khua a har deuh. Dik tak chuan hmundang ah chuan Lui dung luan dan danglam dawrh khawp-a kan vung hreuh chhuah te pawhin Lui dungte pawh a tidanglam dawrh a ni. Amaherawh chu, tun schedule of work ah hi chuan in hei kan han thlir a, a khawhar thlak deuhhle in ka hria. Champhai District chhungah khian tlem kan ti deuhhle a ni. Tunah chuan tihngaihna a awm tawh chuang lova, a leh pek ah chuan rawn hawi deuhhle se kan duh khawp mai.

Khing Black-Top loh la awm tam tak, a hna an thawk nasa a, kan sawi tawh a. Tin, mahni bialte pawh han sawi ve a tha in ka hria a. Rianglei te pawh kan sawi tawh a, Tin, pawimawh em em ka sawiduh chu, tuna Champhai leh Aizawl road Seling, Saitual chho Khawzawl hei ngawt hi kawng khat kan neih a ni a, hei ruahte a sur duh a, kawng an min leh engemaw lung tlak leh ilo ah hian in kan tang thup mai a. Chhiatni Thatni, emergency tak tak ah pawh hian, chuvangin kan sawi tawh a, a lawmawm ka ti a. Lungpho chho, khunglai Hmuntha, Khawbel leh hmun dang dangah an dah hlawm a, a chhak te hi han tlang ve zawk se, Lungpho leh Lungtan inkar tawi te a ni tawh a, chu chuan khinglai enge emergency leh kawng dan thut pawh a chhawk dawn a ni. A hnai em em mai a, Champhai District YMA te pawh khan an sawi tawh a, hetiangah kawng khat chauh kan nei hian min ti buai a nih hi a tia nawr te pawh khan an sawi zawk zawk tawhin ka hria a. Khilai khi pawimawh kan ti khawp mai, kan Chief Minister zahawm tak a changtu hian khilam khi a ngaihsak

thin a, kan lawm thin a. Politics tawngkam takin politics-a a inawpkeuna tlangdung te pawh kan ni bawk a ka han ti a ni.

Tin, Minor Irrigation-ah hian hma an la nasa, a lawmawm a, kan bialte pawh an rawn lut ve thin a. Amaherawhchu, sawi hi a hrehawm a, a thawktute hi fimkhur deuh hlek se la a that ka ring a, kan hotuten min chah miao si a, an hralh a (thawktuten), khaw dangin, Khawhai velah te pawh. MNF Block President pain a thawk a, a hnuaiyah Congress an inhlawh luih luih mai an tia. Hei hi kan Chief Minister chuan hria se a ngaihnan chu a ni hauhin ka ring lova. Amaherawhchu, miin an hralh miao a nih chuan, hmalak ngaihna kan la nei a ni. Chu chu ka'n sawi duh a.

Tin, ka'n let leh ang a, Pu Deputy Speaker, PWD-ah khan, hei a area emaw, a khua khua ti ang zawnga thil ngaih, rilru te tak hi chu thain ka hre lova. Amaherawhchu, awm viauin ka hriatna a awm a, sawi hrim hrim thain ka hria a. Administrative view-ah hian PWD-ah hian Eastern Circle hian min awp chho a, tihian, Aizawl atangin. A tak takah chuan Khawzawlah khian Eastern Circle Centre hi awm se chuan a lai ngawt ang a, hna vil thua pawh a tha ngawtin ka ring a. Sawi ang khan demand lianpui pui te pawh khi, khingte pawh khi a tinep thei ang em, te ka'n ti a. Champhaiah awm se a han kil khawp mai a, hetah Serchhip thleng a han bial a ni a. Khawzawlah khian PWD Eastern Circle hmun khi awm se kan duh takmeuh meuh a, a lawmawm ngawt ang. Ka sawi ang khan Khawzawl duhsak deuh hlek ai khan khami kha area-ah centre-a kan hman chuan a hna vilna kha a remchang dawn a, khawikip atangin a remchang dawn a. Engemawah Aizawl tlan thlakna pawh a rem dawn a, tih te kha ka'n sawi leh a ni.

Tin, Information & Public Relation hi han sawi lawk ka duh a awm ve a. Annin min nuhizat lo se, hei kan Chief Minister hi MJA te founder ni chhovin anin sul a su a. Kei pawh a hmingin kum hnih zet kha chu editor kha ka ni ve a. Zorin tih kha kan edit ve a ni a, tlem hian rilruah a awm a. Kan media-te kan Chief Minister in a enkawlina hi a tha viau a, a lawmawm. Amaherawhchu, zin hi a tha hlein ka hria a, zinna fund hi ngaihtuahsak se, indication tha lutuk mai niin ka hria a. Media hi an han zin thin a, an report-te a ngaihnawm thin a, kalho mah ila an ziah hi chu a dang daih a ni. Kei hian arrange sak hi ka chak a, mahse ka tlin dawn si lova. Khilai Pakistan leh Kashmir-a an inrina lai, khilai khi an in palen siak, an inchosiak lai te khi, media hi han hruai se editor Pu Sawma ngei hian, an ziak thiam dawnin ka hria a. Tin, chu chauh chu a ni lova ram tan a tangkai ang a, hetah min rawn zirtir tha leh em em hian ka hria a. Chuvangin, anni tan hian tlemin han pawk leh deuh ila, tihte khan ka'n sawi a ni. Pu Deputy Speaker, ka lawm e.

DEPUTY SPEAKER : Minute nga aia tam hret a la awm a. Chumi chhunga sawi thei tur hi, ni love, i hun ni lovin i hun chu a tawp a, dar 1 kan chawlh hun hma hian minute nga erh awrh a la awm a, chumi chhunga sawi thei tur chu kan awm em? Awm lem lo maw, e, Pu R.L. Pianmawia.

Pu R.L. PIANMAWIA : Pu Deputy Speaker, a tul dan ang zela hun pawt tawia pawt sei theitu i ni bawka, ka lawm e. A hmasain kan House Leader Demand kan sawi thei tur hi a lawmawm hlein ka hria a. Hrisel lo chung chungin kan tawng te min lo dawngsawng tur hi lawmawm ka ti bawka. Tin, kan dil hma pawha min lo ngaituhsak tawh thinna avangin lawmawm ka ti em em a ni.

Health Department-ah hian han luh tan ka'n duh deuh a. A repair-na tur Budget-ah Work Programme-ah te khan tih lan a ni a. Community Health Centre te, PHC te, Sub-Centre quarters tih te a awm a. Amaherawhchu, a thar sakna tur kha a lang lo tlat mai a. Darlawn PHC hi sak that a tul em em a, chu chu Health Department pawh hian an hria a. Concept Paper, PHC sakna tur an thehluhah pawh khan Darlawn kha dah hmasak Aizawl East-ah a tang vang a. Mahse, dah loh khan an sa leh hlawm tlat mai a. Concept Paper-a an dah kha Central lam pawhin an lo ngaih pawimawh phah a nih ka ring a, a hming tumtu ringawt ni lo khan a taka tihlan ve hi kan mamawh tawh hle a ni tih ka sawi duh a.

Tin, Sakawrdai Community Health Centre te saw chei that a ngai tawh hle a, he repair-na tur sum ruahman hian huam tel ve ngei se tih ka'n sawi duh a. Tin, Ratuah thei leh thei lovin PHC kan hawng ve tawh a, doctor kan nei a, a awm leh tawh lova, a manganthlak duh khawp mai a. Tih leh dan hram min ngaituhsak ka duh a. Tin, Darlawnah kan MO tan motor, kan Health Minister Pu Lalthanzara a nih lai khan kan sawi tawh a, kan lei ve leh kan pe ang a ti a, an la lei lo nge maw ni dawn ni, lei thuai thuai tur khan tih dan kawng min ngaituhsak bawka se ka duh a.

Tin, Health Department-ah a tawpna atan chuan, Assembly-a Assurance Committee ka biala khaw hrang hrang North Khawdungsei, Lungsum, Damdai, Upper Sakawrdai leh Zokhawthiang te kan tlawh a.

Sorkar pawhin hawn phalna min pe tawh a. Chuvang chuan, hawn mai hi tha ka ti a. Khami avang khan harsatna kan tawka, a thenin thihnate an tawka. Hemi chungchangah hian heng khuate tan hian Health Worker dah kha a ni mai a. Chuvang chuan, a thitate hriatring nan leh a la damte thlahual nan heng North Khawdungsei, Lungsum, Damdai, Upper Sakawrdai leh Zokhawthiangah te hian Health Worker, sorkarin hawn phalna min pek tawh ang ngeiin min dahsak se la. Hmang tangkai ve thei ila tih khawngaih takin ka'n ngen a ni.

Tin, Power Demand No. 39-ah hian a hmasain lawmthu ka sawi duh a. Transformer chungchangah, hundangah a chhiatin harsatna kan tawka nasa thei em em a. Tunhnuah erawh chuan harsatna kan thlen hi a hlawhchham ngai lova. Kan harsatna tawh thin sutkian a nih tak avang hian lawmthu ka sawi duh a. Tin, kan la mamawh em em erawh chu RGGVY scheme atangin khua la tih en lohna ka bialah khaw engngemawzat a awm a. Chung chu tunah tih en kim vek a ni tawh a. Amaherawhchu, enkawltu tur, MR labour pakhatmah awmlahna a ni a. Tuna awmsa atanga an han

vil hian a hautak em em a. Chuvang chuan, hemi atana thawktu tur MR labour te hi min ngaihtuhsak theih dan kawng awm se kan ti a ni.

Demand No.45-na, PWD- ah hian lawmthu sawi tur kan ngah hle mai a. Kan House Leader-in chawhma lama zawhna achhan tawh ang khan, National Highway No. 306, New Vervek – Vairengte min tihsak a. Hemi in a a zawm leh tur hi kan ngaihtuah chhuah leh kan hriatphak miah loh hian Bharat Mala Project hnuaiah New Vervek – Mimbang pawh thei tur kawng min lo ruahmansak der mai baw a. A lawmawm hle in ka hria a. (Dy. Speaker : Hun chu i hmang zo ta der mai). Ka zo tep mai. (Dy. Speaker : Aw, sawizawh tir lawk mai ang u aw).

Hetiang a National Highway No. 306 kan nei pawh kan lawm tawh nakalaia a chhunzawm leh na tur kan hriatphak loh leh kan dil loh pawh min lo ngaihtuhsak avang hian a lawmawm ka ti tak meuh meuh a ni. Tin, harsa lo te a nih ka ring a, maintenance sum kha kan nei baw a a bik takin Zilthaw kawng saw chei that a ngai em em a. Hei hi a bik takin security lamah kawng pawimawh tak a nih avangin maintenance sum awm khan a rang thei ang ber a min siamthat sak ka duh a. A tawpna atan chuan, kan sawi fo tawh thin, zawhnaah pawh ka zawt a, tuntumah pawh khan min chhang a. East Phaileng-Zuangtui kawng kan sawi thin kha tuntum zawhna chhanaah khan MORT-in a khaw tlawh tur a tlem avangin an rawn ti tawp a ni e tih kha chhanna a ni a.

A khaw tlawhtu tam leh tamloh lampang hi chhut tur a ni dawn em ni? Thlawhtheihna te pawh kan chuan nachhan chu hun a paih tlemna tur zawk leh senso tlemna tur zawk a ngaihtheih a awm a. Hun daihzai zawk leh tlem zawka kan hman theihna tur atana tih kha a ni a. Hemi kawng pawh hi km.30 ngawtin tuna kan zawhlai ai hian a tawi a ni. Chu chuan a kal man sum leh pai, khawvel awm chhunga kan chawi tlemna tura, tuna kan zawhlai aia kan chawi tlemna sum leh pai kha chhut chhuak ta ila a tam ngawtin ka ring a, a zawh zawng zawng turte han chhut ta ila. Chuvang chuan, oil chungchangah te kawng hrang hrang ah sum leh pai renchem kan tih te nen hian a inhmech cho dawn hle in ka hria a. Ngaihtuahna thar min lo hmansak se tih ka sawi duh a. Chu chu Pu Dy. Speaker, ka sawi theih nimai sela, ka lawm e.

DEPUTY SPEAKER : A lawmawm e, i pel thui love. Aw le, chawhma hun a tawp a. Kan chawl rih ang a, 2 PM- ah kan thukhawm leh dawn nia.

2.00 P.M.

SPEAKER : Discussion kan tan leh hmian ngaihdam dil a ngai a. Kha Pi Lalawmpuii Chawngthu tih kha kan lo tisual palh a, helamah chuan a dik si avangin ka lo chhinchhiah lova. Chuvang chuan amah Pi Lalawmpuii Chawngthu leh House hnenah ngaihdam kan dil a, tihsual tawh loh kan lo tum ang e.

Demand sawihona kan tan leh anga. Tunge sawi leh ang? Pu K. Beichhua.

DR. K. BEICHHUA : Pu Speaker, ka lawm e. Ka'n kal nghal zung zung mai anga. Demand no. 15, GAD kha sawi hmasak ka duh a. Chhimlamah sawn airport kan mamawh hle a, tah chuan kan Chief Minister zahawm tak hianin kan dilna tlawm takte min ngaih pawimawh sakin, keimah ngei pawh kan hotute zuiin aerial survey kan va nei tawh a. Tah chuan Speaker bialah hian airport tura tha deuh kan hmu a ni, aerial survey atanga kan hmuh danah chuan a tha viauvin kan hria a. Chu chu ground survey neih ni se tiin Aviation lam atangin Saiha DC lehkhah an pe a. Vawiin ni thleng hian, khua a chhiat vangte pawh a ni anga, bakah sum lampang indaih lohna, PWD lam atang ₹ 90,000 survey-na turin an mamawh a, chu chu kan nei lo an tih avangin tunah hian la survey theih loh a ni a. Engpawhnise, khuate a that chuan survey thei turah ngai ila. Saw thil saw kan Chief Minister zahawm takin hmalakna min han tan sak a ka rilru a rawn lang chu, Pastor Chhawna inlarna kha a rawn lang tlat mai a ni. A thlang lawkah khuan lawngchawlhna Sitwe-ah kan nei anga, a chhak lawkah airport nei ta ila, tourist attraction that tur zia leh, saw lai Chhimituipui vela tourist ho speed boat a an han tlan zar zar turte ka mitthla in a lang a. Chu lovah Palak dil leh a chhehvel ramngaw ang chi te ah sawn Tourism atang hian nasa takin sum kan hmuhna tur hnar a nih avangin ka rilru takin ka lawm tak meuh meuh a. Tuna kan thlen chin ang angah hian lawmthu ka sawi a, a piah lama hma kan lak chhohna turah, engpawhnise, theih tawp min la chhuah sak zel turin kan Chief Minister zahawm tak hnenah ka ngen duh bawk a ni.

Tin, demand no. 24, Medical & Public Health Services, Health Service hi khawvelah pawh eng sawrkar pawhin an ngai pawimawh a, keini pawn kan ngai pawimawh a. Kan Mizoram state hi India ramah chuan State Health Service-ah hian model state a siam thei kan ni tih hi ka hmuh dan a ni a, ka dream pawh a ni. Chu chu engtianga siam tur nge ti a ka rilru a ka lo dap ve danah chuan, hetiang hian ti ta ila model state ah kan siam thei mai awm mange aw, tihna rilu ka nei a ni.

Pakhatna ah chuan, Health Service Rules hi tlemin siam danglam deuh hlek ni ta se. Tuna kan dinhmunah chuan DHME leh DHS in kan kal a ni. DHME lamin an tihtur chu curative leh education a ni ta a, DHS lamin an tih tur chu preventive leh promotive hi an tih tur a ni ta a ni. Chutih lai chuan, a kal tawh siamthat theih loh hi chu tih ngaihna a awm toh lova. Tun atanga kan kal chhoh dan turah hian Service Rules chiang deuh hlek siam ta ila. Heng DHME lama kalte hi chu, a bik takin, Post-Graduate degree holders (specialist) kan tihte hi an ni ta a, clinical lam mi deuh vek an ni ta a ni, DHS lam hi public health leh generalist-te an ni a. Hengah hian engemaw la fel zan lo lai thil hi a awm in ka hria a. Chu laia a pawimawh ber laia ka hriat chu, an Service Rules-ah hian seniority kan tan dan hi a dik lovin ka hria a a ni.

Mi in kum 10 MBBS a chhuah hnu a, a practice hnuah, Post-Graduate va zir ta se, kum 3 a va zir a, a lo chhuah tan atang in seniority hi count-in a awm a ni. Chu chu hmundangah hian eng Deptt. mahin an ti in ka hre lova, heng technical dang PWD leh Agriculture-te hian an ti in ka hre lova. Helai hi siamtha ta ila, service option kan inpek hian inpek thuah lovin an kalna tur kawng hi chu a lang sa mai a ni. Chung chu a nih avangin an seniority hi service an tan phat atang

hian tan ni ta se, chutia nih chuan DHME lama kal tur chuanin an kal mai anga, DHS lam a kal tur chuan, unwritten law ang deuh titih in, an kal mai anga. Chutah chuanin anmahni inkara buaina neuh neuh tam tak hi a awm ka ring lo.

Tunah hi chuan posting leh transfer leh eng eng emaw neuh neuh ah hianin a la buai deuh hlek a. Helai hi kan Minister zahawm tak hian min ensak ta se, kan siamthat chuanin harsatna tam tak kan sutkian ka ring a ni. Chu chu pakhatna a a siamthatna tura ka rilru a awm a ni a.

Pahnihna ah chuan, speciality kan neihte hi state dangte ngaihtuah chuan a la beitham a, a la tlem a. Chuvang chuan Post-Graduate degree kherkher kan la neih loh pawhin, tuna kan district-te leh, Aizawlah ngei pawh hianin, heng khawl chi hrang hrang handle tur leh eng eng emaw neuh neuh handle tur hian training kan inpek tam hi ngaiin ka hria a. Training kan inpek hnua an chhuah hnu pawh hian rational posting hi tha tak kan siamsak a tul hle in ka hria a ni. Chu chu, example ah sawi ta ila, kei hi Mizoramah chuanin RNTCP ah khanin training hmasa ber ka ni ta a, (TB enkawlnaah) ka rawn chhuak a, ka service chhung zawng khan TB kha ka khawih lo reng reng, chutiang thil chu a awm thin a ni. Chuvang chuan kan district a heng endoscope, ultrasound kan tihte leh dialysis kan tih ang neuh neuhte, hengte hi speciality han nei em em lova, Post-Graduate va zir kher lova district tin train tir theih vek an ni. Hengte hi train tir ta ila, a bik takin, kan district tam tak hian hma kan sawnin ka ring a ni. Chu chu kan tih ngei atan a tha hle in ka hria.

Tin, tuna kan posting and transfer chungchangah hian kum bituk kan neih hi a tha in ka hria. Kum 3-5 kan ti emaw, hmunkhatah hian awm ta ila, hard area a awm leh khawpuia awm ang te te inthikna te pawh hi a reh ka ring a. Chuvang chuan, heihi rotation-a, a hunbi kum 5 chu tam lutuk kan tih chuan kum 3 emaw tal hi ti ta ila, chutichuan mipui harsatna tam tak kan sutkian ka ring a ni.

Chu lovah chuan, MPSC zawhna ah te pawh khan ka rawn siam a, MPSC a Medical Doctor Recruitment hi a khat lutuk a ni. Tun anga kan kal chhoh chuanin seniority ah pawh hianin generation gap awm deuh thei tur ang titih hian a awm tlat. A rualin han pension huk ta se, an aiawha post va luahtu tur kan awm lo palh ang tih hial theih khawp hian MPSC hian medical doctor recruitment a ti khat lutuk MPSC hi conduct zing deuh theih nise a tha hle ang.

Tin, kan private hospital-te hi hmannah thil pawh deuha ka hriat chu kan Minister 2 zahawm tak ngei hi damlohna thilah, thih leh dam inchuh karah private hospital-ah an zuk kal a. Chutah chuan Minister kan nia an tih pawh khan an hawn duh tlat lo a ni. Private hospital an nih vanga fully a independent ang a an chet hi an nilo tih hi an inhre lo a ni. Vawiiinah hian accreditation petu chu sorkar a ni, recognition petu pawh sorkar a ni, chuvang chuan sorkar thuhnuaiyah hian an awm tih an inhriat fo hi a pawimawh hlein ka hria a. Chung avang chuan vawiiina sorkarin scheme tha tak tak a siam RSBY kan tih te, Health Care Scheme kan tih ang chite entertain duh lo hospital-te hi chu khar sak hmiah hmiah mai hi kei chu thain ka hria.

Engvang nge kan tih chuan, kan Civil Hospital, Aizawlah hian khum kan indaih lo. Mi tam tak kan bial atangtein an rawn thleng a, khum a awm loh avangin doctor-ten lo duhsak viau mahse admit hleithei lovin, an hausak leh an neih vang ni lovin private hospital-a luh hi a ngai tlat thin a ni. Chunggho tana RSBY leh Health Care an lo entertain sak thei lo hi pawh hlein ka hria a. Hei hi kan siamthat ngei a tulin ka hria.

Pu Speaker. Chutiang chuan vawiina kan junior doctor tam takte tana thingtlang ah NHM angin emaw an va awm duh loh lai hian MPSC anga regular appointment emaw, 3F angin emaw kan dah chuan an duh lutuk a ni. Vawiinah hian junior doctor tam tak an awm, thingtlanga National Health Mission hnuai nuaikhat pawh peka va awm an duh lohna chhan chu – Aizawlah hian private hospital tam tak a awm ta a. Thla khatah hian pawisa tam tak an lo hmu ve thei a ni. Chuvang chuan regular baw silo, 3F ni baw silo tan chuan thingtlanga awm hi tuman kan duh lo deuh ni in a lang a. Heng lai te te hi siam vat a tul em em a ni.

Tin, preventive-ah leh promotive-ah hian sorkar pawh hian ka hriatsual loh chuan rilru hi kan pe lutuk lovin ka hria a. Tam tak natna kan lo prevent theih hi grassroot level lam atanga hma kan lo lak loh avang hian terminal stage a thlen tawh hnuah Aizawl panin, inenkawl hleithei lovin kan lo awm thin a ni. Chuvang chuan thufingin ‘prevention is better than cure’ a ti a. A invenna lampang tichak tur chuan DHS lam kan tihchak a ngai a. A vengtu tur tam tak doctor-te PHC level atang hian thuamtha ta ila, Primary Health Centre level kan hlamchhiah hlauh chuan indonaa hmelma lo lut turte an kalkawng lo block loh nen kan danglamna a awm miah lo, kan tih tawh kha.

Tuna kan dinhmunah hian district-ah Senior Medical Officer SMO level ang tur post neih theihna tur hi tam tak a awm ta a ni. Mizoram service-ah hian ka ngaihtuah thin a, promotion hmu har ber hi MO-te an ni tlat. Kum 20 vel an service hnuah an fate doctor an rawn chhuah hnu hian SMO-ah an kai ve thei chauh thin a ni. Chunggho tan chuan tui takin hna an thawk thei ang em? tih hi ka ngaihtuah thin a, thawh a har viau ang. Chuvang chuan vawiinah hian financial implication awm vak lo hian district tina Chief Medical Officer hnuai preventive lama hma lo latu tur post hi tam tak a awm a ni.

Entirnan, SMO kan tih te, Malaria Officer kan tih te, TB Officer kan tih te, immunization Officer kan tih te, State dangah pheih chuan AIDS officer-te pawh an nei vek a. Chutiang a nih avang chuan financial implication awm vak tur lo hi chu, engatinge helamah hian tan kan lak deuhhlekk loh. Chutiang chuan ti ta ila, preventive lam leh promotive lamah khan beihpui hi han thlak ta tak ta ila. Pathian zarah Mizoramah hian Malaria te, Typhoid-te leh Cancer-te lo hi chu chuti lutuka kan buaipui tur hi a awm hran lo. Chung ho chu prevention lama nasa taka hma kan lak chuan kan lo prevent thei vek a ni. Chuvang chuan Pu Speaker, kan House zahawm taka ka sawi duh chu preventive lamah hian tun aiin nasa takin hma ila teh ang u, tih kha ka sawi duh a ni.

Pathumnaah chua District Council Affairs han sawi tai la. District Council chungchang zawhna kan han siam hian member zahawm tak takte hian ka rilru tak tak hi in man lo deuh nge ni, ka ti thin. Lehlan an nih vanga va sawi chhiat duh vanga he zawhna hi lo siam ka ni hran lem lo. Vawiina kan dinhmun chu kan hre theuh a, Sixth Scheduled area-a awm kan nia. Chumi dan leh dun hnuai a awm kan nihna lai chu ka hre lutuk a ni.

Chutih rual rual chuan sum leh pai dinhmun, sum management-a vawiina kan District Council-te hnena kan dinhmun hi minrawn enpui teh u, tia questionrawn siam thin zawk ka ni. Vawiina kan dinhmun dik tak chu ka sawi tawh a, kan CADC dinhmun kan hria a, LADC dinhmun kan hria a. Pu Speaker, khawngaih takin MADC saw tawi tein han sawi tai la.

Tuna kan dinhmun hi sum management-ah hian kan fail thak a ni. Thla 2 hlawh advance-a inpek fo mai ngaiin kan awm a, thla 2 hlawh saw kan short a ni. Plan leh Non-plan atangin sum kan hmang vek a, 95% chuang deuhthaw saw salary-ah kan hmang a ni. Development atan sawn engmah a awm lo. Chumi piah lamah chuan CSS atanga sum kan dawn, development atana kan dawn ang te te saw, quarter-tin sawn nuai 200/300 saw hlawh a tan kan hmang fo mai a ni. Kan rul nge rul lo chu ka hre lova, Pu Speaker. Chuvang chuan sawlai saw, tupawhin ro rel se, keini pawhin rel ila, hei hi chu ka duhdan a nilo, ka ngaihdana a ni lo bawk thil dik a ni lo.

Chuvang chuan vawiina roreltu nangmahni lamin nih vanga dem ngawr ngawr ka nilo. Keni pawh hian rorelna chelh ta ila, sawtiang system saw chu helai kan hotute hian min enpui deuhhlekk ula, tih kha questionrawn siama karawn tan vakna thin a ni tih kha, vawiinah hian ka sawi duh a ni.

Pu Speaker, PWD hi loh theih lovin tawite ka'n sawi lawk. PWD hi vawiinah kan harsatna chu kalkawng kan ti a, resolution pawh vawi 2 lai kanrawn pulut tawh a. Helaia kan rilrua awm tura ka hriat chu kan ram sik leh sa inthlak dan hi kan hre theuh, Fur leh Thal a ni ta a. A tlangpui hian hna kan thawh theih lohna chhan hi Fur kan ti thin a. Dik tak chuan Pathianina khawvela ropui ber leh fing bera a siam chu mihring hi lawm le kan nih le. Rannung te ber Fanghmirte pawh hian Fur tla tur chu an lo inhmakhua ve thin asin. Chuvang chuan keini pawh hian kan hmalak tur hi Thalah Fur atan hian engatinge kan lo inhmakhua thin loh, tun aia chak zawkin Thalah hnathawh theih hunah hian theihpatawp chhuah ila. Fur a lo thleng dawn tih hre reng hian hma la ta ila, chutiang chuan kan kawngte hi atu ate pawh ni ila, MNF, Congress, ZNP pawh nise, chutianga hma kan lak chuan kan kawngte pawh hi a tha thei zawk awm mange aw, tih ka sawi duh bawka ni.

Pu Speaker, han sawi deuh vak mai a chakawm, mahse hun a tawp tawh si a, a inthlahrun awm angreng a. Hun min pek belh avangin Pu Speaker, ka lawm e.

SPEAKER : Sawi leh tur kan awm tawh lo em ni? Pu Thanliana sawm ang.

Pu LALTHANLIANA : Pu Speaker, ka lawm e. Kan inkian a, kan inen hruk hruk a. Kei chu tawite ka'n sawi ang a, policy matter lampang pawh han sawi vak tur ka hre chuang lova. Naktuka lawh mai theih tur ho deuh, session-te kan zo dawn tawh bawk a, a rah lawh mai theih tur hnaivai deuh deuh kan lawr teh ang ka ti a.

Demand No.1 Legislative Assembly hi ka sawi duh a. Thil ho deuh nia lang si, mahse pawimawh deuh nia ka hriat chu – mitthi phurhna motor hi Morgue Van an tia maw ni, hei hi kan mamawhin ka hria a. Keini chu khawpui MLA-te kan nia. Mahse thingtlang bialtu MLA-ho hi an khawngaihthlak ka ti khawp mai a. Ka lo vei ve vak tur pawh a awm lo inti mai thei a, mahse ka veipui a.

Hman niah kan MLA, kan thian pakhat chuan tun thla chu mitthi phurhna ka hlawhin a daih lo a ni a ti a Mitthi phurh nan Assembly hian Motor leina hi tunah hian kan dah lo a niin ka hre nain, Motor hi lei belh dan hi a awm em aw tih ka ngaihtuah a, a nei neuh neuh hi chu a awm a, amaherawhchu, a man te hi a lo to si a, tin, kan intihhmuh a, a tihnachang hre lo pawh hi kan inhrilh zel a, kan intihhmuh a, mithi an awm hlekin MLA phurh hawn tur emaw kan ti vek tawh niin ka hre deuh a. A nachang hre lo leh tlawmngaia duh lo, tirawh kan inti a kan insihhmuh a, a tlawmngaia ti duhlo pawh kha mi a ah kan chhuah lek lek dawn ta mai emaw tih tur khawp hian in kan infuih kual vel niin ka hria a. Ka tawng tu huatthu suhah, hei hi chu kan inngaihtuah chian deuh ngaiin ka hria a, an khawngaih thlak ka ti a. MLA hlawh pawh hi chan mangloh changte pawh an nei niin a hriat a. Chuvang chuanin ka ngaihtuahnaah hianin O.C. ah te pawh nuai 37 kan dah a, Minor Works te hi chu thil awmsa a ni mai thei a, Machinery and Equipment-ah te pawh nuai 25 kan dah a, heng atangte hian a pawh khawm theih ang e maw? Helam pangah hian kan ngaihtuahna te hi seng ila ka ti a, ka lo mangang ve em em a, kan sawi lang a ni.

Tin, Demand No. 24 na Medical and Public Health Services hi thil pahnih tawite ka'n sawi duh chu zawhna ah pawh ka zawt tawh a. Amaherawhchu, thahnem ka ngaihna avangin ka han sawilan ve duh chu Dialysis chungchang hi a ni a. Hei Mizo hianin Kal tha lo hi kan vei nasa a, kan buaipui nasa em em mai a, Cancer ai hianin he natna hi a hautakin a buaithlak zawk emawni chu aw tih tur khawp hianin kan buaipui ta niin a hriat a. Chutihlaiin kan Hospital-ah te hianin, Aizawl Civil Hospital-ah Khawl 3 a awm tih a ni a, mahse, pakhat a hman tlak lohva, Lungleiah 2 a awm tih a ni a, mahse, tunlai chu a chhe deuh nge mawni lehngal ni? Chutiang vel chu ani a. Dam lo te nena khaikhin hian kan mamawh hi a puhru lo em em mai a. Technician lah chu 2 chauh kan nei a. Chutah hnathawh hun chung lah hi dardar 9 vel emaw lek a ni a. A mangan thlak in ka hria a. Chuvang chuanin hei Sorkar damdawi In te chu a rate te a lo tlawm deuh hlek a, 800 a ni a, tin, a damdawite lo lei belh a ngai a. A tam berah 2000 chuang 2400 te emaw vawi khat han tih hianin an seng a, a aia tlem te pawh a ni mai thei a. Private ah te chuan vawi khatah 4500 te, a tlemberah sen te a lo ngai a. Nichina kan ngaihthlak tawh ang khan sum neih em em vang pawh nilovin, mamawh avang tein Private ah te

tih a lo ngai leh ta a, kan khawngaihthlak khawp mai a. Tin, tunah hianin sorkar hian a hmunhma te leh khawl te pawh tihchangtlun a tihbelh te pawh a tum niin a hriat a. A lawmawm ka ti khawp mai a. A tuartu chhungkua zingah ka han tel ve a, kan han buaipui a, a mangan thlak ka ti a. Kal thlak man te lah chu a to em em mai bawk si a. Hetiang hianin sorkar hianin mut mawh hnar mawhah nei ta ila a thain ka hria a, tunah hianin Civil Hospital ve ah sawn Dialysis tih hi engzat tak awm ang maw ka hre chiang chiah lova. Tun lai tak phei chu Lunglei lam pang a tha vak lo an tih avang hianin Aizawl lampang an rawn phei a.

Tin, khawl te leh hun ten a lo daih loh avangin an han hrut rual a, dam lo chau tak tak ten kar khatah wawi hnih ang den den te an han ti a, sum leh pai sen mai bakah dam lo te an chau hman thin em em mai a. Hetiang chungchangah hianin darkar, hnathawh hun bi, hei Private damdawiin Kolkata ah te pawh khuan hei Medica an tih te ah pawh khuanin thawh hun bi darkar 6 shift te pawhin an ti mai a. Tikhanin darkar 24 kha an thawk a ni mai a. dar 8-2, 2-8 tikhan an vir kual an vir kual a, an thawk reng a, an che reng a. Khatiang deuhhlele khanin darkar 12 tal te hi emaw, a thawktu lak belh a, training te pawh pek a, khawlte pawh lei belh thuai thuai hi sorkar hian a tum deuh niin ka hre tho nain hmanhmawh thlak hlein ka hria. Tin, hetiang kan tih tam chuanin hautak taka vai ramah kan zuk kal a dialysis ti tur ringawta kan zuk kal te ai chuanin kan ramah hian khawl te lei belh teuh ila, room te a theih chuan siam belh teuh ila. Tunah hi chuanin sum tam tak khunglaia kan zuk pek tur khu, helai leh helaiiah hian a vir kual anga, kan hlawkpui zawk mai awm mange aw ka ti a. Hetiang chungchangah hianin kan ngaihtuahna siam thar ta ila, ka duh khawp mai a ni.

Tin, hmannia ka zawhnaah khanin sorkarin Private damdawiin awmna man te inenkawl na man te a bithliah lo a, amaherawhchu, thil lawmawm ang reng tak chu ka zawt belh ta lova, kan Minister zahawmtak khan a sawi thova, tunah hianin Phai lampang te leh Mizoram chhunga Damdawiin hrang hranga, awm man te an han fawm khawm a, engemaw tak siamremna te pawh a theih ang chin chinah an nei dawn ni pawhin a hriat a, a lawmawm ka ti khawp mai a. Inthlau zeng zung lutuk leh engemaw mumal lo, kha vengah han hrut rual dan kawng kha a awm turah kan ngai deuh a, ka ngaipawimawh bawk a, ka sawi leh a.

Tin, Demand No. 39-na Power & Electricity Department hi hei Restructure Accelerated Power Development and Reform Programme an ti a, tunah hianin RAPDRP Part 'B' ah khanin Transformer bun tur kha a awm a, a hnaivai ta6wh niin ka hria a. Kan nghakhlel tawh khawp mai a, hei kum 2 a lo tling dawn tawh a Session hmasaah pawh ka zawt a, a dawhthleng pawh kan peih tawh a, keini vengah pawh. A taka a dawh thlak tura kha a lo la thleng lova, tunah hian a hnaivai ta niin ka hria a, a lawmawm ka ti a, kan lo thlir a ni. Lawmthu kan sawi lawk a. Zawhnaah pawh ka siam lova, amaherawhchu, tunah hian buaipui mek a ni a, Part A kha chu an zo tawh a, tunah hian Part B kha an buaipui mek a. A nghahhlelel awm em mai a, kan sawilang a. Tin, hemi a matching share atan pawh kan Finance Minister thusawiah pawh sum vaibelchhe 24.05 dah a ni tih kha kan hria a, lawmawm ka ti khawp mai a.

Tin, Electric kha kan sawi leh duh lawk chu hmanni khanin Ramhlun Sport Complex Rehabilitation Centre atana, (hei hi a ri deuh reng mai a) Electric connection tih nan nuai 26 dah a ni tih kha ka hria a, lawmthu ka sawi a. Kha kha Session zawh veleh atang chuan lo tan theih turah kan ngai deuh a. Krismas hma khi chuanin khulai Vengthara awm te khuanin a eng an chhawr hman turah ka ngai a. Kan ngen nghal bawk a ni.

Tin Public Works Department ah hianin hmalakna a tam em em mai a, kan sawi seng lo ang a, churang chuanin mahni bial chhungah lut ve ta mai ila a tha maiin ka ring deuh a. Hmanni khan zawhna te ka zawt a. Ramhlun North DIET peng atanga PWD tlang te, tin, Karmel road Ramhlun South veng chung te pawh, chumi siamna tur atana sum awm tawh, tin, approved anih tawh thu te, kan ngaithlaa a, alawm awm ka ti khawp mai a, assurance ah pawh ka ngai a. Session zawh tawh chuanin tan mai thei turah kan ngai a, sawlai saw a pawimawh khawp mai a, kawng a chhia a, a lun tawh ropui si a, kawng jam hel nan tak an hmang tan tawh a, a chhe em em mai a. Sawlai an welfare ho te pawh saw an lo kal deuh reng mai a, kan sawi leh anga, kan Chief Minister zahawm tak chanvo a ni bawk a, hei te hi chu a ti mai ang, ka lo ti a ni.

Tin, kan Session a pianga ka zawh thin Ramthar, Sihpui – Thuampui road tih kha, hman deuh pawh khan ka'n zawt a, a hnuhnung berah khan min chhan danah chuanin, a sum hi a la awm chiah lova, nghah mek a ni, siam tumna chu a awm a ni tih a ni a. Tuna ka zawhnaah hi chuanin, Siam tum a ni tih leh sum a awm tawh tih kha min chhan dan a ni a. Pu Speaker, ka lawm khawp mai .He kawng hi a pawimawhna chu traffic jam by-pass na tur bak ah kawng hrang hrang ah khulai kawng khu a pawimawh avangin veng chung ho pawh in an ngai pawimawh a, an sawi leh thin a, chumai bakah chuan tunah hian pawimawhna thar a lo piangthar leh ta a, nichina kan sawi leh sawi hnu Ramhlun sport Complex Vengtharin an chak khai han phurh luhna tak tak kawng awm chhun chu saw chauh saw a ni a. Tunah hian hei In mi 20 deuh thaw in an han sa a, mahse chakkhai han lak luhna tur a buaithlak em em mai a, churang chuanin he kawng hi a that chuan, In te sak thuai thuai an duh ve a, Kristmas hma a mahni in tak taka han chen kha an chak ve tawh a, chutiang anih theihna tur atan chuan hmalak nise. A lawm awm ka ti khawp mai a lawmthu ka sawi rualin khawngaih taka a rang thei ang ber a hma min laksak zung zung turin ka'n ngen bawk a.

Tin, nimin khan Laipuitlang leimin chung chang kha ka'n sawi a, ama'rawh chu a chanve vel ka sawi a lawmthu te ka'n sawi a DM&R atang khan. Amaherawhchu hei hi a kaihhnawih a tam a, DM&R Department te, DC te, Geology & Mineral Resources tih te, tin PWD tih te, a kaihhnawih teuh mai a. Churang chuan vawiin a sawi atan hian a then chu ka'n khek deuh a, a chhan chu hemi leimin zel tur a venna tur atan hian ruahmanna tha deuh mai siam a ni a. A kilhna tur RCC Column hmanga hmun 2 (hnih) a kilh tur a ni a. Chutah chuan nuai 31 leh sing 2 vel kha PWD atangin ruahmanna hemi

work schedule ah dah a ni tih a ni a, a lawmawm khawp mai a. Hei hi a veng chhung tan pawh thil thlamuan awm tak a ni a. Chumi rual a ka'n sawi duh chu ni 26.8.2015 kha a min leh ni a ni a. Hemi ni hian Minister zahawm tak a changtu DM&R ho in official te, DC lam atang te, Geology & Mining Mineral Resources atang te leh a Department mi te pawh an kal a. Ka kal tel ve a, mahse record ah a awm lo a nih ka ring a, sawilan hi a ni ngai vak lova ka kal ve hi. Ramhlun Vengthar thlanmual a min vak pawh khan kan Minister hi ka va phone a, khawngaih takinrawn pheih teh ka tia chanchinbuah chuan a lang lo berah ka'n tang leh a, a mak khawp mai a. Tirhkoh Paula kaihruiitu Barnaba ang deuh kha ka ni mai awm mang e aw ka tia, a phen a mi tangkai nisi kha ama'rawhchu a hre tu te chu mipui an ni tho a ka ti deuh a. Laipuitlangah pawh khan tualchhung chanchinbuah pawh khan ka hming chiah kha a lang lo leh tlat mai te kha Pathian remruat ni turah ka ngai a, ka lawm zel tho a ni, ka vui lova kan tana tha tura Pathian remruatah ka ngai mai, mahse ka'n sawilang ve hrim hrim a ni.

Helai ah hian Geology Department lampang atanga an hotupa sawi kha ka'n sawi kai leh duh chu, Mizoram ah hian lirnghing hi a nasa viau mai, a a ti a, a sawi kha ka hresual a nih loh chuan ni khat ah vawi 2 vawi 3 te lir a nging a ni, a ti a ni. Geology Department pawh hian hmalakna tur an ngah hle mai in ka hria a. Ramhlun Sports Complex Field pawh khu Sport Department lampang hi ka zawt leh thin a. Sport Department lampang hi ka zawhna tur ni tawh lo deuh khan ka hria a. Geology & Mining hian a thlang a min na chhan te, a khik rekruak nachhan te khu siam ringawt kha ka lo ngaihtuah deuh a. Mahse khu khu a dik chiah em? A veng mipui te leh Sport Department lampang pawn tui a put reng a, a luan chhuahna mumal a awm lo, side-drain mumal a awm loh avanga khu khu tunhnu a min ta vak a, chhe ta ni a an puh kha a ni a, a dik niin kan hria a, pawm pawh kan pawmpui tlang niin ka hria a. Mahse Geology & Mining lampang hian a dik chiah em tih hi an fiah em aw tih hi ka ngaihtuah a.

Chumi tur atan chuan hma te hi an la reng em tih ka zawhna kha a chhuak hman ta silo a, vawiin ah ka sawi mai loh chuan a pawimawh tlat in ka hria a. Kan leilung chhungril hi kan dap ngun hi a ngai ta khawp mai a, kan ngaihtuah chian hi a ngai khawp in ka hria a. Nitin hian na lo te te in vawi 2/3 hi lir a nging a ni te an tia. Chumirawn nghawng zel chu a niang chu hei kan lei hi tun kum hian ruah tui avang chu a ni bawk a, a che nasa em em a. Aizawl North II ah sawn leimin loh na veng saw a awm lo in ka hria a. A min loh na veng deuh ber a ka hriat chu in pakhat a tlu a, a thlang a mi in pahnih a delh leh nghal a, khang te kha kan nia kan buai em em mai a ni.

Tin, Ramhlun Sports Complex saw, a hma a min chhe lo lai kha a khi leh nasa mai a. Thenkhat chu an tlan chhuak a, hmundangah an awm a, hmundanga han awm reng theih kha a ni lova. Hei khua an hul deuh a anrawn in sawn lut leh ringawt

a, a khi rek ruak mai a, DC lampang chuan an hre tho in ka hria a. Mahse hmalak dan engnge ni ka hre Chiang Chiah Lova. Tin, Laipuitlang kha ka'n sawi leh duh chu leimin tuar te zingah hian chhungkua 5 vel chu in hmun Ramhlun Sport Complex a an ramthar ah khuan pek an ni a. LSC an surrender te a nih chuan In sakna tur midang an pek ang kha ngaihtuah sak ve thei se tih kha ka'n dil pui duh deuh a, kha kha ka'n sawi tel duh bawka ni.

Pu Speaker, hei kan Session tawp ni a ni bawka. Hman ni khan Nula Vanlalawmpuii, Pi Vanlalawmpuii address dan tur kha kan buai deuh niin ka hria a, tha ka tih dan chu amah hi Nula a ni a, mahse MLA zahawm tak a nih avangin Official ah hi chuan Pi zel mai ila tha ka'n ti deuh. Pi Vanlalawmpuii Nula a nimai in ka hria a amah hi chu. Chuvang chuan Pu Speaker, kan Honourable Chief Minister Demand te hi ka thlawp e. Ka lawm e.

SPEAKER : Awle, tunge sawi leh ang? Kan awm tawh lo em ni. Aw, Pu John Siamkunga.

Pu JOHN SIAMKUNGA : Pu Speaker, ka lawm e. Kan House Leader, kan Chief Minister ni bawka Demand 10 chuang fe kan han sawi tur hi sawi lo a han kal tir chu ka hreh khawp mai a. Chuvangin sawi chak tak tak ngah mah ila sawi tam erawh chu ka tum lova. Kan pu hi hritlang chung chungawawinah pawhrawn thulang ve a ni a, a Demand te sawiho a nih dawn avangin hetiarawn thuchhuak a ni a. Chuvang chuan a pawimawh zual tawi te te han sawi a, hun tlem te han hman ka'n tum dawn a ni.

A hmasa berah chuan Demand no. 1-na Legislative Assembly hi, hei hi Parliamentary Form of Government-ah chuan a pawimawh em em a. Kan thlan lal te, Democracy hnuai mipuiten kan thlan lalte lo enkawltute an ni a. An pawimawh em em a. Tin, Assembly hi an efficient thain kan hria a, keini MLA te hian kan bel hnam a, kan innawknem a. Committee hrang hrang a awm a, chungah chuan Member kan ni tlangpui a, a thenah Chair te kan la bawka, chutiang chuan kan innawknasa a.

Tin, Assembly hi Session hetiang hian a awm reng thei lova, Session awm loh lai pawha lo umzui a, Committee hmanga lo bawhzui zeltu Assembly Committee tha tak tak a awm hi ramtan a chen fakawm hlein ka hria a. Mi tam takin Assembly Committee hi kan hrefuh lo thin a. MLA te hi awm mai mai, thu mai mai emaw an ti thin a, Ramtan heng Committee hmang hian kan thawknasa hle a ni. Kan Committee nasa a, Sorkar hmalaknate nasa takin kan umzui a, a hmalak leh zel tur te pawh kan thlir a. Tin, Zorama Department hrang hrangte dan leh rules hman te hi a tha ziktluak em,

ziktluak lo lai te a awm em tiin Committee hian, Committee hrang hrang zinga mi pakhatin a lo en thin a. Thenkhatah te phei chuan rawtna te siam in rawn siam tha leh rawh u tih te, a act te nen a in hmu rem lo rawn siamtha rawh u tih te kan nei a. Thenkhatah chuan Central sorkar atanga grant hmuh atanga hnathawh te a hmunah te tlan in hmun hla tak tak te kan fang a. Spot verification te hi kan nei nasa em em a ni. Chutiang chuan sorkar hmalakna hi a hlawhtlin leh zual theih nan MLA te hian hun leh tha hmangin nasa takin, helai committee mai bakah a hmunah te kal chilhin kan vak nasa em em a ni tih a kha kan sawiduh a.

Tin, Assembly hi State dangah te phei hi chuan a In an sak danah te thleng hian a dang a. Goa a kan kal te, Karnataka, Kerala-ah te, khungah te chuan Assembly chungnun zia hi a building atang hian a lang thin a. Assembly chungnung lurh hnuaihan Secretariat Administration te hi a awm a. Chief Minister Office te, tin Cabinet Ministers ho Office te a awm nghal mai a. Chutiang chuan democracy, mipuite lalna ramah hi chuan a awm thin a. Hetihlai kara ka'n sawiduh chu department hrang hrangte kan hriatthiam loh te rawn sawifiah tur ten kan ko thin bawk a Assembly Committee hrang hrangte hian. Tin, a thenah te phei chuan thil fuh lo deuh ni a kan hriatte sawifiah tur ten kan ko thin a. Thenkhat la hrethiam mang lo te chuan Secretary hoa lo kal lo va, Director atanga rawn chhan mai tur emaw ti tawk te kan awm a, hei hi a ni lo va. Tin, sorkar kan zawh avangin leh sorkarin min hriahfiah se kan duh thin avangin Secretary hoa lo kal turin kan ti thin a. Secretary tam tak te beisei aia an fel laiin, an department chante an hriat hneh em em laiin Secretary thenkhat, department an chan te lo enkawl tawh si, hre mang lo, Chiang lo, min chhang hlei thei lo an awm fo mai hi chu a pawitakzetin ka hria a. Chuvangin, Assembly Committee naa a zawhna anga an rawn hriat hi kan beisei tlat a ni tih kha ka sawi tel duh a. Chuvangin Secretariat Administration hi a chungnung a. A chungnun ang bawk hian thil hre turah kan ngai a ni. Sorkar a nihna lai taka hi a pawimawh thin si a. Khalai kha tawi tein ka'n sawiduh a.

Tin, Demand No.10 na MPSC chungchang hi tawi te sawi ka duh a. Hei hi he kan sorkar chak takin hma a lakna azarah MCS-35, MPS-25 lai 2012-13, 2013-14 khalai chhoah khan kan lo exam chhuah tir tawh a. A vang chu, he sorkar kan pu kaihhraina hnuaihan MCS te hi vawikhatah la vak lo ila, MPS te pawh hi vawikhatah la vak lo ila. Kum tin exam hi buatsaih zawk ila, tichuan pension te an lo awm ve zel a, post ruak te a lo awm chho ve leh zel a. IAS te, All India Civil Services leh Central Services te Rajya Sabha in post awm zat a puang a, a create thin ang deuh khuan a tih theih ang a tih ngaihtuahna neih anih avangin, he sorkarna hnuaihan kum tin MCS Officer eng emaw zat lak a ni a, MPS Officer eng emaw zat lak a lo ni thin a. Hei hi regular taka kalpui theih a ni hi kan sorkar chak tak hruaitute ka fak tak zeta. Vawiina kan sawikhawmnaah pawh hian hei hi a pawimawh hlein ka hria a. Hei hian quality education College level-ah te, University level-ah te a siam hlein ka hria a. A vang chu MCS Officer nih tum te, MPS Officer nih tum te, College level atanga han inel chhoh hian quality education hi nasa fein a siam chho a ni tih kha ka'n sawiduh a.

Tin, Demand No. 24 na Medical & Public Health Services. Hetah hian sawi tur tam hle mahse tam ka sawi lovang a. Tunah hian Civil Hospital hi Computerized a ni tawh a, khalai chin bak kha chu ka sawi lovang a. Clinic hrang hrang, Clinic Centre te khaw teah te kan han hawng hlawm a. Tuna kan sorkar hi a thawk nasain ka hria a. Khaw te reuh te te In 40/50-ah te pawh Clinic Centres te a hawng thin a. A vang chu, khang khuaa chengte kha an damlo ve thin a, an na ve thin a. Manganna, mithiam mamawhna an ngah ve em em thin a. Chumi hre ran chuan he sorkar hian khaw te tak te teah te pawh Clinic Centres te hial a din a. Chungah chuan mithiamte an awm chhoh tir bawk a. Mizoram hi kan population tlem ang a chhut chuan khua hi a tam a. Hei hi kan sorkar hian a umzui tha em em a ni tih kha ka sawiduh a.

Tin, ka bial Hnanhthial-ah sawn he sorkar chak tak hian Hospital min sak sak a. Phase I kan zo tawh a, Phase II saw a chhumbung riau mai a. Hei hi kan hotute hnenah pawh hian ka sawi thin a, sum min ngaihtuhsak ula, a phase-II tal saw chu min zawh sak ula. Tunah sawn a vaiin an insawn thei si lo va, a chhumbung em mai kan ti a. Kan hotute pawhin ngaihtuhsak min tiam a. Tun 13th Finance Commission sum kan revalidate tak atang te khan min tihsak theih ka ring a. Chu chu ka'n ngen nghal bawk a.

Tin, kan sawi leh duh chu Health Care chungchangah hian RSBY hi Labour & Employment hnuai a mi a ni a, a nihna dik takah chuan. Labour & Employment hnuai a mi kha Mizoramah chuan Health Department in a la ta a. A lak a pawh hi an hneh hle a, an kalpui dan pawh hi a tha chho viau zel a. Hetihlai karah hian RSBY hi Ministry of Labour & Employment hnuai a mi an la tho tho bawk a, Dr. Ambedkar Medical Aid, Dr. Ambedkar Medical Foundation atang hian tunah hian tanpuina nasa tak a awm thei a ni tih kha kan thlen tawh a. Chumi hnuai atang chuan Cancer tanpuina te, Kal thalo te, tih, eng emaw organ transplant ngai ang chi te leh natna hrang hrang tanpuina kha a awm thei a. Chung a chu a mimal, khang damlote hnena rawn pe ni lovin an in enkawl na tur Hospital-ah khan sum hi an rawn transfer tur a ni a. Chuti chuan chu patient chu kha Damdawi inah khan enkawlin an hman zawh vek loh chuan cheng hnih khat lek pawh bang se an thawn let leh tur a ni. Hei hi kan hriat pawlh deuh hlek a Dr. Ambedkar Medical Foundation hnuai a tanpuina hi zir chian tha in ka hria a. Hei hi kan hotuten lo chhinchhiah se la. Eng ang chiaha tangkai nge ? he RSBY nen hian in overlap miah lo tur a ni a. RSBY hi chu a hrang daih a ni a. L & E hnuai a mi mai ni lovin ani hi chu Insurance hnuai ami a ni a. Ambedkar Medical Foundation erawh hi chu Aid a ni, Medical Aid tak tak anih avang hian hei hi zirchian a, a pahnih hian kan enjoy theih ve ve phei chuan tangkai takin kan ti thei dawn a. Tin, hemi brain tumor te thlengin, a zaina man te, kal transplant-ah te pawh nuai thum leh tih lai te an rawn sanction theih avang khan a hlu dawn a. Kan mite, mirethei tak tak natna tuar ten an chhawr theiin ka ring. Chu chu kan sawi leh duh a.

Sawi tur a tam hle a. Demand No.39 Power & Electricity Department-ah hian thildang dang he sorkarin hmasawna hna a thawh te leh project a dinchhuahpuite chu ka sawi lovang a, a tam a sawi tur. Chutihlai chuan ka sawiduh tawi te chu energy bill kan khawn

chungchangah hian. Khing kan bialah te khian energy bill an va khawna, tute emaw an entrust a, khati khan ho lam te te a an khawn hi ka hre thin a. Hetiang anih chuan energy bill hi kan hmuh tur ang kan hmu lo fo dawn in ka ring a. Tin, chawpchilh deuin ni hnih khat lek hun an pe a, chutiang chuan rawn theh lut rawh u tiin an han ti mai thin a. Khatiang kha ni tawh lo hram sela. Helai Aizawl-ah pawh Computerised a ni tawh a, a billing system te chu a tha khawp mai. Mahse a payment lamah hian kan va pe a, kut ziakin seal an chhu a, a bill payment a hi an lo ti thin a. Hetiang ni lo deuh hian a billing system a that ang bawh hian a payment hi changkang se la, khawh hmanga tih theih ni se la. Vawiina kan hmuh aia tam fe hi kan hmu thei ang tih kha ka ring a ni.

Tin, Demand No. 45-na Public Works Department-ah hian tawi te han sawi ka duh chu thildang dang kan sawi tawh a. Kan hlawhtlinna tam tak te hi sorkar in a thawh thatna te tam tak kan sawi tawh thin. Vawiinah erawh chuan hun a tlem avangin tawi te han sawi ka duh chu tender kan han float hian kan tender float hi, kan Member zahawm tak Tuikum bialtuin a sawi ang khan, khawi laia mi nge he hna hi a nih tih hre miahlo ten kan chhana tam a. Chumi anih avang chuan a hmun hmai hre miah lo ten an han hmu a. An va kal a an ngam leh lo va, hralhna tur an zawnga an buai thin a ni. Chu chu kan hmu hnem hle a ni. Chumi chu a pawh takzetin ka hria a ni. Bit document-ah hian survey land investigation te hi telh ngei ngei tur niawma lang a ni a. Hemi tel loh avang hian a chhangtute khan khawi hmunah nge kha hna kha a awm an hre lova. A harsa em harsa lovem, kawr a awm em awm lovem, a lung em lung lo em tih pawh hre miah lo hian an chhang ta thin a ni. Chumi anih avang chuan bit document-ah telh ngei ngei tur kan telh loh lo awm thin te avang hian harsatna kan tawng thin em ni chu aw tih kha kan sawi duh a. Chuvangin, khang ho kha tel ngei ngei se la eng tender-ah pawh hian, tel fai ve ta vek se la a chhangtu kha a chiang bawh ang a, a chhan tur kha. A petu te tan pawh anmahniah khan beiseina nasa tak awm thei turah ka ngai a. Tin, Work order a hmu tura te pek tawh hnuah agreement sign leh work order pek inkar rei lutuk hi tam tak a awm a ni. Thla te a liam a, thlahnihte liam dawn te pawh a awm a ni, back date leh daih si, thawk tawh daih emaw kan tih laia agreement la sign leh mangloh te hi a awm thin a ni. Kha khan hun kha a paih thui em em a. A tawpah revised a invite leh thin a. Chumi anih avang chuan kan in enlet a ngai mange aw hna tam takah hi chuan tih kha kan sawi duh a ni.

Tin, Demand No. 48-na Information & Communication Technology chungchangah hian, hei hi a pawimawh a. Anni hnuaiah hian nasa fein hma kan sawn chho tawh a, vawiinniah hna tam tak thawh tur an la nei a. Plan & Development lamah te hma an la la hle dawn a ni tein ka hria a. Information Technology promotional development lamah te, infrastructure lamah te an la tlan dawn, Rural Information TS kan tih RIK-ah pawh hma an la a. Ka bialah te pawh hian hmun eng engah emaw chuan a awm tawh hlawm a, min rawn tih sak a. Hengho hmang hian online hmangin helai khawpui pawh an rawn dawr thei tawh a. Chungah te chuan lawmthu kan sawi a.

Tin, department hrang hrangten website kan nei a, department website atang hian thu kan duhte, en kan duh te, hriat kan duh te kan han lut ve thin a. Then khat chu update lem lohva rei tak tak lo kalpui tawh hi an awm thin a ni. Chuvangin, vawiinniah chuan computer age kan ti tawh a. Computer age kan nih chuan kan hnathawh danah te pawh hian alang a ni a. Kan hnathawh kan phochhuahah te pawh hian a lang tur a ni. Kan hlawhtlinna te, kan hmalak zawng zawng te kan website-ah hian lang thin sela, chuti anih chuan kan miten tha seng lovin in lum atangin an lo en thei tawh ang a. Chu chuan nasa fein vawiina kan hmasawwna kal mek hi a pui ang tih hi ka ring a. Chumi anih loh chuan website hrang hrangah kan han lut a, kan han en thin a, kan duh ang kan hmuh zawh loh hi a tam em em thin a ni tih kha kan sawi duh a ni. Pu Speaker, hun tha tak min pe a sawi tur la tam hle mahse ka sawi tawh lovang a. Tunah khan hun ka hmang zo chiah niin ka hria a. Chuvangin, vawiina kan demand sawi Chief Minister zahawm tak Demand zawng zawng te hi ka thlawp a ni tih kan sawi duh a ni. Ka lawm e.

SPEAKER : Pu R. Vanlalvena.

Pu R. VANLALVENA : Pu Speaker, ka lawm e, ka sawi zung zung anga hun hman tam loh hram ka tum ang. Department a tam avangi a vai pheh chuan sawi ka tum lo.

A hmasa berah Legislative Assembly chungchang han sawi ka duh a. Ka hmaa sawitu zahawm tak sawi kha chhonzawm ila. Indian Parliamentary or Democratic system-ah hian Parliament atangin State zawng zawng hi fel fai takin kan inthlun zawm a, kan inkhai khawm a. Parliament-ah khuan committee peng hrang hrang 44 bawr vel a awm a. Budget an sawi a, an au buai nuai nuai karah pawh committee fel tak a awm avangin anmahni department leh an tih tur theuh, committee in an subject an lak an bawhzui a, tha tak in Indian Democracy hi a kal zel a ni. Chutiang chuan state hrang hrangte pawhin Parliament tih dan ang zul zuiin committee peng hrang hrang kan nei thin a. Chu committee-ah chuan Opposition a ni emaw, Ruling a ni emaw awm lovin kan vaia infinkhawmin committee hrang hrang a awm a. State hrang hrang ten Committee kan nei thin. Keini state-ah pawh hian Finance Committee telin 7 bawr vel kan neiin ka hria a. Chungte chuan department hrang hranga mite hi subject-ah lain kan zir bing thin a. Department chhang turin question-te kan siam a. Kan zawhna te chu department te hian min chhang tha thin lova, hei hi kan sawi duh a. Min ngaipawimawh hram se, keini helaia kan nihna ni lovin, Assembly atanga zawhna kal hi ngaihpawimawh hram hram ni thin se thain ka hria a.

Zawhna kan siam a, question thumun reng hi wawi thum chhan that ngaite a awm a. Vawikhat an chhang a, diklo deuhin han chhang a, a dawt lehah hei zawk hi a ni an tia, spot visit te kan han neih hian, a copy dang an lo nei leh a, hei ber zawk hi a ni an lo ti leh a. Khatiang anih avang khan Assembly Committee te hian hun hi kan hman hmem

phah lutuk a. A theih hram chuan department te hian question vawi khat kan va pek hi uluk deuhin, dik deuh hian, tha tak hian min chhang selang chuan hun hi a heh lo zawk ang a, tin, kan inkoh fo thin te, discussion neih fo te hi a reh theih deuh hlek ka ring a. Assembly zahawmna pawh hi chu chuan a phurh chhoh deuh, a kenchhuah chhoh theih hi ka ring a ni. Helaia keimahni state-ina kan duh a kan lo din ve mai a ni lova Parliament atanga fel taka, kalphung neia din a ni tih hi kan hriat nawn leh fo hi thain ka hria a.

Tin, hemi Assembly Session-ah paper lay te, paper present te, a bu hrang hrang kan dawng thin a, kan han chhiar thin a, tun kum hnih/thum lek ni loin kum rei tawh tak atangin chu chu a kal dan a ni a. He kan paper, helaia Mizoram Assembly dawhkana kan pharh/present thin hi Parliament-ah a copy pek a ni a. State leh U.T. zawng zawngah a copy pek vek a ni a. Chubakah state danga mi ta pawh hi keini pawh hian kan dawng a kan chhiar vek thin a ni. Chumi anih avang chuan paper helaia kan present thin hi a ngaihnaawm loh thin khawp mai a. Kan in en deuh hi a thain ka hria a. Kan paper present thin hi state dang zawng zawng in an lo chhiar vek a. Kan paper present thin hi chhiar a hrehawm khawp mai. Pawisa kan hmang dik lo, financial rule kalh in an hmang a ni, tih te, pawisa leh a hnathawh a inmil lo tih ang bawr hi kan paper-ah hian, department zawng zawngah a chuang vek ti ila ka uar lutuk ka ring lo. Chutiang chu kan nih avangin kan kal zelna turah hian fimkhur zawk leh tha zawka kal ni thei se, mi state in an chhiar ve thin avangin, uluk leh dik zawkin hna thawk ila kan paper-ah tha takin a in ziak anga, chu chu kan hmasawmna tur atan ka duh a ni. Kan Assembly-te hi an hah em em a, an thawkrim thin hle a ni.

Pu Speaker, Medical Department chungchang hi ka sawi duh a, Doctor, Nurse, etc., damdawiina thawk tute ho hah zia te an thawhrim hlawm zia te hretu vek kan niin ka hria a. Chhungkua khawsak harsa tak te damdawi inah an awm a. Damdawi leina nei remchang lo hmuh te in, an pawisa te an thawh khawm thin, Nurse leh Doctor te thawh rimna leh an inpekna hi a fak awm a. Hmanni lawkah pawh, Aizawl Civil Hospital-in fai lawmman an la a, an chhuanawm hlein ka hria a ni. Amaherawhchu, mihring kan ni a, hmasawn zel tur kan ni tih erawh hi chu a chiang reng a. Mihring infak dawn ila, an thawh that tinreng hi sawi dawn ila darkar rei tak a awh ang, chutih laiah chuan, kha lam sawina hun kan ngah lova, kan hmasawmna tur lam te pawh hi kan sawi a tulin ka hria a ni.

Aizawl Civil Hospital-ah mi harsa zawk ten damdawi tha leh tlawm zawk an neih theih na turin generic drug store te an siam a, sawng te saw a tha em em a, man tlawm zawk in, damdawi mi harsa zawk te lei theih a an han chhawp chhuak te saw, kan Health Minister zahawm tak Pu Patea te hmalak na leh kan Doctor ho thahnemngaihna niin ka hria a, lawmawm ka ti a ni. Tah chuan, kan mamawh em em nia ka hriat, drug testing laboratory hi kan la nei thei lova, hei erawh hi chu kan ram hian a mamawh ngawih ngawih a ni. Kan thiante leh mithiam chi hrang hrang hi ka zawt thin a, drug testing

laboratory hi North East hian pakhat kan intawm niawm tak a ni, chu chu Guwahati ah a awm a. India ram hi khawvelah damdawi lem siamna tam ber a ni e an ti thin a. Chutiang chu a nih avangin damdawi tha lo hi kan ramah hian a rawn lut tam ang tih hi a rinawm a ni. Entirnan an damdawi kawrah a component an zia a, chu chu Doctor te'n a chhunga damdawi kha a dik lo a ni tih an hre mai bik si lova, damlo te min chawh a. Damdawi zuar te pawn a tha lo a ni tih an hre bik chuang lova, a pawn a inziak ang khan an la mai a, khatiing kha an zuar lo thei lo a ni. Drug testing laboratory hi kan neih loh chuan kan Doctor te leh kan damdawi zuar te pawh hian an duh ber ni lo hi min chawh fo ang tih hi a rin theih a ni. Chumi a nih avang chuanin drug testing laboratory hi kan ram hian neih ve hi kan mamawh ngawih ngawih in ka hria a, chutiang tur chuan kan department te pawh hian hma an la a. Amaherawhchu, an hmalakna hi a chak hleitheih lova, chak zawka hmalak hi kan mamawh a ni.

An sawi danin, helai kan Drug Inspector te'n an man, an rinhlelh te Guwahati a an thawn pawh hianin thla thum hnuah te a result hi a hriat chauh thin a, a thang rei lutuk avangin an rinhlelh tak tak te pawh hi a result an hriat meuh chuan an lo hralh zo hman tawh thin an ti, chu chu kan dinhmun a nih avangin Pu Speaker, Health & Medical changtu zahawm tak leh kan Chief Minister zahawm tak hian chutiang lam chu rilru ah min neih pui se, chak zawka kan project te pawh hi nawr kal a nih theih ka beisei a ni.

A dawt leha chuan Power & Electricity hi an thawkrim hle mai a anni pawh hi. Kan hriat angin India ramah hian electric bill chawi tlem ber state kan ni ang ti hial khawpin kan bill hi a tlem a. Chutih rual chuan kan eng regular em em bawk a ni, heng zawng zawng hi an thawrimna te, an inpekna te vang a ni a. An sawi thin chu zana ruah a sur te hian khawi lai hmun nge chhia ang aw tih hi kan Engineer ho hian an vei reng thin a, tin, tlaivar thak thak a thawk hi an awm reng bawk a ni. Chutiang khawp chuan an thawk rim a, anni inpekna hi kan ram tan a tha in a ropui em em a.

Tin, kan Chief Minister zahawm tak hmalakna tha tak leh ropui tak hi nakin lawkah a bik takin Tuirial Hydrel Project ah kan la hmu dawn niin ka hria a, hengte hi sorkar hmasa lamah tihchhiat vek a ni a, compensation vangin, an hluihlawn a. Kan Chief Minister zahawm takin theihtawp a'n chhuah a, mawi leh mawi lo pawha dawn lo a ni ber e, chutianga theihtawp a chhuah avang chuan hluihlawn tawh hnu an ti thar leh a. Nakum lamah te pheih chuan a rah hi kan seng dawn niin ka hria a, kan Chief Minister zahawm tak thahnemngaihna hi Mizo fate hian kan chhawr dawn a ni, a lawmawm takzet zet in ka hria a.

Tin, tuikhuah harsat zia hi, investigation tih chhung rei zia, entirnan mai mai - fur tui tam ber lai leh thal tui tlem ber lai kha teh a a ngai a, kum khat chhung chauhin

teh fel mai theih a ni lova. Tui tam lai bera electric power a siam chhuah theih tam dan te teh a ngai a, tui tlem lai ber a a siam chhuah theih teh a ngai a, kum hnih kum thum tal teh loh chuan, a result a rin tlak loh hre vak lo te'n awlsam taka an sawi zung zung ang khan a tih theih loh a ni tih mipuite hian kan hriat a tha a. Chutiang chung chung chuan kan Chief Minister zahawm tak hian a pawimawh zia hria in vawiinnia kan hmalakna leh agreement kan signed tawhna ringawt pawh hi a tam hle a ni tih kha mipuiten min chhut chian sak se ka duh a.

Tin, PWD ah hian tawite in, tun kum phe chu ruah a sur nasa a, hna a thawh theih meuh lova. Khaw that hun nghak hian ring hi an fan an fan ve a ni tih hi a chiang reng mai a. Keini kan awmna veng lampang Aizawl South-I bialah te chuanin, khaw that vel atangin hna an thawk nghal a, Inrinni, Sunday zan phe kha chuan an tlaivar thakin ka hria. Tunah pawh veng chhung hna an zawh hnuah Aizawl by-pass road ah an lut a, chutiang khawp chuan rim lutuk in, sunday pawh sawi lovin khaw that vele an thawk char char a ni. Hetiang hi bial hrang hranga an dinhmun niin ka hria a. Kan ram dinhmun kan hria a, khaw chhiat lai chuan kawng laih te hnathawh te a theih lova, churang chuan ruahsur chhung na na chuan kawng hi a a chhe lo thei lova. Khaw that vele an bung chat mai te hi an fakawm in ka hria a, an thawhrimna a lawmawm a. Amaherawhchu, mihring hian kan theih bak hi kan duhthusam a ni fo thin a, chu chu thlen loh chang hi a awm ve fo thin a ni.

Kan Budget han en hian PWD-ah nikum lam aiin kan tlahniam hrat niin ka hria a. A bik takin Aizawl khawpui bialtu tan phe chuan a lungngaih thlak khawp mai a, bial chhungah engtingge hna an rawn thawh ang, pawisa an neih loh chuan thawh tur hi kan ngah ropui si a, tih kha kan lo thlir ve dan a ni a. An pawisa hmuhna thin ber, Special Plan Assistance kha hrek zingah a tel niin ka hria a, Aizawl bial ho ah hian engtin tak hma min lak sak ang maw ka ti. Tihdan min hriat sak thei em ang chu maw. Member zahawm tak Pu Lalrinliana Sailo khan a sawi tawh a, Pu R.Vanlawma(L) te in bul. Upper Republic, Republic leh Venghlui inri na kawng kual cut ngai te saw kan la nei a, sawng te saw min la tih sak em ang chu maw, min tih sak hi an tumin ka hria a, chu chu lawmthu ka'n sawi lawk duh a.

Tin, Venghlui ah, sawi tawh a. Ruahsur nasat avang bawkin chhungkaw 40 lai an riak chhuak baw a, in 14 zet mai leikhi in a hual vel a. Tunah pawh hian hlauhawm tak dinhmunah a ding reng a. Hengah te pawh kan PWD Engineer-te, Geology & Mining a kan Engineer te leh Disaster lamah Aizawl D.C. thlengin, kan Disaster Minister zahawm takin a hmunah min rawn tlawhpuaia, ka lawm hle a. Tin, kan Chief Minister zahawm tak min ruahman sakna avangin side drain te pawh min siam sak dawn ni in ka hria a, a hnenah hian lawmthu ka sawi bawka ni.

A tawp berah chuan Pu Speaker, pakhat lekin, Vigilance Department-te chauh hi han sawi leh ka duh a, Vigilance hi a pawimawh khawp mai a, property return hi kan Chief Minister hian a ngai pawimawh khawp mai a, a thusawina ah pawh a sawi lang fo thin a. Rules ah khan Property return hi kum tin tih tur a ni tih te pawh kan hmu a, he lai hi ngaih pawimawh a tha in ka hria a, Department tin a sorkar hanthawktu te hian kan property return immoveable hi kan theh luh a, Vigilance in a ngun zawk a a lo vil hram hram hi a tulin ka hria. Chu chu ka sawi a ni. Pu Speaker, hun min pek belh avangin ka lawm e.

Dr. NGURDINGLIANA : Pu Speaker, ka lawm e. Ka inthlahrung viau na a, sawi lo thei lo ah ka inngai si a, reilote tal hun kan la ve lawk ang e.

A hmasain demand pakhat Legislative Assembly-ah khan ka lut duh a, hei kan Assembly Secretariat Staff te, kan Officer te hi an hnathawh kawngah hian mit an tlung em em in ka hria a, min kaihruai hneh bawk a, zin ni khua ah te. Tin, Committee peng kan neih thin ah te pawh ka rawn fak ve ni sela. Tin, Aizawl North-II bialtu Pu Lalthanliana, MLA zahawm tak khan a rawn sawi a, keini chu thingtlang bial kan ni a, dam beisei in Aizawlah te, khawpui zawkah te an lokal a, thenrual tha sum te pukin thla hnih thla thum an awm hnu ah vanduaina tawp khawk thihna a han thlen leh hi chuan an rilru leh an ngaihtuahna ah chuan Bialtu MLA kha ani tawp mai a ni. Chuvang chuan an ni pawh hriatthiam an ngai ka ti a, hei Aizawla awm zawng zawng Ambulance number hi kan nei vek a, pakhat a lo rem loh chuan pakhat kan pakai a, mahse kan hriat ang khan a to angreng sia. Chuvang chuan kan Assembly Secretariat hian Pick Up ang chi hi min leisak theih chuan kan lawm ngawt ang. Tuna mi ang hi chu kan bialah a kal ve thei si lo a, thla hmasa phei chu kan hlawh pawh a fai vek mai a ni, mitthi ruang thawna ah. Khatiang dinhmunah khan kan ding a, chu chu ka ngen a ni.

Tin, demand 47 na ah hian ka lut duh a, PWD changtu kan Chief Minister zahawm tak leh Engineer te chungah lawmthu ka sawi duh a, ka bial chhung kumin a work schedule ah hian hmun li lai ah min han telh a, an chungah lawmthu ka sawi ni se. Tin, P& E chungchangah pawh Tuivai Hydel Project, Mega Watt 210 pe tur kha tunah hian min han thlansak fel tawh a , a lawmawm hle a ni.

Demand 24 Health Department-ah hian ka sawi leh duh PHC chungchangah, hei ka khua sik mer mer mai a, a hrehawm ka tia kan sawi zik tluak tho ang e. PHC pa li(4) ah hian doctor thiam tak tak kan nei vek a, a lawmawm ka ti a. Khawruhlian ah khian tunah X-ray khawl kan dil leh a, a khawl min pek theih chuan a sakna X-ray room tur a hi chu MLA Fund atangin kan lo intum ve thei a ni tih kha ka sawi duh a ni. Khang kha nimai sela, a dang chu ka sawi tawh lo mai ang, hun ka la rei, ka nuamsam vak lo nen.

Pu LALRUATKIMA : Pu Speaker, ka lawm e. Vawiin chu hun kan nei rei deuh a, a lawmawmin ka hria a, amaherawhchu, kan House Leader ber a nuam sam lo deuh a, kan han inkian deuh nangin zawh hma te pawh kha kan duh deuh tlang niin a lang a.

Vawiinah hian demand 15 kan han sawi a ni a, a ngaihnaawm khawp mai a, kan sawihona a lawmawmin ka hria. Hei Demand 2-naah hian Governor a rawn lang a, tuman kan sawi lo a, kan intodelhna tak mai a ni a, tun hnaiah Governor pawh hi kan ngah ta malh malh viau mai a, amaherawhchu tuna mi hi chu a awm nghet ta viau mai a, chung chu thuhma ang rengin kan sawi duh a.

Pu Speaker, demand 39-na Power & Electricity department ah khan han kal ta ila, hei kan Power thar chhuah hi Hydrel Generating Station atang hian in 29.34 a nihna kha a rei ta viau mai a, tan kan lak a ngai khawp mai a, tunhnaiah Hydrel Project atan MOU te hmun hrang hrangah kan han signed a, amaherawhchu, hmalak chak te pawh a lo har a ni thei a, churang chuanin he lamah hian kan intodelh hlan a ngahhlelawm khawp mai a. Chulai ah chuan in, hei a bik takin Thingtlang mite tan a eng pek hi RGGVY ah khan a awm a. A project cost a pawh hi ₹ 316,56,00,000 zet mai a ni a, a rawn thawktu te pawh Satnam Global Infra te, TNT project Limited, Guwahati te an ni a. Ka sawi duh chu he lai hmar tlangdung lampang Tuivawl bialah te khan Electric eng la nei lo nikum kutawp lamah te khan sawi te kha a la awm a. Zokhawthiang kan han tihte, Mauchar te, Chhanchhuahna khawpui leh Sunhluchhip ah te pawh khan an neih tawh te ka beisei a. Tin, chutih rual chuan eng pek ah hian saw lam Lawngtlai West bial ah sawnin Tuithumhnar thlang lam ah sawn eng la nei si lo mahse eng nei tawh ang a signboard rawn tar an tum a, mahse kan hnawt haw leh hria an rawn tia. Churang chuan kan Power & Electricity changtu zahawm tak khan min enfiah sak se la, eng hi kan mamawh a, hmasawn zelna atan pawh a tul a, RGGVY project ah hian a tel tho bawh a, heng te hi thawk lo hian an la ta mai em ni tih te ka sawi duh a.

Tin, Champhai South bialtu MLA zahawm tak khan a sawi tawh a, khumi ka bial chhung kan chenna area ah tak khuan, Champhai South bialtu chenna in bulah tak khuan Transformer a awm a, khu khu kartin mai hian a puak ringawt mai a ni. A chhan chu load a zawh loh vang a ni a, khumi khu Kanan leh Vaivakawn te Chawnpui te khuan kan inrin tawm a, Aizawl khawpui hrim hrim hi a ni zual a, tlai lamah Power mamawhna a lo sang a, ei rawngbawl nan te kan lo hmang bawh nen. Churangin Tranformer khu khawimaw rem chang laiah min dahsak thei lawm ni? tih kha ka han sawi tel bawh a.

Tin, Sialsuk ah khan May 17, 2012 khan in 33 KV sub station kha kan hawng a, amaherawhchu tun thleng hian a la function ta lo niin a lang a, technical mi kan ni lo a, enge a chhan kan hre ve lo a. Sawng te saw khaw tamtak chawmtu tur a ni a, hawnna a rei tawh si a, sawng te saw enfiah a tulin ka hria a. Tin, Serlui B Hydrel Project kan han tia, tunah khuan Mega Watt 12 pe chhuak thei turin a project ah chuan a lang a, khungte khu engtikah nge kan commission

theih ang, enge kan commission theih lohna chhan hi mipuite pawn kan hre chiah lo a. Tun dinhmunah khuan Power khu engemaw zat a generate reng ni in a lang a, tin, a bik takin Kolasib district mipui te pawh in an chhawr tangkai hle bawk a, chuvang chuan commission theih a nih chuan commission vat a, Hydel project atanga kan power generate a hi a lo pung thei ang a, khulai khu enge ni kan mu tan ber ni ? a theih chuan hawn mai kha a tha tawh lawm ni, tihte kha ka sawi tel duh a.

Tin, hei demand no 45 na Public Works Department hi kan sawi zing khawp mai a, tunlai chu PWD changtu Minister nih te pawh hi a hrehawm pawn ka ring a, chutih lai chuan official lam te tan pawh a hrehawmna chin pawh a awm thei a. Amaherawhcu, thahnem kan ngaih vang leh tha kan duh vangah min ngaihsak se la, Lalpa lamlian sial ula, a kawngte tingil tura thupek kengkawhtute chuan an sial ngil loh khan kan lo sawisel lo theilo kha a ni mai a. Chuvangin, sawisel bur an ni a, chutih lai chuan sawisel ngam nih te pawh hi mihring kan nih chung hi chuan a ngai ve khawp mai a. Kan YMA kan thawhpui thin chatuan ram min pansan ta Pu C.Zoramliana khan YMA in a kan hlauh ber tur chu chunglam pawisawi ania, a dawt ah chuan sawisel tu neilo ati thin a. Chuvang chuan, mihring te hian chu chu kan mamawh leh kan hlauh tur pahnih ni pawn a lang a. Chunglam pawisawi hi a hlauhawm em em a, chumi dawt ah chuan in sawisel tu kan han neihloh hi chuan in dictator nihte pawh hi alo hlauhawm a. Chuvangin, mihring te hi min sawisel tute atangin inenlet te pawh a ngai thin a. Chuvang chuan, kan kawng neih kilometer 7000 vel bawr ah hian state hian 4700 vel kan enkawl a.

Tin, chumi bakah chuanin border roads te pawn an han enkawl te pawh engemaw zat kan la nei a ni. Chumi laiah chuanin national highway norms kan han en hian in maintenance of roads fund ah hian in kan la pachhe hle mai a. Kum 2011 ah phei chuan in ka sawi tawh ang khan min pek ang zat pawh kha kan dawng talo a ni a. Chutiang anih si chuan kawng tha neih chu a har viau chuan a rinawm a. Kawng tha kan beisei em em laiin sum a awm miao si loh chuan tih ngaihna a awm dawn si lova. Chung ang chi ah chuan in fund tam zawk kawng chei nan hian kan mamawh hle in ka hria a.

Tin, Ministry of roads transport and highway hian in kalphung a thlak niin ka hria a. Chumi kalphung a thlak ah chuanin National Highways ang chi te State Highways kan han tih ang chi te pawh state PWD kutah National Highways enkawl na hnuai tho si ah khanin a dah lian ta hle mai a. Chuvang chuan, Meghalaya ah te, Assam ah te kan han zin ve pawn an kawng chhe lai deuh a khu chu PWD in a enkawl a, tun dinhmun ah hi chuanin harsatna kan tawk fo a ni a maintenance chungchang ah kan tawk a ni, an ti a a dikna chen te pawh a awm ang a. Chuvang chuanin, National Highway kawng PWD tena va dil a, va nei ta chuk chuk, va enkawl chak ang deuh lek lek hianin mipui lamte pawh hian kan ngai nite pawh hian a lang a. Ama'rawhcu, Ministry in policy a thlak avangin, State PWD National Highway CE enkawl na hnuai ah a din ten mawhphurhna an lak tak avang a nilo thei lova. Chulamah chuan a man-power te, a infrastructure te a indaih tawk theihloh avang anihna chen te pawh a awm ang a. Chuvang chuanin, maintenance of road fund ah

hian tam zawk thahnem zawk kan dah te pawh a tul a. Tin, hemi pawisa hi Pu Speaker, working season tawp dawn ah Finance lamin min han release sak a, chulai ah chuanin hna an han thawh dawn meuh chuan Aizawl khawpui ah ngei pawh fur ruah alo thleng leh thin a. Helai hi department lamte pawn an harsatna niin ka hria a. Thal ah sum a awm loh avangin road an maintain thei lova, fur ah hna an han thawh tan leh thin a, kawng te pawn alo tlo loh phah a ni a. Kan House Leader zahawm tak chan ani bawh a, helai hi chu siamfel tul hle in ka hria a, chungte chu kan sawi a.

Tin, ka bial chhungah Aizawl West college building khu sak a ni a. An han sa a, tunah pheii chuan lei alo min a, kawng khu a ti bal hek teuh a ni. Khu khuan traffic jam a siam a, mipuiin harsatna nasa tak kan tawh a ni. Tun ah khuan in a contractor tuna thawh mek a khuanin midang hnena a leichhawn kual kha a ni a. Khatiang a leichhawn kual kha chuanin works quality khan alo tuarlo thei lova, chulai ah chuan tun dinhmun ah pawh physical achievement leh financial achievement kha a inanglo lutuk a. Tuna an sum neihdan an han en khu chuan in kha an sum neih khanin a sa zo thei dawnlo ni te pawh khan a lang a. Chutiang te chu, a zirlai te leh college a thuneitute tan pawh harsatna mut titui lo thei anih avang te khanin kan enzui, kan monitor zui zel a kha a pawimawh tak zet zet in ka hria a.

Tin, khi 'N' Vanlaiphai, Thingsai kawng vel khi a chhiatna a rei tawh khawp mai a. Khilai khi eng project atangin nge a pavement te khi kan siam dawn? Siamthat a tul khawp mai a. Chuvang chuan, PMGSY kawng a niin ka hria a, ka hriatsual loh chuan. Chuvang chuan, khing te khi pavement te a siam theih ang ang khi chu thal lo awm turah khi chuan siam a hun khawp maiin ka hria a. Tin, The Mizoram Road Fund Rules, 2010 kan nei a, he rules chhungah hianin road fund board te, khatiang ang chi, chi hrang hrang kha kan nei ta. He road fund rules kan neih hi chhawr tangkai a tul khawp mai a. Rules tha tak kan nei a, kan hman thiam leh si loh chuan leh kan hman tangkai leh si loh chuan in kan hnathawh in mu leh mal a awmlo thei a. Chuchuan sumtuak dan tur te, road development chungchang a ruahmanna a siam ang te pawh khanin mu leh mal a awm lo thei a. Chuvang chuanin, kan ngaihtuahna ah heng ang kan dan neih ang ang te pawh hi hman tangkai atul khawp mai a. Tin, tunlai in kawng a chhia a, kan sawi kan sawi a, a ngaithla tute tan pawh hreawm thei enkawl tute tan mawhphur tute tan pawh hreawm thei a ni a. Helai ah pawh he House zahawm takah pawh hian Pu Speaker, kan han sawi tawh a, kawngchhia avangin JCB te pawn buhfai thiar a ngai ta hial mai te pawh kan han ti a. Ama'rawhchu, mipui mamawhna avang anih zel thu kha kan hria a. Kei ka bialchhung ngei ah pawh nimin maiah kawngsiam hna PWD thuneituten an rawn tan bawh a. Synod khawmpui kan thleng dawn si a, heng ang kan harsatna zawng zawng te kan han thlen a, chung ang te chu min ngai pawimawh in kawng tha tak te pawh kan nei ve thuai turah ka ngai a. Lawmthu he House kaltlang hian kan sawitel duh a.

Tin, hei Demand No.48-na Information & Communication Technology hi Pu Speaker, question ka thehluat a, service provider ten tha zawk a service min pek theih dan tur a hi nia ka rin leh rawtna te ka ngaihdan te min chhang turin kan zawt a. Mahse, ka zawhna kha fuhlo anlo ti deuh nge ni thuneitu lamin an reject daih mai a, ka ui ang reng khawp mai a. Helai service

provider BSNL leh Aircel, Airtel, Vodafone te hian bus a seat capacity 20 alo nih laia mi100 chuang chuang a bus chaklo zet a, zo mang lo a a tlan ang vel ni hian ka hria a ni. Chuvang chuan, heng service provider ten an khawl ina a zawh tawk aia tam connection hi an pe a ni. Chu chuan, mipuiin harsatna kan tawk a, satel net tih mai tur khawp in a muang em em mai a. Heng ang hi ICT lamte pawh hian anlo monitor a kan enzui a tul khawp maiin ka hria a. Chuvang chuan, subscriber ah hma an sawn viau laia, thahnem an ngaih viau lai hian an service ah hian mipui te tan lungawina hmuhtur a vang khawp mai a. Pu Speaker, he House zahawm takah pawh hianin internet a hman theih reng reng loh mai a. A tir atang khan hman ka tum thin a, engmah ka download theilo, ka lut hlei thei lo a ni. Chuvang chuanin, engti zaizia nge ni rorelna insang berah pawh internet hman theih reng reng loh mai a hi chu kan service provider te mawhphurhna liau liau a ni a. Chuvang chuan, heng ang hi keini changin kan tuarlo, Zoram mipui te hian in kan mobile phone leh kan inbiakpawhna chi hrang hrang ah hian harsatna kan tawk nasa lutuk a. Chuvang chuan, heng ang hi enfiah a tul khawpin ka hria a.

Tin, social media a chak em em mai a, hei hi kan hmangsuah nasa a ni. IT act te kan han tia, a hremna te pawh kan hria. Ama'rawhchu, a hremna hrereng chung hian kan bawhchhe nasa em em mai a ni. Mi personal life thlalak khatiang ang duk dak lo pui pui kha atam em em mai a ni. Hemi kawngah hian thuneituten kan inzirtir a, thuneihna kan lek te pawh hi atul khawpin ka hria a.

*Speech not corrected

Chutiang chuan he Information Communication Technology hianin kan ram kan thalai te mamawh leh harsatna khawvel tukverh an dah ve theihna tura kawng sattu a ni angin, India Sorkar pawhin digital India te pawhin a ti a. Kha ang zawng zawng te pawh kan lo chhawr tangkai ve theihna turin leh kan billing system, payment system ang chi te pawh awlsam zawk E - payment kan han tih anga kan pe ve tura Sorkar Department hrang hrang te pawh an han inbuatsaihna tur kawngah te pawh hian service provider ten an tih that si lo chuanin harsatna kan tawk thei ni te pawhin ka hria a, chu lamah chuan tan lak a tul hle mai tih te pawh ka sawi duh a.

Tin, Demand 24-na. Medical & Public Health Services ah hianin, hei Saiha bialtu zahawm tak hianin a lo sawi hmaih a. Kum tam tak chhung Saiha mipui ten damdawi in thar sak nghakhlelh takin an lo thlir a. Tunah chuan mipuite beidawnga an awm rum rum hnuah kan Health Minister hmalakna ah hian, kan PWD changtu a ni bawk a, building thar tha tak mai kan nei dawn niin kan hria a, tunah hian hma chak takin lak a ni a, a satu tur thlan chungchangah te buaina leh harsatna neuh neuh chu awm mahse, tunah chuan Saiha mipuite pawhin damdawi in mawi tak kan neih dawn niin kan lo hria a, lawmthu he House kaltlang hian min lo sawi sak rawh, a ti a. Pu Speaker, nang pawh hian ka sawi kep che nih chu, i bial chhung lam tho a ni a. (SPEAKER : A lawmawm e. Hei, i hun i hmang zo tep tawh a ni a). Pu Speaker I bial ka sawi sak che a, hun kha min pe leh lawk teh.

Ayush Directorate din thuai tum ni in kan lo hria a, a lawmawm khawp mai a. Ayurvedic-ah hianin India Sorkar te a kal nasa a, hengah te hian Directorate hran te pawh neih hlan a nghahhlelh awm a. Chutiang chuan hengah te pawh hian hma lak a ngai a ni.

Tin, Medical College te pawh kha din tum, kumin chhungin admission pawh kan ti hman ang ti khanin Session hmasa ah pawh kha kan hria a, kan ngaithla a. Amaherawhchu, kumin chhungin admission hi kan ti hman lo mai ang em, tun ah hei Session tan a hun tan der tawh mai a, tih te pawh ka ngaihtuah a. Tin, Doctor indaih loh te, khatiang chi ang ah khan harsatna tam tak kan nei ang, chung ang te pawh chu theihtawp chhuahin, kan House Leader zahawm tak hi, Health Department enkawltu a ni bawk a, tan han la zel se ka duh deuh a. Tin Mission Project ang chi kha kan ngah a, a hun takah sum an nei loh avangin target ang chi an hmalak tumna, entirman, Malaria Control Society an tih ang chi atanga a an pawisa hmuh kha, malaria awm loh huna pawisa an hmuh chuan, thal huna pawisa an hmuh khan harsatna tam tak a awm thin a ni.

Tin, Pu Speaker, Demand No. 10-na. MPSC hi Chairman thar kan nei ta bawk a, mipui te pawhin beiseina kan nei chho ta zel a, a lawmawm tak zetin ka hria a.

Tin, Demand No. 5-na. Vigilance kha a pawimawh khawp mai, Pu Speaker. ACB te pawn building mawi tak an han nei a. Chutah chuan Vigilance Commission din kan tum uaih uaih kha, kan han din ta hrih lova. Amaherawhchu, Lok Ayukta te kan han din dawn a, chuang chuan he Vigilance Commission emaw, ACB hmalakna tichak a, an hmalakna Zoramini a dikna hmanga mipui te kan kal theihna tura dan anga min kalpui zel hi tul ka ti khawp mai a.

Tin, DP&AR hi Sorkar hnathawk, Pension rawih nawn chungchangah khanin kan House Leader zahawm tak, min chhan danah khanin AEC State Election Commission, Secretary te, kha R.R. ah khan promotion leh deputation chauha hnawhkhah theih a ti bawk si a, kha kha min chhang tel lo hlauh mai a, kha kha enge a awmzia ka hre lova. Tin, Mizoram State Planning Board ah pawh khan Member Secretary pahnih te kha rawih nawn emaw khatiang ang chi zawhna huang chhunga mi tho kha a ni a, a tel lo tlat mai a. Kha kha kan tihsual palh nge ni, enge ni tih kha ka sawi leh duh a.

Tin, General Administration Department a hi tawi te Sorkar tak tak an ni avangin, ka sawi duh a chu, Allocation of Business list ah khanin tihsual an nei nge ni, ka zawt tho nagin, Geology & Mineral Resources Department kha a lang ta hauh lo mai a. Dt.1.9.2010 a indang daih tawh kha an ni a Directorate hran, mahse Industry department hnuaiyah khan a awm ta zel maia, directorate hran ni tawh si, khalai a Allocation of Business Rules ah khan a hranpa a awm awm tak si kha a ni a, chu chu kan tih sual palh nge ni, khatiang te kha a ni a, chuangchuanin hei khang ang chi department, Secretariat Administration Department te sawrkar neitu tak tak kan ni a, kan sawrkar in a hma alak zawng zawng ti fel tu leh enkawl tu GAD te, DP & AR te kha a ni a, chuangchuan a pawimawh tak zetin ka hria a.

Kan tawp dawn hnai tawh anga, Pu Deputy Speaker, hei kan starred question leh kan unstarred question te chhanna fel tak mai minister te atangin kan han hmu a, a lawmawm khawp maia, helai ka zawhna chhanna hi Zoram mipuite hianin vawiin ni thleng hian in thudik hi kan hriat hleihtheihloh thil pakhat tun hnai a mihring hming anga han insawi chu a hrehawm viau nang in zawhna ka zawh pakhat kan tarlan duh chu, nutrition item high protein biscuit hi tunge supply, a firm neitu tunge? Engtik atang khan nge a supply tih kha a ni a, nutrition item high protein biscuit hi HP Food Products Zuangtui, Aizawl ten an supply a. A firm neitu hi Pu Lal Thanzara niin kum 2010 – 2011, 2000 – 2001 atanga tun thlengin an la supply a ni ti in, unstarred question 10 na ah khan a rawn tarlanga. Khalai kan sawi duhna chu kan House Leader zahawm tak kan Chief Minister zahawm tak hianin Power of Attorney kha pe tawh ang khan Press Conference ah khan a sawi a, helaiah hian official ah hian la tihfel loh vang nge ni tun thleng hian ala nih thu kha ala rawn sawi leh bawk sia, khalai kha kan hriat tlan, enge ni dik tawk lo a awm em ni tih kha ka ngaihtuahna ah chuan a awm deuh a, chuvangchuan heng kan demand hrang hrang te thahnemngai takin kan sawi a, kan thahnemngaihna te hianin lo pir deuh te pawh a awm maithei, chung ang chu kan Zoram leh kan ram hmasawmna tur a kan thahnemngaihna a ni a, vawiinah hian kan House Leader zahawm tak Demand hi a vai vai chuan kan sawi vek seng lo vang.

Minor Irrigation hmalakna Demand No.47 na ah te pawh hian heng ngel nghet taka kan eizawmna kan neih theihna tur leilet tui lak chungchangah te, heng ang zawng zawng ah te pawh hianin thahnemngaih a na khawp mai. Nikum lamah an hmalakna lian tak sawi tur leh hriat tur kan nei tlem khawp maia kumin ah erawh hi chuan beiseina sang tak nen kan lo thlir dawn a ni tiin thahnemngai takin kan House Leader zahawmtak Demand hi ka rawn sawi ve a ni e. Ka lawm e.

*Speech not corrected

SPEAKER : Awle, internet Assembly House-ah a hman theih reng reng loh tih kha, hman chu a hman theih a, a muang deuh thin a, kha lai te kha hman theih reng reng loh ai kha chuan a ziawm e. Pu T.T Zothansanga.

Pu T.T ZOTHANSANGA : Pu Speaker, ka lawm e. Tlem nak alaia House chhunga internet min hman san te chuan a va khawhar thlak duh awm ve, ka'n ti deuh a ni.

Pu Speaker, tlem han sawi fiah duh ka nei a, nimin a chhuak Vanglaini ah khan Pu Speaker i phalna in hei hi kan chhiar lawk anga, "Parliamentary Affairs Minister R. Romawia'n a hma in zawhna leh chhanna hunah, 'eptuten bengchheng an siam chuan an mike off sak mai turin a lo ngen tawh' tih kha a inziak a ni. Hei chauh hi kan chhiar leh ang e, 'eptuten bengchheng an siam chuan an mike off sak mai turin a lo ngen tawh' tih kha a rawn ziaka, Vanglaini chanchin bu nimin chhuakah khan.

Amaherawhchu kan House proceeding-a heta a sawi dan dik tak a copy kan han lakna a kan Parliamentary Affairs Minister in a sawi dan chiah chu, “Pu Speaker, i thu zawm lo a, i phalna pek nilo te kha chu an microphone off sak hmiah mai kha House tan hian kan zahawm na zawk a ni thei ang a,” tih kha a copy a ni. Chuvangin chanchinbu lama kan interview pawh hian huaisen taka kan interview dawn a nih rau rau chuan, a dik takin interview thei hram sela, mipui mislead thei ang zawng hianin thil tih loh hi a tha in ka hria. Hei hi nimin a chanchin bu leh helai kan proceeding a kan han lak copy a ni a, opposition bik te kha off sak turin a ti hran lo a ni, tih kha kan sawi hmasa duh a ni.

Tin, Pu Speaker nimin ah khanin zawhna leh chhanna ah khanin kan CM zahawm tak in a chhanna pakhat kha sawifiah ngai pakhat a awm a, Starred Question – 172 na Lai Autonomous District Council chhunga hna thar lak 192, Dt 1st April, 2015 ah tih kha zawhna a rawn awm a, khatah khan 192 lak a ni a rawn ti tawp mai a. Amaherawhchu, kha kha kan hriat dan turah chuan hnathar hlak la ni lovin ni 90 interval alo nih dawn tak avanga fresh appointment continue na tur chauh a ni. Khalai kha kan sawifiah duh bawk a ni. Inthlan dawn ah kan Lai Autonomous hotuten mi 192 duham takin an va la emaw tih mai tur ang zawng khan ngaihtuah na ah khan a awm thei a, amaherawhchu ni 90 an lo thawh tawh avanga chhonzawm leh na tur nikhat gap tla ang chi kha a ni tikhka kan sawifiah duh a ni.

Pu Speaker, vawiinah hian sawi tur tam tak a awm a, a hmasa berah chuan demand no.45-na PWD chungchang ah khan a ni a. Tah khan Pu Speaker, kan sawi duh chu kan Schedule of Works, District Capital tin a kan hman te hi khairual deuhin hmantheih ni se tih kha ka rawn rawt duh a. Kan department hotute hi chuan in hrechiang viau turah ka ngai a, kan Minister changtu hian a hria em ka hre lova, tah hian tlem kan sawi zawr zawr anga.

Champhai District ah khian kan road length khi kms 88 chuang a ni a, Serchhip ah kms 23 chuang a ni a, Mamit ah kms 25, Kolasib ah kms 42. Hei Kolasib let ai pawhin kan la tam daih ania, hetih lai kar a kan han thenrual thap leh thin mai ang chi hi a tha lovin ka hria a. Kawng tam na na na chuan kan chang tam ve dawn lawm ni? Hei 2010-2011 ah hian nuai 35 kan chang a, Serchhip in nuai 40, Mamit in nuai 40, Kolasib in nuai 30 ang kha a lo ni ta a. Tin, 2011-2012 ah Champhai in nuai 35, Serchhip in nuai 35, Mamit in nuai 35, Kolasib in nuai 20, Kms 25 leh kms 88 hi kan hrut rual pap pap zel mai a, hetiang hi chu Champhai a kawng kan chhiat nachhan khi a ni in ka hria a.

Tin, hei tunah 2014-2015 ah pawh hian Champhai nuai 55, Serchhip nuai 91, Mamit nuai 26, Kolasib nuai 60; hetah pawh hian kan pha leh ta lo a ni. A tawi zawngin kan sawi anga, Champhai ah chuan kawng km 1 enkawl nan khian cheng 66,218/- hmang ang kan ni a, Serchhip ah chuan kawng km 1 ah cheng 3,83,966/- hmang ang kan ni, Mamit ah chuan km 1 enkawl nan cheng 1,04,000/- hmang ang kan ni a, Kolasib ah pawh cheng 1,04,515/-. Kan Minister zahawm tak a awm lo hlauh mai a, department hotuten lo hria se ka duh chu rualkhai takin sem hram hram ni

teh se. Hei hi chu anmahni mawhpurhna hi a ni tel thui viau ania tih kha kan sawi duh a, ka ngen duh a ni. Km 1 a inthlau lutuk hi a dik lo a ni. Ka vanduai thei lutuk a, ka sawi lai hian hotute hi an awm lo leh zauh thin a, official ho te khan tlemin thahnem an lo ngaih ve kha a ngai a ni tih kha ka sawi duh a ni.

Tin, a pahnihna ah chuan, Champhai ka bial chhung khi bial zau ber te zing ami niin kan NLUP hotupa Pu Rothuama phei chuan a thlawn pawn ka ding peihlo a tih na hmun kha a ni a, karhnih ah khian kan fangchhuak hman lo reng reng a ni. Chuvangin a kawng inkar khi siamthat ngai kan ngah khawp mai a, kawng tam tak siamthat ngai a awmlai karah chak deuh mai a pakhat rawt duh kan neih chu; Rabung leh Hliappui inkar khi min tihsak theih chuan kan lawm khawp ang tih kha ka sawi duh a. Rabung leh Hliappui kan link theih hlauh chuan khilai mite tan chuan malsawmna a ni dawn a ni. Tunah Hliappui khi Aizawl atang in kms 111 a ni, Hliappui hi kms 111 a ni a, Hliappui to Rabung hi kms 22 vel kan laih pawh leh chuan kms 133 velin Rabung hi kan thleng thei dawn a ni. Tuna kms 200 ni mek khi kms 133 ah kan reduce dawn a, chu reduce nan chuan kms 20 vel chiah tunah hian laih a ngai a ni. Chief Engineer ah pawh ka thehlut tawh a, a hun takah ka thehlut a mahse ngaih pawimawh ah chang hrih lo niin ka hria a, ka thehlut leh anga, ka rawn bawhzui ka rawn bawhzui anga.

Engpawh nisela, kha chu tun term chhung hi chuan min tihsak thei turah ka rawn ngai dawn a ni tikhka ka rawn sawi duh a. Kms 200 kal tur hian nileng a kal a ngai a, kms 133 vela kan reduce thei hlauh anih chuan malsawmna a khaw mipui tan pawh kan ni ve dawn a ni tih kha kan sawi duh a, kms 67 zet kha kan paih thei dawn a ni tikhka ka sawi duh a. Kha kha min lo hriatpui sela, khimi hlawkna em em mai chu Hnahlan tlangdung atang a khaw hrang hrang 14 vel khi Aizawl ah hnai takin kan kal ve thei tawh dawn tihna a ni. Aizawl ah hnai taka khaw 14 vel kan kal ve theihna tur khi dingdihlip in tunah hian kan thlir reng a ni. Kha kha PWD hotu efficient tak tak te kan nei a, anni khan min lo chhinchhiah sak a, priority a min lo dahsak hram hram turin kan beisei a ni.

Tin, chubakah Satellite Town a sum kan in pek thin ah pawh hian a rual leh deuh pat mai a, keini khian kan ngah nasa mai si a. Khangah te pawh khan inhrutruul lehzual kha kan duh a, uar takin kan sawi duh anih chu. Chu chu PWD chungchang ah chuan a ni a.

Kan sawi zawm zel duhna ah chuan kan hun kal ta ah hian kan duh angin importance min pe lo deuh a. Champhai in lokal chuan Kanan ah khian leimin kan nei a, Champhai a luhhtheih loh a ni. Khimi a luh theih loh avang khian MLA fund atangin diversion keimahni in kan siam a Fur ah chuan tah hlir khian kan kal tawh a, tunah khian lei a min a piangin MLA fund atangin kan siam tawp mai ani. Tin Rabung khua min rawn link theih hlauh chuan Rabung leh Tualpui inkar pawh MLA Fund vekin kan ti tlang tawh a. Chuvang chuan MLA fund pawh hi nakum ah rawtna chak tak neiin nuai 100 tal hi chu ani tawh tur ani kan ti a. Keini ah chuan PWD

purpose-ah hlir kan hmang ani, kha kha min lo hriatpui ka duh a, kan tha hmemngaihna kha department lam khanin min lo puihbawm leh zual kha kan duh ani tihna anih chu.

Tin, Pu Speaker, Demand No. 39-na P&E ah khan han lut ta ila, P&E ah hian sawi duh kan neih chu tunah hian, keiina kan chhut theih mai danah chuan thlatin a rent an chawi a hi ₹ 248990/- hi inluah man ringawt ah hian an chawi niin ka hria a. Chuvang chuan infrastructure lamah hian vawikhatna na na chu lo tang leh hram teh u, he kan ram leilung ngeiah department nghet, chhuak leh mai tur pawh ni silo ah hian, mahni in building in nei ngei ngei tur ani tih ngaihdan nghet tak hi ka nei ani. State kan nih hnuah pawh kum 30 dawn lai mai a ni tawh a, in relbawlina mumal tak kan la nei theilo hi pawh ka ti a, tute emaw inluah ringawt mai a, 'chhuak rawh u, tute emaw an lo kal dawn tawh e' tih theih ringawt a mikhual chet a kan chet hi a hun tawh lo. Chuvang chuan P&E hianin Building Infrastructure lamah hianin i tang deuh hlek ila, thlatin a nuai 248000 vel kan chawi thin a hi tih bo tumin hma I la hram hram ang u tih kha kan sawi duh bawk ani.

Tin, Champhaiah khian hmun rem zau tak mai kan nei a, Champhai bikah pawh khianin In luah man tam tak kan chawi ani. Chu chu Champhaia kan P & E ramah khianin ruahmanna mumal deuh te neiin DPR te siam nisela, chutiangah chuan a theih ang ang a in nawrpui theih dan kawngte pawh awm turah ka ngai a, kha kha minlo hriatpui ula a tha awm e.

Tunah khianin Champhai Keifang tlang bulah khianin 132 KV a tharin min rawn siam sak kha hawn theih tepin a awm tawh a, khi khi kan lawm khawp mai a, lawmthu kan sawi ani. Tun hma chuan Bukpui atangin line, eng a lo kallo kan ti thin a, Saitual atanga direct a a lo kal hun hi kan nghakhlel em em a, khimi hawng thei tur khian hma chak taka min lak sak kha kan duh tel bawk ani. Tin, Rabung kan model village thlan-ah khian 33 KV min rawn siam sak dawn bawk a, chu chu a changtu Minister hnenah lawmthu ka'n sawi tel ni bawk sela, chak leh zuala hma min laksak turin kan han beisei a ni.

Tin, Champhai Bethel Vengthar velah khianin, In 50/60 vel current ina a tlawhpawh phak loh hi kan awm a, khi khi extend theih dan hram kha min rawn zawnsak thei ula, kan duh khawp mai. Engemawti kawng taka min rawn tihsak theih hlauh chuan, kan lawm hle dawn ani tih kha ka'n sawitel duh bawk ani.

Tin, Pu Speaker, Health Deptt. ah hian han lut leh ila, demand No. 24 na Health Department hian ka hriatsual loh chuan tunah hian thlatin in luah man cheng nuai 185196 vel hi an hmang niin ka hria a. Ka figure hi a dik turah ka'n ngai a, an ni pawh hianin mahni changtlunna lam kha tlemin lo hawi deuh hlek sela, hemi ₹ 185196 vel thlatin han luang a hi a bo theihna turin, building sak belh dan kawng lo ngaihtuah se a tha in ka ring ani. Pu Speaker, hei mi tinte, a rethei hote kan inngahna hi ti mai ang RSVY ah hianin kan target ah khan Member nuai 212572 kha kan target anih lai khanin tuna a avail mek tute hi 152983 kan ni a 59589 kha a chuang ala awm ani.

Kha a chuang a kha han tih leh mai theih dan a awm em? Tunah damlo an lo kal a, Zokhawlam atangin, ka lo ti hmanlo palh si a, tih theih dan hram ala awm ang em hi an ti ngawih ngawih zel a, khatiang mite tan khanin he 59000 la awm ah hianin tih theih dan hram kha kan zawng thei lawm ni tih kha ka'n sawi duh ani. An harsa tlangpui a, a hun a tihna chang lo hrelo te, lo zinbo te an ni a, hetiang target phaklo te 59000 lai mai alo la awm lai karah hianin remchang hi kan siam thei mai lawm ni tih kha ka'n sawi baw k ani.

Tin, tunah kan bial ah Health Worker hi kan indaihlo khawp mai a, mipa ringawt awmna pheih hi chu kan buai ani dik tak chuan, thingtlangah pheih chuan mipa in a nau va chhar kha an ngamlo reng reng, hmeichhia leh mipa awmna tur vek ani a. Mipa in nau a chhar ai chuan harsa taka thingtlangah chuan nau neih an duh deuh zel ani. Chuvang chuanin Health Worker ah hian post ruak kan han neih 172 zet maia hnawhkhah theih dan kha, helai bikah hi chuan a changtu Minister piah lamah kan Finance Minister a kha, a pawimawhin ka hria a. Kan Finance Minister hianin harsa viau mahse ni rawhse a tih chuanin ni mai tur niah ka'n ngai a. Thingtlang mite hriselna hi kan ngaipawimawh a. Mi 172 zet mai post an ruak a hi, hemi hi hnawhkhah theih hlauh anih chuan Zoramah hian thingtlang mite kan nui ve ang tih kha kan ring tlat ani.

Tin hei hman niah chanchinbuah khan kan hmu a, chanchinbu a a lan danah chuanin Tripura Sorkar chuanin non-practicing allowances a hi, practice na na na a kha chuan la tawhlo turin Sorkar Doctor kha an ti niin kan hria a. Helam hawi zawng hian ke hi kan pen ve ngam hnai tawh em? Sorkar hnathawk na na na NPA an la lo anih chuan clinic an hawnglo tur ang a ngaih a lo ni ta a. Amaherawhchu, Sorkarah thawk baw k, la baw k, practice ang chi kha Mizoramah hian kan awm deuh tuai mai a, hemi sum remchemna kawngah pawh hian kan Finance Minister-ina alo hriat tur tak te pawh ani ang e.

Kei hi ka a deuh a, mi tam takin an huat tur te pawh hi kan sawi ve leh mai thin a, kawng leh lamah chuan kan ram tan a tha ani ti a kan ngaih vang kha ani.

Tin, Pu Speaker hei keini hi Tiau hrutah kan awm a, hmanni a ka sawi ang khanin Phai leilet tamna ramah kan awm a, thosi hi kan ngah bik em em ani. Hman niah department-ah kan zawt a, 'kan sem rual dawn e' an han ti tawp mai a, han semrual tur ang chi hi ani emaw ni dawn le - thosilen te pawh hi, a mamawh tamna ruam deuh te chu kan awm ang a tih kha ka ngaihtuah naah a awm deuh a. Heng laia khawpui chhung vel nena min sem rual vek kha chuan ani thei miah lo a nia.

Tin, kan CMO te pawhin demand te kha an lo theh thla ang, tawng mawilo nilo sela, kan department hotute kan CMO te pawh ina a tak tak a an va kalna hmunlo hi a tam ve si a, an ni ai hi chuan kan ram kan bialchhung hi chu kan hre chipchiar em aw tih kha ka ngaihtuahna ah khan a awm a. Chuvang chuanin thosilen hi a lo kal leh anih pawhin duhsak tur bik ruam deuh hi chu minrawn thliar hrang thiam ula tih kha kan sawi duh baw k a ni.

Pu Speaker, sawitur hi a tam khawp mai a, amaherawhchu vawiin ah hian sawi vek ka tum lova, ka sawi zo tep tawh a. Hei Assembly bik chung changah hian kan proceeding hi Assembly hianin in rawn ti chhuak a, hei hi a tlai deuh hlek thin hian ka hria a, a dik tak chuan in kar hnih thum chhung vel hi chuan rawn tih theih hram dan hi a awm em? Keimahni ina kan thusawi ngei ngei te pawh hi a copy hi kan kawl nghal pawh ani silova, kan puten engeng emaw min assure ang chi a kha, lo hmuh ve zung zung kha kan thlahlel ve si a. Thla 4/5 hnu te a min han pe hi chu a liam deuh duak hian a hriat mai a, tih ran theih deuh hlek dan a awm em tih kha min lo ngaihtuah sak theih se ka'n duh a.

Tin chubakah a English version a kan siam hian hei hi a chipchiar deuh hleka min lo chhuahsak hi ka duh a, nakinah thangthar te an lo la kal ang a, mifing tak takte an lo kal ang a, a English version chauh a kha an rawn en hunte a la awm dawn a, kan thu sawi tlar 50 vel te kha English in tlar hnih lek te hian in let thiam mai a. Hei hi chu a lutuk deuh ani ka ti a, a tak tak ani kha kha, mizo tawng chuan kan sawi ang ang hian chhah deuhin in rawn chhuah a, saptawng chuan pan deuh a rawn ni tawh mai a, tlar 2/3 vel lekah tlar 50 kha in rawn let thiam a, saptawng te hi kan thiam mang e te ka tia a chang chuan. Mahse kha kha chu kan kal zelah hian a tha lovang. History a ni a kan lehkhahu kha nakinah thangthar te ah a tawng hi a ngai dawn a, chuvang chuanin keini hian tun atang hian theih hram chuan a English kha chu hmanhmawhlo zawk deuh pawh nisela uluk deuhin, nakin hnua kan thangthar tena kan thu sawi a tak tak a an la rawn chhui ve theihna tur

SPEAKER : Mizo tawng a in sawi kha a kimlo, lehlin kim loh a awm tihna em ni?

Pu T.T. ZOTHANSANGA : Hmaichhanah chuan a kimlo han tih dawt chu ka hreh a, tlar 50 tlar 3 vela han leh zawh kha chu pui ve tak a ni.

SPEAKER : A chang chuan Mizo tawng thui taka ziah hi saptawng chuan tawitein a ziah theih a.

Pu T.T. ZOTHANSANGA : A chang a tam lutuk, a ni deuh vek. Chuvangin hei hi chu chipchiar deuh hlekin min lo tihsak hram rawh u, a kimlo a ni, a tawi zawngin.

Hei vawiinah hian sawi tur tam tak a awm a, hei chawhma khanin Pu Ruatkima khanin thal chhung ngeiin min tiam rawh tih ang deuh khan a sawi a. Kan pu khan engtik thal tih ka sawi hleinem a ti khan ka hria a, thil hriatchhuah pakhat ka nei a, tun hma deuh khan kan bialah khian C.M. pakhat khanin Khawbung khua pawh kha "In khaw kawng hi chu Christmas hma in 'Rulnganpa angin' ka rawn chei dawn a ni," a ti a. A chei ta reng renglo mai a, a kum leh a lo thleng a, a kum leh a lo thleng a lo thleng zel a, Rulnganpa ang kha a ni har ta lutuk a, an va zawt leh a, engtik kum tih ka sawi hleinem a lo ti a, a kuma kha a lo sawi bik chiahlo a ni Chirstmas hma a ti ringawt mai a.

Pu LALRUATKIMA : Tiam rawh chu ka ti chiah lova, tun thal chhung ngei hian ni tawh thei sela, a tha lawm ni ka ti a nih kha. Rawtna angin, ngenna angin ka rawn ti a nih kha, tiam zawng chuan kan House Leader zahawm tak kha ka ti chiah lo.

*Speech not corrected

Pu T.T. ZOTHANSANGA : Aw, engtik kum thal tih kha a sawilo ka ti mai a ni.

Engpawhnise, Pu Speaker, vawiinah hian sawi tur tam tak a awm a, khati kha ka sawi theih ni mai sela, Demand tam tak te pawh hi ka sawi loh te nen khanin lawm takin ka rawn thlawp e, ka lawm e.

SPEAKER : Pu Vanlalzawma

Pu VANLALZAWMA : Pu Speaker, ka lawm e. Kan House Leader zahawm tak dinhmun hre rengin tawite in sawi ka rawn tum ang a, point thum emaw lekah luh ka duh a, a pawimawh zawng zawng chu ka hma a sawitute khan an sawi tawhin ka hria a. Demand No. 1, 24 leh 39 chauh kha sawi ka tum a. Chumi hma in thil kan sawi lawk duh chu-

Nimin lamah rokhawlhna avangin a tawp ka awm thleng ve lova, chutih mek lai chuan he House zahawm taka kan thusawite Minister hoten a positive zawngin min lo dawnsawn sak a, min lo react sak te kha kan Minister-te chungah khan lawmthu kan sawi hmasa duh a.

Demand No. 1-ah hian han sawi ka duh chu Legislative Assembly chungchangah hian, ka rilrua awm deuh thin mahse ka sawi chhuah ngam vak loh, hmannah kan House Leader zahawm takin tawite in a lo sawichhuak a, kha khan awmzia kha a lo nei khawp mai a, kha kha han support pahin kha thu han sawizawm hlek ka duh chu. Hei, keini ang thusawi thiamlo thusawi te hi chu ngaihthlak pawh a hrehawm in, ngaihthlak fuh loh lai te pawh a awm thei ang a, lo ziah chhuah dawn pawhin a har hmel hian ka hria a, a chang hi chuan. Chutih lai chuan an ziak, kan en tura min rawn pek leh pheih hi chu a buai ang reng khawp mai a. Amaherawhchu, hmannah kan House Leader zahawm takin a ma chungchang a han sawi kai zeuh a, tunah hian lawmawm ka tih tak a chu, uluk deuhin an ziak chhuak ta ni te hian ka hria a, tukin zing lamah pawh kan chhiar thin a niminpiah lama kan thusawi te kha, a tha ta khawp mai a. Khatiang khan tan la lehzual ta ila Assembly-a kan hna thawktute hian. Tin, anni chu record-te pawh nei vek an ni a, hriatfuh loh lai an neih pawhin a record han play leh zeuh a, a dik zawka han ziah leh mai theih niin ka hria a. Khalai te kha tan lak lehzual nan Assembly-ah hian kan hotute an

awm bawk a, tin kan Speaker zahawm tak leh, a thawktu pawimawh zawng zawngin an hria in ka ring a.

A chhan chu mahni sawi ngei pawh kha an rawn ziah dan a dik tawh loh kha chuan han tih dik leh hi a har tawh ang reng khawp mai a, kan sawi tumte nena han thlak chiam kha a rem si lova, a then hi chu a paragraph ang hlawka han ziah that chakawm lai te pawh hi a awm a, mahse kha kha a rem chiah si lova. Khalaiah khan tan an la chho niin ka hria a tunhnaite-ah hian, kan House Leader-in a sawina a zarah, kha kha i tang lehzual ang u tiin ngenna ang deuhin kan sawi duh a.

Tin, khatia ka sawi mek lai khan he House-a ka telve phat atanga ka sawi chak, mahse ka sawi ngam chiah si loh chu hetia kan House rorel hi Mizoram pumpui hian an lo thlir nasa khawp mai hian ka hria a, chhun lama live a thlir lo pawhin zan lamah te uluk deuh hian an lo thlir a, chutih mek lai chuan video a kan thla an lo lakna kan camera awmna hi a diklo a ni, a position hi a diklo. Hei hi a ni kan sawi leh duh lawka chu, kan hotute technical men hi Lok Sabha leh Rajya Sabha khu zuk hawi thuak sela camera dahna tur hi chu an hmu nghalin ka ring a. Chu chu Pu Speaker, i ho hian ngaihtuah a tulin ka hria, a chhan chu kan rorel ang em em a ngaihven hlawh hi a awm ka ring lova, state dangah te pawh an live em ka hre lova, Lok Sabha te, Rajya Sabha te pawh an live a. Mahse, Mizo mipui anga hetia kan rorel lai miin an thlir pawh hi ka hre vak lova, kan thlir tha peih bawk si a. Amaherawhchu, kan camera position hi a dik lova, sawi ang khan Lok Sabha-ah emaw, Rajya Sabha-ah emaw zuk kal sela dahna tur, tin camera tha deuh lei a nghet deuh hleka fix a dah mai kha, hei hi kan hmasawna tur a ni mai awm mange aw, tih kha ka ngaihtuahnaah a awm a, chumi tur chuan vawiinah he kan demand no.1 hi ka rawn react duh a, Assembly-te mawh a ni a, chu chu sawi ang khan kan record bakah mipuiin an ngaihtua nasa lutuk a ni kan Session hi tih kha kan sawi duh a.

Tichuan, Demand No. 24-na Medical & Public Health Services tih lai te ah hian sawi tur tam tak chu a awm thei ang a, mahse ka sawi tam lovang a. Ka ngaih pawimawh ka sawi fo thin chu tunah pawh kan member zahawm tak tak te pawhin an rawn sawi Health Care Scheme leh RSVY kan tih lai te hi. Tun aia awlsam zawk leh huamzau zawka hmandan hi ngaihtuah ta ila mipui tan hian a tha dawn a. Dik tak chuan a mamawhlo thil chinchang hria te hi chuan tha deuh hian an lova in ziaklut a, amaherawhchu an mamawh dawn tih pawh ngaihtuah manglo, mamawh leh ta si in harsatna an han tawh hian a buai vek mai a. MLA dang kan thiante pawhin an buaipui ve tho in ka ring a, bial lamah te pawh khatiang ang han buaipui ngai kha a awm thin a, a hunlaia an lo tih si loh avang khan. Tin, tam tak hi chu a complicate deuh vang em ni aw, ka ti a, tin awareness kan pe tawklo te pawh a ni thei a, kan mamawh loh pawhin a pawilo, ti a inziak lut tura tih an nih rualin awlsawm lehzuala mipui an in ziah luhna tur hi a tul khawpin ka hria a, chu chu kan sawi leh duh a.

Tin, nichinah kan bial chhung thil Aizawl West-I bialtu zahawm tak Pu K. Sangthuama'n arawn sawi kha kan tuihnih ve lawk duh chu. Pi Lalmuanpuii kum 26 chauh mai, nau chungah thi anga han ngaih theih a kha, a chhungte an rilru hi a dam taw lo khawp mai tih kha ka hre ve a, a pawl takzet a. Mitthi vuinaah te kan kal ve thin a, kan hotute pawh in kal fo in ka ring a, chungah kan thu ngaihthlak tam ber chu Doctor-te leh Nurse -ten theihtawp chhuahin an enkawla, an chungah kan lawm takzeta, theihtawp an chhuahin kan hria tih hi kan ngaihthlak zin a ni. Amaherawhchu, Pi Lalmuanpuii case-ah hian tlema an chhungte rilru natna hi a awm a, a technical term te pawh hi a ziaak te pawh min pe a, mahse ka sawi vek lo mai ang a Pu K. Sangthuama khan nichinah chiang takin a sawi a. Kha kha kan ngaihthlak tawh ang khan helai Assembly House-a Session kan neih mek laia thil thleng, kar hmasa lawka thil thleng kha anih avangin han sawilan ve hrim hrim ka duh a. An dinhmun, an khawngaihthlak chu thu dang, an rilru tlemin a na tel deuh tih laia kha he House zahawm tak pawh hian hriatpui ta ila tih kha kan Health Minister hriat atan pawh kan sawilang leh zawk ni sela.

Tichuan, ka point thumnaah ka kal mai ang a Power & Electricity Department chungchangah khan. Hetah hian thil han sawiduh pakhat kan neih hmasak ber a chu, kan electric ban ho hi, Aizawl khawpui chhung veng hrang hrang a mi ho hi a lo rei tawh viau hlawm hi a lo ni a, kum 20/30 te a lo ni hlawm a. Chu chu ennawn leh deuh hi a va ngai em aw tih hi a ni a.

Hmanni lawkah khan sawlai ka bial Nursery ah ruahsur avang khan kawngchhak leimin theih mai awm a lang ah khan Zawngtah kung lian vak lo hi a ding a, a neitute pawhin a kit mai teh u, thlanglam tan a hlauhawm e tiin an veng pa pakhat an kih tir a, a kawmthlangte nena remruat in. Tahchuan, han kih chuan electric hruite pawh kha han vaw mai thei anih avang khan Power Department-te pawh hrilh diam in, a line hi min off sak teh u an ti a, tichuan an off sak thlap a. Amaherawhchu, an han kit a, an tum ang lo deuhhle in a tlu ta a, electric hrui a vaw thawi deuh a ni an ti a, na deuh a zu vua pawh a nilo a. Tichuan, a ban kha a tlu tawp mai a, chu a ban tlu chu an han enchian hian a lo awhtu kha a lo te tawh khawp mai a. A hrui leh a pawh nghehna ten an pawh avanga tlu lo deuh mai hi niin a lang tlat a tih kha an sawi a. Mangkhawng hlauhawm deuh bul ah hian kan lo awm a nih hi tiin a thenawmpa chuan min hrilh nghe nghe a. Chung kan sawina chhana a chu electric ban te kha a rei tawh ve bawka, khang te kha an lo hre lem lova, a mipui-te pawh kha a bulah khan ngaihngam takin an lo awm a, tiang khan an lo tei an lo tei kha a lo ni a. Mahse thingkihna in an vuak hlek khan a tlu a, a lo dal tu chu inches 2/3 lek hi a lo ni tawh a. Thildang, thli-na deuh ah chuan lo tlu mai thei tur hi a lo ni tawh reng reng a ni tih te kha an sawi a.

Tin, hmun dang dangah pawh khatiang kha han sawi zeuh zeuh tur a awm a. Hengte pawh hi ennawn thar leh deuh hi a va tul em, tam tak hi chu a rei ve tawh reng

reng a ni, electric ban phun te hi tih kha. Chutihlai mek chuan heng Khatla East, kan bial lamah te chuan Local Council in kan hnatlang dawn an ti a, Power Department atangin Welding Machine min pe a, kei niin a thawh kan ti ang a, kan lo buaipui ang a, tiang khan a thar phun pawh nilo in, a hlui an tan a, a rek lai te kha an han zawm a, welding pawh khatiang khan tha deuh in kan chhuah thei an ti a, min lo hrilh a. Khangte kha Aizawl khawpui hrim hrim ah hian ngaihtuah kan ngai deuh tawh ani awm mange aw tih ngaihtuahna a awm a. Chu chu kan Minister zahawmtak pawh in min lo hriatsak ta sela, tih kha kan sawi leh duh a.

Tin, point dang khami nena inkaihhnawih thil a kan kai zawk duh chu, tumkhat chu ka sawi tawh in ka hria a. Thermal Power lam hi ngaihtuah tel nghal hi a va ngai tawh em aw tih ngaihtuahna ah a awm a. Hemi kan leilung hausakna Natural Gas te pawh laihchhuah tan niin ka hria a. Hmanni ah Meidum ah kan zu kal zawk a, chumi tuma Meidum khaw ho lo sawi chu, hmanni a ONGC ho in an thil verh atang khan Tanker lian pui pui 10 vel hian an phurchhuak a ni an ti a, an lo buai deuhhlekk a. Engpawhnise, chuti zat phur pawh nise buaina vak tur a awm ka ring lova, khatia trip 10 vel phurh a, a kang mai dawn anih chuan engtihnamah ani lovang. Engpawhnise, lo la na vak duh suh u, khawilai ah emaw an hmunpui lamah an han phur ang a, an enfiah te pawh an duh ani ang e ka ti a.

Chumi kan sawikai duhna chhan pawh Natural Gas hi chu a awm niin an hria a, Maubuang ah pawh sawn a thawktu pakhat in min hrilhruk dan chuan, an duhtawk an verh tawh a, Gas hi chu an zuk pawh tawh tih ang deuh in a sawi a. Chulai takah chuan kan sawiduh a chu Tripura ho in an neih ang chi, Thermal Power, hemi Natural Gas atanga tih nun theihna tur a tan hian kan inpuahchah tan hi a va ngai em, tih ka sawi duh a. A chhan chu, Natural Gas hi a bio-product te pawh a tam a, a tangkai em em a. Heng plastic hrang hrang, glass te leh synthetic an tih ang zawng zawng thil hlu tam tak hi a siamchhuah theih a. Amaherawhchu, a mah ngau ngau hi handle buaithlak deuh mai a nia an ti, mithiamte chuan. Tanker a han phurh vak hleihtheih pawh hi a ni lova, pipe line a lak hi a awl ber mai an ti a. Chu chu a nia, kan leihnuai ami min phawrsak a, pipe lian pui pui an rawn zam nghal ruak anga, khulama process tur hian an ti palh ang tih hi a hlauhawm deuh em aw ka ti a. Tripura chuan fing takin a hmun leh hmunah khuan power generate na tur Thermal Plant an siam tir a, tikhuan mega watt 726 pe chhuak tura khu an buaipui tih kha kan lo hria a. Khami tur ang deuh khan Power lam atang pawh hian inpuahchahna neih tan hi a va tha em aw tih kha(SPEAKER : La ding tho la, khi dar 4:00 a ri a, mahse, dawh hram a ngai dawn a, kan chhunzawm zel ang chu. Aw, sawi leh rawh le) Pu Speaker, ka lawm e. Ka sawitur tlangpui chu ka sawi zo ani mai a, a tlangpuiin inpuahchahna hi neih tan a hun hle in ka hria a. A chhan chu, nichina kan sawi ang deuh khan, khulam Central lam khuan Pipe Line a lakchhuah daihte hi an lo ngaihtuah ang tih te pawh hi a hlauhawm viau in ka hria a. Chuvang chuan, hengah hian

hmalak chhoh tan a, bul tan hi a hun chho mek niin ka hria a, chu chu kan Power Department lamte pawh in khatiang khan mithiamte rawn in, ngaihtuahna hman ni ta se, tih kha kan sawi leh duh a ni. Pu Speaker, hun tha deuh mai min pe a, ka lawm e.

SPEAKER : Ngawi lawk rawh aw. Live Telecast hi Assembly-in kan tih a ni lova, Information & Public Relation tih a ni a. Khami te hriat atan pawh a pawimawh tho e. Awle, Pu Sangkunga.

Pu T. SANGKUNGA : Ka lawm e, Demand a ka luh hma in thil lawmawmtak kan dawng a. (Message in) MNF Peace Accord, 1986-a lo haw te chungchang, Review Committee din turin kan sorkarin Notification, Chief Secretary Chair-na hnuai a chhuah hi kan lawm hle mai a, han sawitel teh tih te kan dawng a, kan sawitel hmasa zawk duh a, Pu Speaker.

A dawl leh ah chuan nimin-ah Labour & Employment te nena kan tirh zinga mi Air Hostess hmuthar an awm tih leh thawhtan hian Navy an la dawn a, i puangzar teh ang u a, hriat mangloh in an rawn recruit thut dawn kan ti a, T.V. zawng zawngah scrolling in document tul leh rally neihna tur kan puanga. Henga document ken turte zawhfiahna turin kan phone No. kan dah ah khan Call Centre ang maiin a ri tawp lo reng reng, mi zawttu an tha hnem hle. Tukin zing 7:00A.M. ah Pisa ah i thleng vek teh ang u, tihtur kan ngah si a kan ti a, kan Sainik Welfare and Rehabilitation, Director mobile kha kan telh a, kan member ani a. Ani pawh in zan reitak thleng khan a mobile phone ri hi a reh lo reng reng, min han zawt fiah reng a ni, a ti a. Kum danga a interview an chhiat avangte pawh ani ang a, pakhat chauh te, pathum chauh te an lak thin tlangpuia kha nimin khan written test te, physical test te ni 2 chhung an ti a, chutah chuan mi 11 Navy ah an la thar a, kan tih chu ani miah lova, kan lawm khawp mai tih kha kan sawi duh a ni.

Tin, tukin Session hma khan Brig. T.C. Malhotra, Assam Rifle Commander, DIG kan rawn hmu chho leh a. Tun January ni 20 atanga Army lak runpui awmtur ah hian, a tam thei ang ber thalaite an rawn lan theihna tur leh, kawng hmang hre lo taka an rawn lan lohna turin pre-recruitment rally min neih pui ulangin, written test a chhuak thin guide zawng zawngte nen bei teh kan ti a. Assam Rifle Centre zawng zawng Platoon chin awmna ah chuan Pre-Recruitment Rally min tih teh kan ti a. Kan hniallo an tih kha kan rawn bawhzui a, tukin dar 9:00 vel khan. Kan lo chho leh a, kan han sawiho a, Training phawtna turin Champhai, Serchhip, Lunglei, Khawbung, Farkawn Ratu & Ngopa (SPEAKER: Rei lo te khawngaihin, kan inthlak lawk ang e) Assam Rifles awmnaah min tihsak nghal dawn a. Amaherawhchu, Assam Rifles awmna hi kan lo hriat kim loh vang a ni a, Saiha te, Lawngtlai te leh hmun dang dangah an lo awm thluah mai a Selingah te. Khangah pawh khan pre-recruitment rally nei tur leh a question chhuak thin te guide pe turin tih belh zel kan tum a. Kha kha mahni bial theuhah te pawh kan put darh a ngai a. Amaherawhchu, pre-post rally lo nei lawk tur te kha

thingpui in man min tum a ngai ang an tia, MLA concern in kan tum loh pawhin Youth Commission lam atang tein tih dan kan lo zawng ang e kan ti a, nuai hnih bak a pel lovang an ti a. Khawbung bialah ringawt, kan constituency-ah ringawt nikum khan kan tih tir a, nuai nga lai an seng a BADP atangin. Anni chuan hetiang chuan nuai hnihin Zoram pum a daih theih kan ring e an ti a. Pre-recruitment rally atan Aizawlah mi 140 ziakin an rawn in report tawh a, Aizawlah pawh kan ti dawn an ti a. Khatiang kha hna zawng duhte tan khan kal zel dan tura kan ruahman a ni a.

Tin, CRPF leh Coastguard leh hna chi hrang hranga training tur pawh DP&AR hi man power industry lam Rule titu an ni thova, personnel ngaihtuahtu, hemi hnuaia sawiah pawh min ngai ta la, Demand No. 13 hnuaiah hian Pu Deputy Speaker. Khatah khan CRPF leh Central Para-Military Force kumtin wawi engemaw zah lak thin hi hetah Sainik Welfare-in an hre ngai si lova, keinin kan hre ngai baw si lova mimal, dawr velah te hian tu tu emaw Agent-ah an lo hmang a lo ni a. Hei hi a ni tawh lova Sainik Welfare-ah te, Youth Commission-ah te min rawn hriattir a, keinin lo puang darh turin kan Sainik Welfare Director, kan member ni baw kha Guwahati-a an Regional Headquarters-ah lo ziak la, bawhzui ila kan Chief Minister zahawm tak kan House Leader pawh hi Home Minister-ah te ziak turin ngen ila tih te kan rawn sawi a. Rijju-an, Home Minister of State zahawm takin Northeast tana a bika hmanni lawka Para Military Force lak tur a tih pawh kha a tih dan leh a hun kha kan hre mang lo reng reng a. Khang atang khan kan harh deuh a, khalai kha he House zahawm taka member-te pawhin kan bialah hrih darh ila tiin kan thalaite hmakhua ngaiin a hmasain ka'n sawi duh a.

Tin, DP&AR ah hian ka luh tak tak hmian ka'n sawi leh duh chu thil pakhat, nichinah kan member zahawm takin Power of Attorney chungchang a rawn sawi kha han sawifiah ngaiin ka hria a. Kan Minister zahawm tak Social Welfare changtu pawh hi kan sawipui tawh a ni. Power of Attorney a pek tawh si chuan hemi pawh hi thlak a tha lo maw kan ti a, ani chuan tender kha nikuma mi daih a ni si a, tender document va tih leh dan hi a awm tawh mang baw si lova, chuvang mai mai a ni a, Industry-ah hming thlakna kha a ni daih si a. Chuvangin, helai hi inkawlkah deuh a awm a, Power of Attorney theh luhna, Industry Department, registration tituteah kha chuan an tifel daih tawh a ti a. Tender thar koh a awm leh si loh kha chuan a tender hlui hman vang mai mai in hming kha thlak a la nilo tih kha he House zahawm takah hian han sawifiah, hi ka ba a, Minister concern te kan lo sawipui tawhna a nih avangin han sawifiah te pawh kha a thain ka'n ring deuh a, ka'n sawi ve duh a.

Tin, DP&AR in Assistant an lak thar zingah thu rawn sawi teh an ti a. An qualification leh an khua ka'n zawt mai chu, mak ka tih khawpin an bright a ni. Hei hi HSLC leh HSSLC ah te top 10-ah a tel, B.E., M.Com, M.A. tihte an lo tam em em mai a ni. Ekhai, kan lo pension har lutuk a nih hi tih ka ngaihtuah a. Direct recruitment hi, a thar apiang hi an bright em em mai a ni. Nakin lawkah he ram hmabak hi a va eng em tih hi ka ngaituah a. Chuvangin direct recruitment kan uar hi he ram hmasawna tur a ni. Keini mahni mobile thar pawh hmet thiam hleithei mang lote nen chuan kan inthlau lutuk a. MCS direct recruitment-ah thu min sawi tir tawh

bawk a, sorkar hna awmzia te, i experience te rawn sawi ve la an tia, MCS lak thar han bright zia te. Chuvangin, kan lo awm ve reng te kha kan lo hnawk awm mang e aw tih te, an qualification leh an zirna hmun te ka'n en khan ropui ka ti a. A then chu MPS-ah a tling a, top ten-ah a awm a, MPS-ah parukna emaw a ni a, a zawm duh lova Assistant a rawn zawmte an tia. Khatiang ang mi bright tak tak ho kha an lo awmkhawm tawh tih ka sawi duh a. Chu nen inzawma ka sawi duh chu a exam ho hi, mi bright ho hi a ngai reng an ni. MCS combined an exam a, Excise Inspector te, Taxation inspector, Account Officer tur exam a awm leh a, khamite tho khan an dil a. Hetianga a a diltu hi a ngai reng an nia. Sorkara ka awmchhunga MPSC-a ka kal apianga Chairman te hnena ka sawi chu combined-in exam tir rawh u, Assam-ah pawh ACS te, APS te Secretariat UDA te combined examination in an la a, a ngai reng an exam mai mai a ni, Labour & Employment-ah te, Sports-ah te lut se la, School Education-ah te officer chin combined exama lak nise, option pe mai sela. Vawi tam tak exam in conduct hi a ngai lo dawn a ni. A mihring ngai reng an ni exam kuala hi, ka ti thin a. Khami hnuah combined examination a lo chhuak a, a la huap tlem deuh ka ti a. Chuvangin, a department hran hrana non-technical post ho hi chu tih khawm hi DP&AR hian rawn zir chiang se langin thain ka hria a. Kum 20 kal taa lak English zia k hleithe i mang lo te, officer department dang danga mite pawh direct a lak an tha zawk ang.

Tin, Department hranga bifurcation an tihnaah te, trifurcation an tihnaah te, ka awmlai hi a ni duh khawp mai a. Hemiin a effect hi paw i ka ti a. Tu emaw Director zawk tura kan duh avangin heng hi a awm fo. Health-a kan awmlaia Department bifurcate chhan te kha, Nagaland-ah pawh ka zuk phone a khatihlai khan an lo ni ve tho a. Tu emaw Director zawk se tih inan loh vang mai mai a Department-te kan han then a. Budget pawh an then hleithe i lova. Khatiang kha a effect chu Secretariat-ah Department hnih zel an lo awm phah a, Minister leh Secretary phei chu hrang ngai lo tura kan lo ngaih kha inthlan leh chuan Minister hran, Secretary hran an rawn nei leh a, Department-ah sorkara hnathawk an punga sorkar hi a hek em em mai a ni. Department then thu ah Finance leh DP&AR hi lo fimkhur se. Kan ram sum leh pai harsa tak hnuuia Secretariat thleng maia Department hran, Directorate building hran te a lo ngai zel a. Khang ang chia kha kan fimkhur chhoh zel thain ka hria a.

Tin, Medical & Public Health Services, Demand No. 24 kha ka'n sawi duh chu doctor-te an bright-in an fel em em mai a. An buai zia Hospital-a ka va kal hian engtin nge hetiang an hna an tlin theih tih khawpin an chim buai a. Health consciousness a nasa tawh a. Chuta pawimawh ka tih chu equipment man to si lo, kan neih loh avanga private a kan ti zel mai, tunlaiin, entirnan, scrub typhus hi vei an awm nasa tawh mai. Khawsik hlek chu thih mai a hlauhawm avangin an test kan duh zel a, ₹ 600/- kan chawi a. Nikumah ₹ 200/- a ni a. Keini tan chuan a paw i miah lo, mahse mirethe i te te te tan a harsa thin a ni. Health Department-in thil han lei belh a tih mai thei te kha tih ran ni sela. Tuna ka bula thu ho pawh hian scrub typhus hi ka vei tawh a sin an ti fur mai a ni, Minister-te, MLA-te hian. Veiloh pawhin an khua a sik chuan test kan duh a. Kan Home Minister thlengin tunhnaiah an vei a ni a. Chuvangin, heng thil man tlem si, Physiotherapy

Deptt. te pawh saw equipment man tlawmte, private-in an lei theih, kan lei loh avangin private-ah kan kal kan kal mai a ni. Man tam silo, helam hi lei a tha mange aw ka ti a.

Chumi ruala sawi leh ka duh chu, mahni bialah tlem luh tel ka duh a. Ka biala doctor pahnih, Khawbung, engtiklaimaha Doctor chatlak awm ngailo, aiawh awm reng renglo in an han sawn mai a. Bungzung doctor-in a'n zui leh a. Doctor hi kan nei mumal tawh lo reng reng a. Chutihlai chuan, Vety-ah lah ramrihrulah chauh awm theihna, DP & AR leh Finance-in min pek kan vety doctor pahnih kha an la chhuak baw si a. Doctor zawng zawng kha ka chan hi a ni tawh mai. Chuvangin, hengte pawh hi min rawn hriatpui se la Buang te, Zawngte tui, Leisenzo tih ah te Health Worker kan nei lova. PHC rei tak, Pu Vaivenga hawn tawh Sesih ah te hian doctor hi a la awm reng reng lo mai a. Session hmasa pawh khan ka sawi tawh a, nurse-te an awm teuh a, Bungzung leh Farkawnah te BADP atangin X-ray khawl kan han lei a, operator min pe thei chuang baw si lova, kan hung mai mai a. Thahnemngaihnaa kan lo lei hmang turin operator MR hlawh tlemte hian min rawn appoint sak se, trained chhuak an tam tawh baw si a. Health worker-te pawh hi min pe se. Session hmasa ah pawh khan ka sawi tawh a. Kha kha thingtlang bialtu zawng zawng tan ka'n sawi ni se.

Tin, Power Department-te hi an fel em em mai a. Transformer te hi an thlak zung zung tawh mai a. Pu Ruatkima te inbul a mi pawh kha an va thlak vat ka ring a, an efficient a, an che thei em em tawh mai a. Amaherawhchu, ka bial Khankawnah khian biakin hrul, biakin hne reng khian electric hrui lian a kal a, Biak-in a satu kha a mana, a hnu deuh fe ah a thi a, pakhat lah a na hle a. Hming han sawi ta tawp ila, Pu Patea, Minister kha sawn turin kan ziah tir a. Wire a sawnna tur daih a awm si a, a ban a daih a awm baw si a, material engkim a daih awm kha ₹ 5 lakhs thawh a ngai an ti tlat mai a. Kohhranin thawh tur kan nei lo an ti baw si a. Minister concern in lo ti ngei ngei rawh u a tih pawh Department-in a zawm chuang baw silova. I ziah tir leh teh ang kan ti a, a ziah leh a, an ti chuang lova. Minister ngam loh hi kan tam em em mai emaw chu aw ka ti a, Mizoramah hian. A ziah hmasak te kha a ziah dan han chhiar khan tih loh theih loh ah ka ngai a. Ka hmuhdan chuan ₹ 10000/- in a daih ka ring a. Anmahniin ban chuang an nei a, wire a awm baw si a, han pawhkuala a ban han tih kual hlek a transformer sawn hlek kha a ni mai a. Chuvangin, heng ang chi ah te hian kan hotuten a bikin min rawn hria se Pu Deputy Speaker, chaw min hlui baw a, sawi duh an awm tawh baw silova tlem hun min han pek belh hram teh. Ka ngen che a ni. Thuhmahruai te kha ka'n nei ve baw si a.

A dawt lehah chuan, Minor Irrigation hi ka sawi duh a. Hei, Minor Irrigation a ka awm lai khan Department agriculture allied zawng zawng tang ho in convergent tih tur an ti a. Kan Commissioner a hman loh avangin ka ho khan kan kal thin a. Department hrang hrang khan Minor Irrigation thawhsa an rawn inchuh ringawt mai a ni. An tui lak kha, Sericulture, Agriculture, Horticulture, etc., zawng zawngin an thawhsa hi kan inchuh a. Midangte tan an nung a nih ber hi ka ti a.

Nikuma Mizoram atanga kan share tur kan han pe theilo te. Kuminah hei dan thar a lo chhuak thar ta a, UPA nilovin a NDA-in a tih thar vanga buai kha an ni a. Nikumah khan, anni hi duat ngai ka ti a. Tin, PWD hi an thawk tha ka ti a, an taima ka ti a. An officer te hi biak an nuam em em a, a kil deuh a mi ka'n phone pawhin an hna hi an hre em em mai a ni. PWD hi hma an va sawn em em ka ti a ka fak khawp mai a. Hmun tinah, YMA Conference kawng tur thleng hian, East Lungdar a kan mualphona te kha a awm ngai tawh lo reng reng. Nikumah Khawbungah an ti a, zia phah tak a ni. Champhai atanga tan thin, maintenance tawi te kan neih thin kha khilai bialah chuan, Khawbung lam atanga tan hi a awm ngai lova Champhai atang hian an tan thin a, an khua hi a pel hleitheh ngai si lo. A piah hian kan dawng ngai lova, kuminah te pawh pawisa kan dawng ve nual a ni. A amount tam loh ang ai khan an thawk tha ka ti a, ka fak khawp mai a.

Amaherawhchu, khawthlang lamah te, hmar lamah te, Silchar kawngdungah te, lehkhabu Compilation of Work Sanction tih hi ka'n chhiara west leh north lam hlir chu a ni mai a, Estimate Committee kan kal pawh khan. Crore 100 chuang a awm a, mahse khaw chhak lamah a awm velo reng reng mai a. A dik tak chuan khilamah khian NLCPR, NEC, NABARD, National Highway, World Bank, ADB funded tih angreng a hming chauh kan hria a, pakhatmah hi Champhai District-ah a awm ve reng reng lova. NABARD tal hi khilamah khian min pe ve teh u. Engmah hi a thar a awm ve lohna, a rei rapthlak tawh lutuk ka ti a. Kan um ve fat fat a, Chawngte kawngah an lo dah leh daih bawk si a. Heng a sam deuh, NABARD tal te hi chuan East Tuipui bial te khi chu thleng ve se. NEC han ti ila inter-state boundary lo chu a theih loh an ti bawk si a. A pangngai tih theih kha helamah an ti zo vek bawk si a. Kum tam tak chhung hi a... (Deputy Speaker : I pel thui viau tawh a, midang la ding lo te pawh an awm a nia). Tawi te , ka zo tep, example. Chutia nih chuan Pu Chairman, example ah chiaah, Chalfilh Tourist Centre tih hi hetah hian ka hmu a, lung a ti leng khawp mai a.

Khatihlai khan kan Chief Minister nen, Forest Minister leh Chief Secretary nen khilai kawng a chhuak si a, in sak dan kan zawng a. Tourism atangin sum a harlo, Central-ah kan lo ti ang e kan tih, Tourism-in an sak a ni a. Tourism aiawh khan kei chiaah ka kal a, khatianga kan tih kha a ni a. Amaherawhchu, kan project tam tak hlawhchhamna hi khimi kan en khian khawi atangin nge tui an lak ang tih han hisap khan a awmlo reng reng a ni. Electric pawhna a hla lutuk bawk si a. Chutiang chiaah chuan, Vety a khatihhunlaia Kawlkulh bul te, Sairang bulte a vawk vulh tur, piggery village tih reng reng kha sikul a awm lova, kawng a awm lova, tui awm lova, electric a awm lova, biakin a awm bawk silova. Khang ang a project kan din thin hi a zialo ka ti lutuk, a hlawhchham ang tih a ni ringawt mai a ni.

School awm lo, Biak-in awmlo, kawng awmlo leh tui lakna awmlo bawk khan tih ngaihna a awmlo reng reng. Sentence khat chiaah a tawp nana kan tih duh chu. Kan Engineer ho P&E te, PHE, PWD hna thiam rual awmkhawm, an hna a that tawklloh fo nachhan hi tender an chhan hniam lutuk vang hi a ni a. Chhang hniam pek a ngai si a. Chuvangin, hei hi 5% below ang vel hi standard a tih tur ang vel a notification chhuahin ten a tih theih a. An revise na ringawt pawh

hi East Tuipui-ah te khi chuan min pe se la chuan kum 5 chhung chu kan ngawi reng ang tih ang hian revise amount a awm tlat mai a ni. [interruption] (Deputy Speaker : Hemi hi chu helamah kan chhinchhiah tlat a nia)]. Opposition lam hun i pe rei lutuk thin kha kan thik a kan sawi kan sawi a ni Pu Deputy Speaker. Kan Speaker pheii chuan a veilam a mi a duat lutuk a. A tawp nan kan Chief Minister zahawm takin a demand hrang hrang engemaw zah a rawn putluh hi pass turin ka rawn support a ni a. Mi hau ngun baw k a, ka ti fuh thei ta mang lo, Pu Deputy Speaker. Ka lawm e.

DEPUTY SPEAKER : Awle, midang kan sawm leh hmam House hriattur, English Proceedings, nichina kan sawi kha, a Mizo tawng version ami, a summary lak thin a ni a. Kha kha tunhma atanga lo tih thin dan a ni a, khami lo a kan kal dawn anih chuan ngaihtuahna dang hman a ngai dawn a. Mizo kha English a lehchhuah lampang a ni lova, a summary lak a ni.

Tin, TV a telecast hi nichina Hon'ble Speaker in a sawi ang khan, I & PR hian Zonet leh LPS te a tih tir thin a. Tin, kan hriat leh tur chu speech correction kha a rang lama thehluh thin a tha. Proceeding a chhuah leh hma kan duh chuan kan speech correction kha a rang lama thehluh zel tur a ni.

Speaker puan tur niawm tak a ni a, a theihngihl takin, dinner chungchang kha, MLA-te driver leh PSO-te tan khan Assembly canteen-ah chaw ei tur a ni, MLA-te kha chu Banquet Hall-ah a ni ang a.

Tunge sawi leh tur kan awm em ni? Awm tawh lem lo ami? Anih chuan kan sawihona kan duhtaw k tawh ang a. Demand neitu kan Chief Minister zahawm tak wind up turin kan sawm ang a, pass rawn dil nghal se a tha ang e. I lo sawm ang.

Pu LAL THANHAWLA, CHIEF MINISTER : Pu Speaker, Pu Deputy Speaker (DEPUTY SPEAKER : Ngawi rawh aw, ka pu, chair kan inthlak law law ange. **SPEAKER** : Kan inthlak fel e.) I lo lut dawn tih ka hria a Pu Speaker ka lo ti lawk a.

Pu Speaker, vawiinah ka demand-te kan han sawiho a, responsible takin member zahawm takten an rawn sawi chhuak a. An rawn sawichhuah dan tone-te lawmawm ka ti a, an vaia hnenah lawmthu ka sawi a.

Pu Speaker, Pathian khawngaihna in, mipuite zarah, he House-ah hian tum kua ka thu tawh a, tun hi tum kua ka thutna a ni a. Tum thum Lokicherra leh Hnahthial bialah leh Hrangturzo ah ka tling tawh baw k a. Tin, he tum kua ka thut hian tuna kan Opposition Leader zahawm tak Pu Zawma thutna ah sawn tum li ka thu a, helai hi tum nga ka thutna a ni. Hetih chhung hian kan din ve reng reng hian tihbuai hi ka taw k lova, Pathian chungah leh member-te, kal tawhte hnenah pawh lawmthu sawi lo thei niin ka inhre lova.

Tin, Pu Speaker, tun tumah hian, sawi zahthlak khawp a ni a, hritlang benvawn ka vei a, a rei tawh khawp mai a. Ka fimkhur hle chung pawhin a reh hleithei lova. Tichuan, Delhi-ah ka inentir a, Sleep Test-te min tih tir a, specialist-hovin ‘A tha lo nasa lutuk,’ an ti a. Doctor 4/5 khan ‘Heart attack ang chi te pawh hei chuan a thlen thei a, thil hlauhawm tak a ni, inenkawl tur,’ an ti a. Chuan khawl te min leitir a, ₹ 50,000/60,000 lai ka seng a. Mahse, session lai a ni a, hman than loh chuan mut a tui hleithei lova, a mut hleihtheih lova, chuvangin ka la hmang lova. Tichuan, House-ah hian a thu taima ber pawl ka ni thin a, khawi lamah pawh thu ilangin. Tun tumah hian ka thut thatchhiat vang chiah pawh ni lovin, ka chak lohna avangin ka thu rei hleithei lova, pawl ka ti khawp mai a, keimah pawhin inthlahrunawm ka ti a. Tin, chu mai ni lovin, haw dil deuh reng che a ngai a, hei hi keima lam that loh vang a ni a. Hei vawiinah pawh member zahawm takten min duhsak a, kan thut rei lutuk loh nan tiin in insum ni te pawhin ka hria a, a lawmawm ka ti a, ropui ka ti a. Amaherawhchu, in duhzawng te in sawi hman lovang tihte pawh ka hlau hial a. Engpawhnisela, in zavaia min duhsakna ah lawmthu ka sawi a ni.

Kan hotute hian he ram, he hnam hi khawiah nge hruai an tum a, khawiah nge hlankai an tum tih hi an chiang em em a, anmahni phak tawkah chuan. An hmathlir hi a dik a, chumi ah chuan he hnam leh he ram hi min hlankai an tum a ni. Pathian nung laka kan special zia hi an hria a, min ngaih special zia leh min dah special zia hi. Chumi hre reng chuan A ropuina turin he ram hi develop an duh a. Tin, he hnam nun pawh hi moral reformation a tul a ni tih hriain, chutiang zawng pawh chuan theihpatawp kan chhuah a ni. Amaherawhchu, khawvel a la nih avangin kohhrante leh mi thahnemngai zualte duh dan diak diakin a kal hleihtheih lova. Chuvangin sawichhiatna te, elrelnate engemaw zat kan dawng a ni. Khawvel zawng zawnga kal a, thil siam zawng zawng hnena Chanchintha hril tura kohte kan ni a.

Tin, ka sawi tawh thin a, keini hnam chauh hi khawvela sakhaw lian ber ber pathum, chhaklama Buddhist, thlanglama Mosolman, hmarlama Hindu hual beh tlat awm chhun kan ni. Khawvelah hnam pakhatmah Pathianina a siam ve lo. Chuti chungin milu la hnam, thingbul/lungbul be mi kan la nih laiin khawngaihna Chanchintha hril turin min rawn ko a ni. Chumi avang chuan ringtu pawh kan ni rang hle a. Tin, chu mai nilovin min kohna, thil siam zawng zawng hnena chanchintha hril hi Mizo ringtuteah hian engmaw tiat tal hi chu a thun vek a ni, thahnemngaihna tih hi a chiang a.

India ramah pawh nuai 11 lek pawh tling thathum lo, Chanchintha hrilna kawnga thawh tha bera mi han siam te, thawhlawm chungchangah pawh hetiang zawnga mi han siamte hi, heng atangte pawh hian a laka kan special zia a lang a. Tin, kan awmna hi kilkhawrin thlaler tlukah awm mah ila khawvel finna leh hmasawna tehna kawng tam takah kan changkan zia atang pawh hian lawmthu sawi hnam kan nihte pawh hi a tul ka ti a. Chuvangin Pathianina min kohna hrerengin kan hotute pawh hian development kawngah te hian hma an la a ni tih kan hriat a tul a.

Vawiinah hian ei leh bar sum leh paiah kan intodelh lova. Kum khatah thla 12 a awm a, thla 3 ei pawh hi kan thar lo a ni, an ti a. A bak thla 9 ei tur chu ringlo mi, milem bia kan tih te ngenchhan a ngai tlat te hi thil ropui tak a nilo tih kan hriat a pawimawh a. Chuvangin min kotu kan tihzahawm nan pawh intodelh hnam kan nih hi a ngai a ni. Chumi atan chuan a pawimawh hmasa ber chu kuthnathawktute an ni a. Ka tawng an huatthu suh ah anni hi an tel lovin khawvel a kal thei lova, keini pawh kan kal thei lova. Ei leh bara kan intodelh dawn chuan kuthnathawktuten leirem an rah a, khaweng an hmuh a ngai. Chutiang chu a nih avangin kan hotute pawhin chulam pang zawng chuan ngaihtuahna an siam a ni.

Ropui takin New Land Use Programme hi Pathianin min pe a ni. He programme hi a ropui zia chu he programme-in a zawn te, siam a tumte hi mihausa te, sorkar hnathawk te, miliante an nilo. Lal Isuan “Heng ka unau mi te ber pakhat chungga in tih hi ka chungga ti in ni e”, a tih ang khan, chutiang mite chu he programme hian a zawn ber a ni. Chuvangin Pathian pawhin malsawm a duh a ni, tih hi ka chiang a. Chuvangin ringlo mite thinlungah pawh a thawk nasa a. Ka sawi fo tawh angin kan dil aia tam hemi atan pawh hian min pe a ni, kan tih hi awih lotu awm mahse thudik a ni mai a.

Chhungkua nuai khat leh singthum (130000) emaw vel lai leirem kan rah tir a, khaweng kan rah tir chuan he ramah hian ei leh barah kan intodelh ang tih hi kan hotute beiseina a ni a. Tichuan, ringlo miten an ngaihtuah a, mi an chai sak chhung kha kum 2 lai a ni. Chuvangin kan duh ang hunah kan tan mai thei lova. Tichuan, sum min han pek thla takah kha chuan kum 2010 leh 2011 vel lai Financial Year kha a lo ni a. Tichuan, keini chuan cheng vaibelchhe 1500 vel chuan chhungkaw nuai khat leh singthum (130000) vel chu kan tuam thei ang a, leirem kan rah tir thei ang a kan tih lain central sorkar ringlo miho thukhawm chuan hetiang hian sum min pe a. Cheng vaibelchhe 2873 leh nuai 13. Hei hi a break-up ang chuan central assistance te, convergent CSS te, beneficiary contribution-te pawh a tel a ni.

Hei hi Plan an tih atang hian a ni lova. Economy of Cabinet Committee on Economic phase-in Planning Commission kaltlangin min pek a ni. Tin, he sum hi kuthnathawk mi te, lonei mi te, huan nei mi te, hmeithai te, pachhiate leh chhumchhiate chauhin a hlawkpui lova. Sorkar pumpui hian kan hlawkpui nasa a. Entirnan – He sum atanga RKVY fund a zuk dona tur dah tur kan han neih atang hi chuan kan sum hmuh hi 2009-2010-ah RKVY-ah vaibelchhe 4 leh nuai 15 kan hmu a, 2010-2011-ah vaibelchhe 7 leh nuai 49, 2011-2012-ah vaibelchhe 34 leh nuai 61. Tichuan, 2012-2013-ah chuan a dona tur sum kan neih tak avangin cheng vaibelchhe 291 a ni a, a leh pekah 132. Khatiang khan nasa takin he sum avang pawh hian department kalphung dangah malsawmna kan dawng a ni, tih tuna ka'n sawi atang khan a lang a.

Khatih lai khan NLUP kan han hman theih atang chuan RKVY atang hian Assam tih loh chu India hmarchhakah hian keini aia dawng tam an awm lo a ni. Hei hi NLUP - sorkar pumpui leh Mizoram pumpui ang pawha kan hlawkpui a ni a. Hengte hi phat rual loh a ni. Chuvangin

kuthnathawktute chauh nilovin a sorkar pum pawhin tiang khawp khan kan hlawkpui a ni tih kha a lang nasa a ni. Tin, he programme hi chu Pathianin Zofate malsawmnain min hman a duh a, a bik takin kut hnathawk mite, Lal Isuan 'Heng ka unau mite ber' a tih te atang khan vawiinah hian kan beisei piah lam atangin appreciation kan hmu a, Delhi ah kan hotuten presentation an zuk siam in leh thu an zuk hrilhna atangin mi tam takin an rawn ngaihven a. A rawn ngaihven hmasaber tute chu United Nation Organization Trust Food & Agriculture Organisation te an ni a, chumite chuan researcher te an rawn tir a, University of Minnesota, USA atangin senior researcher engemaw zat an lo kal a, chung ho chuan Mizoram an rawn cham chilh a, tichuan he programme hi tha an ti a.

Tin, chumi kal chho zelah chuan helaiah engemawti taka involvement an rawn neih theihna turin Mizoram University tenen thawh hona MoU te pawh an sign nghe nghe a. Chutiang chuan kan University te nena thawh hona atangin hemi NLUP te pawh hian tiang zawng khan mithiamte ngaihtuah puina a dawng a ni. University of Minnesota leh heng kan University hian 2016 thlengin an inremna an resembling hi kal tur ani a, mahse nimin piah lawkah khan kum thum chhung atan an rawn extend leh a ni.

Tin, hemite understanding atang hian FAO leh Mizoram University te atang hian FAO rawtnain tlang pang lo neih dan leh lo neih dan tha zawk zir ho turin Mizoram sorkar puihnain FAO leh Mizoram University hian thawh hona thuthlung tun ni 11.9.2015 khan an ziak leh a, a senso zawng zawng hi FAO in a tum tur a ni. Tin, khami piah lamah khan United Nation Organisation atangin agencies 4 lai FAO te, UNIDO te, khatiang ho kha an rawn tel ve a, an tangkai pui hle a, sum te an rawn thawh a. Tunah hian Aizawl khawpuiah hian pisa an hawng ve tawh nghe nghe a. Tunhmaa UNO kan lo hriat ve dan nen chuan a inang lo ta hle a, keimahni ram chhungah ngei, kan khawpuiah ngei pisa te pawh rawn hwngin tiangchuan NLUP hian a ko lut a, NLUP ah hian an rawn tel ve a ni ti hi ka'n sawi hmasa a. A chhan chu NLUP hi kan flagship programme a nih avangin mitin ngaihven a hlawh a, chutiang chuan hamthatna tam tak kan neih pui a ni.

Tin, kha lo pawh sawi tur tam tak a awm a, mahselangin Pu Speaker, i ruai tui tak theh tur kha i puang tawh a, kan hotute hian hun la rei min ti ang tih ka hlau a, chuvangin ruai tui tak kan ei theih thuai nan rei sawi ka tum lo ang a. Kha kha a pawimawh hmasa bera ka hriat a ni a. Chuvangin NLUP hi khati khawp khan Pathianin mal a sawm a ni. A bik takin Mizorama Lal Isuan 'Ka unau mi te ber' a tih ten, lei rem an rah a, khaw eng an hmuh a, mahni khum zawlah thlamuang taka an awm a, milian leh mi hausa te tlawn reng renga khawsa lova, an awm theihna tur atan ka rawn buatsaih a ni tih hi ka chiang a. Chuvangin hetiang hian kan hotuten an kalpui a ni. Amaherawhchu, khawvel a nih avangin a dawngtute lam hian an tlin em tih kha chu thil dang a ni a. Amaherawhchu, Pathianin mal min sawm a duh a, 'tihnuam tak leh thuawih taka in awm chuan in rama thil tha te hi in ei ang' min ti a ni. Chuvangin kan rama thil tha te hi kan ei theihna tur chuan tihnuam tak leh thuawih taka kan awm a duh a, a nghakhlel hle ang tih

pawh ka ring. A hming tihthat hi min phut ka ring a. Chuvangin a dawngtute hian rinawmna, dikna, taimakna leh Pathian tihna nung nen kan dawn a ngai a, chutianga dawngtute chu tunapangin mal a sawm tawh tih hi a takin hmuh tur tam tak a awm a ni. Chu chu Pu Speaker, kan ram leh kan hotu tam tak ten an buaipui a nih avangin kan sawi hmasa a.

Tin, kawng chhia hi kan ngaimawh a, kan ngai pawimawh bawk a, a thenin kan mite dem nan hman kan tum a, a mawh lova. Amaherawhchu, kan hriat tur chu hmannah hei kan sawi tawh a, tawite ka'n sawi duh chu - Hun hmasa 2008 a kan sorkar hmaa kawng an lo siam te leh 2008 atanga kan sorkar ina a'n siam te hi a let a ni tawh a. Tin, hun lo kal chho zelah Mizoram pawh a lo thang a Motor tam tak, a ke tam chi, tlangram rel tih mai tur ang chi te an kal duah duah reng a. Tin, kan ram leilung a nem tih kan hria a kan lung te a tha lo tih kan hri a, chung te chu a zawh loh avangin tam taka hi chu a chhiatna chhan ani a.

Tin, fur a na a, fur a rei a, chungte chu a tuar lo a ni. Vawiinah hian a hre duh tan chuan Naga lama thu lo kal te, hei kan Governor ngei pawh hi Arunachal atanga lo kal a ni a, an zin kual a, Champhaiah te, hmun dang dangah Mizoram kawng that bik zia a rawn sawi a, 'chuti em ni? Arunachal te chu China-ina an rawn claim fo atanga anmahni tihlungawi nan pawh vur chitin rengin an vur a, keini ai chuan nasa taka tha zawk turah ka ngai a,' ka ti a, mahse, a nih loh zia a sawi a. Tin, Naga ram atang te pawhin an lo zin a, keimahni Mizo ngeite pawhin kan kawng a that bik zia, an sawi a. Tin, khawpui pawn chu sawi loh Kohima chhung ngei te pawh a that loh zia an sawi a, chan tawka lungawi kan tum loh hi chuan kan that bik vang pawh ni lo in he khawvelah hian lawmna hi a famkim thei lova, chan tawka lungawi thiam apiang te hi mi vannei an ni mai.

Tunlai khawvel ah Telecom service hi a pawimawh khawp mai a, member zahawm tak ten an sawi tawh a, 'service provider te an tha lo a ni, chutiang khatiang' an ti a, a dik a. Mizote hi kan changkang viau ve kan tih lai hian eng engemaw harsatna kan society ah hian kan siam thin a. Tower te hi a hlauhawm an ti a, tower atanga radiation a hlauhawm tih hi khawvelah an la finfiah miah lo a ni. Hman deuh ah khan kan hotute sawmna in Taiwan Ambassador leh a hote engemaw zat an lo kal a, kan inah te an lo leng a, kan kawmthlanga tower lian pui saw an hmu a, 'hei hi a hlauhawm pakhat,' khan an ti a, 'hlauhawm tih khawvel in a la fiah si lo va,' ka ti a, 'ani khawp mai' an ti ve leh mai a. Zokhaw hmun tam takah hian service provider te hian tower an dah dawn hian an lo duh lo thin a service provider ten harsatna an tawk thin a ni. Hmanni a Delhi-a ka zuk kal chuan 'North East ah chuan in tha ber a ni lawm ni' an lo ti ve daih mai a ni. BSNL hi chu hman hleih theih loh khawpin a chhia a, a chi dang hman te a ngai a chutiang chu a ni a. Chutiang chuan india ram pumpui deuh thawah hian a tha lo a ni awm e, hmanni khan Telecom te hian service provider ti tha lo, call block (Inbiaknaa tawp leh thin) apiangin in chawi tur a ni, tiin decision an siam ni awm tak a ni. Keini hi chu Delhi lampang hian min awt viau zawk ani.

Tin, optical fibre te leh broadband te kan tihna a rei tawh a, a ti tute pawh kan kova an lo kal tawh thin a. Amaherawh chu eng eng emaw harsatna avangin kan ti hleithe lova. Underground ah an han ti a, mahse, a hrui ruk ching an tam khawp a, an veng hneh lova. Hmanni a kan discussion hnung berah chuan, hemi kan power transmission line hi hman min phal ve u la an ti a, kan hotute khan an phalsak ta niin ka hria a. Chung hunah chuan improve ve deuh hlek tura beisei a ni. Tunlaiah, hei hi ka han sawichhuahna chhan chu, a pawimawh em avangin theih patawp chhuah tlan a ngai a. Tin, kan information communication department te pawhin theih tawpin tan an la a. Tunlaiah kan Prime Minister in a uar avangin keini pawh hi a hnufum lampang nilova, a hmahruaitu kan nih theihna turin kawng hrang hrangin tan kan la mek a. Amaherawhchu, beisei angin a hmangtu turte hian kan hmang tangkai lo zawk a. Heng kan internet leh eng eng emaw, kan department hrang hrang in kan han chawm tur ang chi te pawh hi kan chawm tha lova. Chuvangin khawvel hmun hrang hrang atanga kan ram chanchinrawn hre duhte pawh hi kan tibeidawng thin a ni. Department zawng zawng hian tan lak a ngai tih kan hriat thar a pawimawh a ni tih ka hria a.

Minor Irrigation lampang hi kan sawi tam lova, amaherawhchu, vawiina NLUP kal chho zelah hian a pawimawh khawp a. Kan hotute han sawi thenkhatte kha chu sawi sualte a awm a. Chuti chungin nasa takin tan lak a ni a. Tunah hian Champhaiah te khian tan lak loh theih lohna lai a awm a. Tun kum 2015-2016-ah pawh hian project thar 7 lai khilai bialah khian an nei a. Tunhma lamah khan an hna a tha lo tih hi keipawhin ka hria a, ka lo inrawlh ve chang a awm a. Hemi hna that lohna hi department hotute mawh a nih rualin mipui leh a thawktute kan ni tlangpui a ni tih kan hriat a tul a. Rinawmna, dikna, taimakna hi kan neih that a pawimawh a ni tih kan hriat a ngai a.

Keimahni, Department-in a chhawrte hi kan rinawm thin loh avangin kan neih theih tur ang tam tak hi kan nei hleithe lo a ni tih hi hria ila, admit ila. Chuvangin Zoram pumpuiah hian Social Reformation hi kan mamawh hle a ni. Khawngtlang siam that Zo ze nunmawi, Zo nunmawi, kha kha kan restore leh vat a pawimawh a ni tih kha kan hriatna atana min kai hertu ni se a tha. Tin, tunah hian, tunlai NLUP ah kan hlawhtling a, kan kal chho zel chuan minor irrigation hi chu kan khawp kham lo hlawm dawn a. Chuvangin medium leh major te pawh hi kan hotute ngaihtuahnaah hian a lo lut mek a, chutiang zawng chuan hma lak a tul dawn niin hriat a ni a. Chu chu hmasawn tum zel naah kan ngaihtuahna a ni. Tin, central ministry lamah pawh heti lampanga chak zawka kan kal theihna turin scheme thar eng emaw te an nei a, chutiang te pawh chu a theih ang anga capitalize turin tan lak ve mek a ni.

Health care hi a pawimawh a, kha kan ngaithla a, nichinah khan kan ngaithlain kan sawi ho tawh a. Nau nei thi, Zonunmawii an ti em ni kha, kha kha a pawh hle mai. Pawi ka ti khawp mai a, thupha pawh ka chawi duh a. A hminga a sorkar neitu nihnain, khatiang thil thlang kha thil vanduai thlak tak a ni a, thihna a thlen pawh a rapthlak nen, lungawi taka ringtute hi thi tur kan ni a, nghakhleh takin, mahse, kan ni hranpa lem lova. Chutih naklaia thihna kan tawh hi a

hrehawm a ni. Opposition Leader-in a sawi ang khan, mitthi vuina ah te kan kal zeuh zeuh a. Doctor te leh thenawm khawveng te chung a an lawmzia te, theihpatawp an chhuahzia te, an thlamuanzia te an sawi thin te hi ngaihtlak nuam tak a ni a. Amaherawhchu, chutiang zawng ni lova, chhungkhat laina hnai te an vui a ni tih han hriat kha thil hriat hrehawm tak a ni. Kan Mizo zingah phei chuan. Chuvangin Pi Lalmuanpuii chung a thil thleng kha paw ka ti takzet a. Doctor-te leh a thawktute tan pawh a hrehawm ang tih ka ring. A chhan chu, ka tawng tu huatthu suh ah, Mizo ringtute zingah hian, mi lian leh mi te thliar hranna te hi a nasain ka hria a. Chuvangin heng te pawh hi Mizo kan nihna leh ringtu kan nihnain a khap tlat a ni. Tin, a nihna nen a inhme lo a ni tih te hi kan hriat belh zel a pawimawh a.

Tin, in thenawm them them, kawmchhak, kawmthlang in unauna thisen zawmpui in makpa, puzawn kan nih tlan vek avang hian kan la tlem a. Hetiang thil dik lo ti tute hi khin kan hreh a. Vai ram chu nise, khatiang khawpa an thin a nat chuan an khing ngei ngei in ka ring a. Chuvangin hetiang instance te pawh hi min siam thatu tur a nih dawn chuan awm ve tawh se a tha ang em tihte pawh hi ngaihtuah theih tak a ni. Chuvangin ram leh hnam siam that nan leh in siamthatna a nih chuan huaisen deuh te pawh hi awm selangin, a tihawm tak a ti a ni tih nachang kan hriat hi a dik zawk dawnin a lang a. Chuvangin Health Care chungchangah kan pachhiat tehreng nen, khatiang a awm lehngal phei kha chu, a lungchhiatthlak in paw ka ti a. Chhungkhat, thisen zawmpui, laina te hnenah pawh ngaihdam ka dil a, an thin na te lo dam se ka duh a ni.

Tin, ni e, Health Care chungchangah hian ka sawi tawh thin a, 2008-a kan sorkar hlim hlaut ah khan kan Health Minister nen Lunglei ah kan kal a, kan Planning Board Secretary te nen. Hospital an tlawh dawn a, min sawm ve a. Ka kal hreh khawp a amaherawhchu, min sawm ngawrh viau avangin ka va zui ve a. Damdawi in a kan han luh a, pindan pakhat chuan khawl chhe lian pui pui hi a awm teuh mai a, helaiah pawh ka sawi tawhin ka hria a. An C.M.O. hnenah khan, 'hei hi engatinge,' ka ti a. "A chhia in a lo thleng a, hman tlak lohvin", an ti a. 'Chutia hmantlak loh in lo accept te chuan a mawh i phur a lawm maw le,' ka ti a. "Amaherawhchu, a nihna chin a awm ang a, mahse, zanah te, zingah te hian kan Hospital compound chhungah a lo awm ringawt a, parcel lian pui pui hi tu rawn phurh nge tu rawn dah nge kan hre lova. Kan han hawng a, tihian kan han hawng chhuak a ni", an ti a. A vanduaithlak khawp mai a, a paw ka khawp mai a. Kut tling lova sum an lo la duh a nih pawhin mi te hriselna leh nunna khawih theih thil ah te phei kha chuan, Pathian paw an khawihna kha a double, triple viau ang tih te a hlauhawm khawp mai. Khatiang avanga tun thlenga la pachhia hi an ni a.

Amaherawhchu, State Hospital lian ber, Civil Hospital-ah te pawh hian Pu Speaker, MRI te chu sawi loh, CT Scan te pawh kan la neih loh avangin tun thleng hian chutiang khawp chuan kan pachhia a, chutiang khawp chuan Health Care hi ngaithah a ni a. Hengte avang hian referred patientah te hian sum tul mang lo ah ti mai ang he sorkar hian a seng nasa hle a ni. Chuvangin, hman deuh atang tawh kha chuan a khawl lampang leh kan neih tur ang chi, a pawimawh chin ang hi chu neih thuai thuai dan ngaihtuah ni se tiin nasa takin ngaihtuah a ni a.

Amaherawhchu, sum hmuh te hi a lo awlai lo va, duh angin a kal chak theih lo va. Mahse, chutiang chuan a khawl tha leh hmanraw tha, phai lama eng emaw hlek a in refer zel tul lo tur leh Mizoram chhungah ngei ngei pawh a to zawk Private Hospital-ah te in refer zel ngai lo tura tan lak hi a tul a ni tih he Department-ah hian kan hria a. Chuvangin, chutiang zawng chuan hma kan la a, tan lak mek a ni.

Department zawng zawng a sorkar hnathawk za a sawmnga hian an hnathawhna, an awmna hi Pathian nung rawngbawlna a ni tih hria in thahnemngai takin mite tana malsawmna nih tumin thawk se chuan tunah hian kan ram hi khitah kan awm tawh ka ring a. Mahselangin, za a sawmnga pawh hi chutianga ngaihtuahna nei chu kan awm ang em aw tih hi ka ngaihtuah a. Pathian in min hun na apiang hi ringtu kan nih chuan a rawngbawl tura min hun kan ni a. Chuvangin, Ama tan rinawm takin kan thawk ang a kan tih tur apiangah. Tin, mite tana malsawmna ni turin min duh, kan theih ang chin chin leh kan phak tawh chin chinah mite tana malsawmna ni tur kan ni tih hi kan in hre mawh hle a. Chuvangin, kut tlinglo a sum lak tumna te a tam a. Chungte chuan he sorkarah hian harsatna nasa takin min siam a. Project eng emaw hlek han khawih selangin kut tlinglo a sum lak tum hi an rawn in hnar tuam tuam a. Chuvangin kan Land Laws te pawh hi tunah hian drastic deuh a siamthat a tul a ni tih hria in hotuten hma an la a.

Amaherawhchu, faina chungchang lamah te erawh hi chuan kan in hrilh nasa a, fai turin. Damloh nak alaia damdawi in bal taka awm te hi damlohma ti zualtu a ni ang tih a hlauhawm a. Chuvangin, damdawi in te pawh ti fai turin, vawng thianghlim turin kan in chah a. Tin, Mizo kan nih phung a nuam tak, mahse damlo nihna chung chungah harsatna thlen thei damdawi in a in men pui luai luai thin te hi mi ramah chuan an ti ve lo va. Hei, an sawi fiamthu thin hi a dik a, inrinni, chawlhni zing lampang vela mahni a kal thei le le, damlo tlema han insaseng thei te pawh hi thawhtanah chuan an chau hnawh a, an khumbet vang vang zel ani an ti a. Chawlhni hi mi zawng zawng kan zalen ni a ni a, kan in kan luai luai a, chutiang hnam chu kan ni a. Heng kawngah te pawh hian zir tur kan nei em aw tih te health care kan ngaihtuah lai hian ngaihtuah a ngai a ni. Tichuan, faina lamah te pawh kan inzirtir nasa a. Hmanni lawk khan Kayakalp Award an tih hi Health Ministry in Swatch Bharat Abhiyan a kalpui mek hnuaiyah lawman a rawn ti thar a, Civil Hospital sawn a dawng a, nuai 50 a keng tel a. Tin, nakum atang chuan State hospital chauh ni lovin District hospital te leh PHC, CHC lampang te pawh telh an tum ni awmin an sawi a ni. Chutiang chuan eng emaw harsatna karah faina lamah chuan hmasawmna chu a awm ve a ni tih kha kan tarlang duh a.

Kan hotute thahnemngaihna a lawmawm a, thu tam tak in rawn sawi a. Mahselangin, ka sawi tawh ang khan a zawng a za hi chu ka react lovang a. A tul angin information an duh ang te ka enzui ang a, anmahni kutah te pawh pek ka tum ang.

Tin, tun Session a kan sawi lar deuh Zodin theatre lei thu hi a ni. Zodin saw tunhma atangin an hmanna mumal hriat anih loh avangin sorkar angin ram kan mamawh a. lei kan duh a,

engtingge ni ang tih te kan lo ngaihtuah tawh a ni. Hei, Assam Rifles an chhuak dawn a chuti, khati an ti a a dik a. Mahse Assam Rifles te hi ngawh ngawl an chhuah chuan nek an har viau a. Inkawm thiamna atang te a tih an ngai a. Chutiang avang chuan hei an lammual te pawh hi kan hun hmasa hmasa lampang daih tawh khan cheng vaibelchhe hnih lai seng in kan lo chei tawh a. Mahse, chutichungin a hman dan kha kan kutah a awm thei lo va. Tunah hi chuan, hmanni lawk atang khan Mizoram Football Association kutah dah in tiang chuan inremna kan siam a.

Tin, tunah hian chhuak tura in tih chinah chuan chhuak ula kan inti reng a. Hmanni Home Minister ka hmuh pawh in ka sawi a. Mizoram khawpui ber Aizawl laili takah an awm a, an hnawksak viau a. Chuvang chuan, chhuak tura kan tih/ngenna na hi kum sawm tam tak a ni tawh a. Chuvangin, tuna chhuak chin tur tih tal hi chu chhuak phawt se, a leh pek zel te chu kan la sawi zel ang a tiin ka ngen a. A ni pawhin Assam Rifles Authority te ka lo sawipui ang tiin min thlah a. Hei hi an chhuahsan chuan, kan hunlai a an chhuahsan chuan, tun kan huna an chhuahsan hman loh pawhin a leh pekah chuan an chhuak theiin ka ring a, mimal tan 1 inch pawh hmantir kan tum lo a ni keini hi chuan public purpose vekin hman kan tum ang a.

Tin, a hmasa berah chuan, kawngpui a zau thei ang bera zauh a tul a. Hei hi hmana kan hun hmasa lampang tawhah Assam Rifles Authority te nen decision kan siam tawh a ni a. Saw mi Bazaar Bungkawn Police Point saw a lai takah awm in helam Assam Rifles ram saw kan la hek pheih zel ang a, Dak Inpui thlengin kawng kan zauh pheih ang a. Kawng zauhna a Assam Rifles barrack emaw in emaw a tih chhiat chu kan sa tha leh mai ang a, ti a inrem tawh kan ni a.

Tin, ka sawi ang khan Millennium Centre, mi hausa ta ni ta saw mipui ta nih tir kan tum a keini kha chuan sawlaia Pu Sikula in chhak lampang zawng zawng saw kan dah pheih ang a, a then New Market-ah, sawmi zawng zawng dawr te reuhte te 13-na vel thleng sawn sawlai kan in sak turah kan sawn pheih ang a, chutiang chuan mipui vantlang tan remchang kan siam ang kan tih kha khami inthlanah kan awm loh san tak avangin mihausa in ah a lo chang ta a. Hei pawh hi tun kan hunah hian kan siamthat leh hman kan ring a. In erawh saw chu mihausa intelkhawm in a ni reng tawh dawn a ni, a uihawm khawp mai.

Chuvangin, Zodin pawh hi lei ilangin, tunah hian Convention Hall tha tak sak kan duh a, sum pawh kan nei a. Mahsela, a sakna tur hmun a awmlo a ni. C.S. Bungalow awmna khu kan ti mai dawn emaw ni kan ti a, mahse C.S. te meuhin Bungalow tha tak, zahawm tak an neih loh chu a pawl si a, a ram leh sorkar tan.

Tin, Circuit House hmun khu kan han ti a, mahse Sorkar-in Biak in te a lo pe tawh a, sawlai hmun han tih a han innek chep kha a dik ang em tiin ngaihtuah a ni a. Khitah Brigade lamah kan han ti leh a, mahse, brigade-ah pawh mi pamham leh mi duk daklo ten in hmun chuti khati an lo ti a. Thlan mek tiin han cancel ilangin Court-ah an kal zel a, engkim mai hi a tikhawtlai si a. Chuvangin Pu Speaker, chung te pawh chu khawiah

nge kan sak sak ang tih hi kan ngaihtuah a. Chuvangin, tunah hian Zodin hi han lei phawt ila kan ti a, kan tum hmasak lamah te khan lo lei ila chuan tun ai hian a tlawm deuh tur a ni a. Mahselangin, hmanna ka sawi tawh ang khan vanneihthlak takin mitthi ralnaah Pu Sangthuama te, Pu Sawta, kan Finance Minister zahawm tak te nen kan inhmukhawm a. Tah chuan kan han sawi a, tha kan ti tlang a. A neitu MLA zahawm tak Pu Sangthuama'n a lo hre hlauh va, veng khat an lo ni hlauh a, lo dawr ta che kan inti a, tichuan a lo dawr tawh a, ni hian. BJP te pawhin lei an tum niawm takin ka hria a, a ti a. Tin, a neitupa pawh chuan a lo sawi niawm tak a ni a. Amaherawhchu, a pawisa pe hmasa thei thei hnenah a ti a. Chuvangin, keini khan hmanhmawh takin Pu Sangthuama zarah kan han nawr chho a, kan nei thei dawn ta niin a lang a. Hengte pawh hi public purpose-ah a tangkai thei ang berin inches khat pawh zuah lovin kan hmang ang tih hi kan hotute ngaihtuahna a ni. Chuvangin, Zodin lei chungchangah hian sawi buai tur pakhatmah a awm lova, itsik tur pawh a awm lova. Chutianga rilru fim taka Aizawl khawpui thang chho tana tangkai tura ngaihtuaha tih a ni tih hi he House zahawm tak hi kan hriattir duh a ni.

Tin, Opposition Leader Pu Zawma hian leilung hausakna a ngaipawimawh tlat a, a lawmawm a. MP a nih lai te pawh khan kan sawi dun tawh thin a. Tin, kan rama Gas pipeline kaltlang tir dan tur Burma ram nge khawinge ka hre lova, chungte pawh chu kan lo sawiho tawh thin a. Kan hun hmasa lam daih tawh khan ONGC hi Central Sorkar kaltlangin koh chhuah an ni a. Kan hriat angin Bilkhawthlir daiah, Thingdawl daiah chutianga chuan an awm a, a kum a kum tel. Tichuan, Aizawl lamah an rawn insawn chho leh a. Chuta tang chuan Bukpui tlangdungte va explore an tum a ni. Tiang chuan ram te pawh an lei tawh a. Mahse 1998-a inthlanah khan kan tlak tak avangin a hnu engemaw chenah khan an bo leh ta a. Tichuan tunah khuan Aizawl West-ah Zarkawt veng thlanmual thlangah khuan ram khu kan la nei a. Hrangbana College hian an Campus zauh nan an dil a, ziah pawh ka ziah sak a. Mahselangin, kan lo kir leh tawh si a, kan la mamawh takin sorkarin alternative side te min ngaihtuah sak thei dawn te a nih loh chuan kan la mamawh thei dawn e tiin an rawn remti lova, kan la in dawr mek zel a, chutianga chu a ni a. Tichuan, hei tuna kan lo kir leh hian hian kan hotuten theihpatawp an chhuah a, kan lo kir leh ta a.

Kan sawi tawh thin a hmarlam pang hi an kut ami a ni a. Tichuan, Tawitaw Bangla te, Meidumah te beiseina sang takte an nei a ni tihte kan hria a. Amaherawhchu, under word secret a ni a, an la sawi tha duh lova

Hmanni khan India ram Industries inzawmkhawm an hotu lu pahnih an lo zin a. Chuta kan ti ti naah chuan ONGC hi ring viau lo ula, rin chin tawk nei ula, kan hrechiang a, engemaw ti takin an bum palh ang che u an ti a. Ka lo rinhlelh ang deuh hlek a ni a min hrilh chu. Chuvangin, a lawmawm pawh ka ti khawp mai a.

Khutah Tripura khuan min tlan san a, min leh pel a, kan awmlah chhung kum sawm chhung khan. Tunah chuan an changlung tawh viau a. Power Corporation te pawh siam in revenue lakna hnarah hian an hmang a. Khulamah khuan an tui riau va ONGC ho hi. Chuvangin, hmana Kuwait hote buai na ang khanin kan ram ami hi drain thlak in tum a niang khulamah khuan, nangnin share innei a Palakhanaah te khuan, heti hian drain thlak in tum a ni, hmanni deuh khan ka ti a, ka chhuah chhal a. Mahse, an tang nasa viau a, mahselangin, enthlak ngun reng chi an nih ka ring a.

Tin, saw mi Ramlaili lampang hi kan hriat tawh angin Oil India in an chang ve a, anni pawhin beiseina sang tak an nei a. Chhim lampang saw Reliance Company peng pakhat te kut ami a ni a, amaherawhchu, an rawn thawk lo va, central ah kan report a, tender an call leh tawh niin ka hria a, UPA hun hnukung lamah khan. Hmanni ka zuk kal khan Petroleum Minister hmuh ka tum a mahse a lo awm lova, an official te ka chah a mahse feed back kan la hmu lova. Saw lampang saw an beiseina a sang zawk nghe nghe a mithiam te, chuvangin, mithiam te rawn angin chak zawka hma lak tir dan kan la ngaihtuah mek a ni.

Tin, hmanni a Industrialist lo kal ho chuan, Feeky ni ta in ka hria, an nihna kha chiang takin ka hre tawh lova. Chung ho chuan India ram oil price hi Ambani ten an control a tunah rih hi chuan. Chuvangin, anni hi chu rawih loh dan awm selangin nakin zel atan harsatna in tawh loh na atan an ti a. Chu pawh chu ka awih zawng tak a ni a. Engpawhnise, Pathianin he hnam hi tihnuam tak leh thuawih taka kan awm chuan tunah hian kan duh tak na leh harsatna tham awm lo mahse a dah belh zel thei a ni tih hi kan chiang a, chuvangin, phur takin kan kal a ni. Tun aia chak zawka kal theih dan hi kan ngaihtuah mek a, hmanah khan Geological Programming Board te kan nei thin, kan hun hmasa lamah khan, State Chief Minister hi Chairman kan ni a, Company hrang hrang te member an ni a Geologist te. Tunah hian kan ti ta lova, tunah hian kan hotute ngaihtuahna ah chuan chutiang Board chu kan siam ang a, Chief Minister hi Chairman sela, mithiam Geologist tute emaw Secretary niin kan Industry Minister te leh mi pawimawh te member niin Gujarat pattern te khu zir ve ta ilangin. Tichuan, helaiah kan lakah an hnathawh chungchangah te lo rinawm lo dawn pawh niselangin tlan khalh dan a awm ang a tih kha ngaihtuahna ah a awm a. Tin, tun ai hian a chak theih zawk ang a, chumite monitoring leh surveillance hnuaiah chuan tih te ngaihtuahna thar kan nei a. Tun Session zawh hi chuan ngaihtuah hmasak tur zingah tel se, lei hnuaiah hausakna kan zawna kawngah hian thil tangkai tak tur a ni ang tih ka ring a, chutiang chu tuna hotute rilru a awm dan a ni.

Sawi tur dang tam tak a awm a, kha Health Care chungchang pawh kan sawi thuak a. Medical College kha member zahawm tak Pu Ruatkima khan a rawn sawi chhuak in ka hria a. Medical College hi kan lo ngaihtuahna hmasa ah chuan 50 in kan tan ang a tichuan, humble beginning, tin, chutianga kan tan theihna tur atan chuan Director kan neih

hmasak a ngai a. Manipur ah khian Mizo, a hmingpum ka hre lova Fimate, mi fel tak, mi tha tak a awm an ti a. Chu chu Director atan kan hual a, appointment kan pe dawn tep tawh a. Amaherawhchu, 100 loh chuan a tan theih loh MCI in an ti tlat ta a tunah hian, 100-a tan kha kan huphurh khawp a.

Tin , ngaihtuah nawn a ngai em aw ka ti a, tunah hian a bul tanna vaibelchhe engzat pawh min pe sengin, IR Bn. ang deuh hian bul kan han tan ang a, thawhchhuah a neih hma khan a faculty ho zawng zawng hlawh recurring expenditure zawng zawng kha kan State hian a tum tur a ni. Chu recurring expenditure chu kan State hian tuna kan fiscal position han en hi chuan leh kum 5, kum 10 lo kal tur han en hi chuan hemi underground te hian min rawn pe ta thur thur a nih loh chuan royalty, kan State dinhmun hian a phak ang em, sorkar lo awm zel tur a tan harsatna siamtu kan ni ang em tih te ngaihtuah nawn hle a ngaiin ka hria a. Chuvangin, tunah hian chutiang ang ngaihtuahna chuan harsatna min siam a, chuti chungin MCI ho hian inspection team an rawn tir dawn a November - February thla inkarah a niang an ti a. Chuvangin, an rawn inspect pawh a, min rawn certify thei tura saw lai Falkawn Referral Hospital saw 250 bedded a lo hlan kai chhoh a ngai a ni. Chutiang tur chuan saw pawh saw kan lo peih a ngai a.

Tin, Medical College hi kan neih a that avangin Health Care chungchang leh khawvel a cancer ngah ber hnam kan han ni ringawt te. Tin, HIV (AIDS) positive India ram State pathum zinga nei ngah ber hnam kan ni ve ringawt te hi a chhuanawm loh a. Hengte avang pawh hian kan mamawh a ni lawm ni tiin ngaihtuahna te chu a awm a. Chuvangin, a recurring expenditure kha kan huphurh hle a nih pawhin, tute emaw Hospital tha deuh, reputed hospital of the country te nen in tie-up dan te a awm ang em tih te pawh hi ngaihtuahna min siam tir a, kan hotute leh kan mithiam te chu kan hrilh lo na in. Chutiang te kan ngaihtuah loh chuan Medical College hi kan mamawh si a, kan duh si a. Amaherawhchu, tuna kan awmdan ah hi chuan kan phak si lova sum leh pai dinhmun in. Chuvangin, neih ngei kan duh si a hak zauh deuh, dai zau deuh a ngai tih te tuna ngaihtuahna ah a awm mek a ni a.

Tunah hian Nursing College kan nei a, District Hqrs. tin ah Nursing School te dah kan tum a nih chuan kan tlin ang em tih te pawh hi helai mipui aiawh, ram hruiatu 40 kal khawm te hian kan ngaihtuah ngun hle a ngai a. Chutiang bawkin Polytechnic te pawh hi District tin ah hian nei ta ilangin kan thatpui ang nge thatpui lovang tih te pawh hi ngaihtuah a ngai a. Chuvangin, chak takin kan hotute hian kan la kalpui rih lo a ni, chutiang chu kan awm dan a ni.

Tin, hei technical department hrang hrang khawi khawi emaw kan hotuten ngaipawimawhin thahnemngaihna avangin an rawn sawi, amaherawhchu, thil buaithlak tak

pakhat chu, heng kan technical department zawng zawng hi indaih lo vek an ni a. Tin, kan department tam tak pawh hi staff indaih lo tak tak vek an ni a. Tunah hian sorkar hian post sangnga chuang, dahkhah theih loh kan nei a, a bikin Engineering PHE an ni emaw, Power an ni emaw, PWD an ni emaw, heng te phei hi chu, tunah hian mipui mamawh phuhruk zung zung tur hian an man power hian a phak lo hrim hrim a ni tih te pawh hi kan hotuten min hriat pui se tha ka ti a. Chutiang chuan vawiinniah hian tan lakna hrang hrang a awm chungin a tih hleihtheih lohna lai a awm tih chu kan hriat sa vek ani tih kha ka'n sawi nawn leh hram duh a.

Tin, Power lampang hi a pawimawh a, chuvangin nasa takin hma kan la chho a. Tin, ka sawi lai khan kan member zahawm tak ten in sawi lova, mahse in hriat ka duh a. Mizoram ah hian supply of fake tracks hi a tam em em a ni tih hi hriat a ni a. Facebook lamah te leh social media lam atangin in hriat ka ring a, hei hi ngawrh taka a ruk te a sorkarin a endik laiin social media ah khan a lo darh nasa ta lutuk a. Kha khan hetiang tih ching ho leh damdawi zuar hote hi a ti tawmim in investigator te hna hi a ti harsa ang em aw tih kha min ngaihtuah tir a. A paw ka ti khawp mai, hetiang fake drugs hi a tam em em mai a ni Mizoramah hian. Tin, a lo kalna ni awm te pawh hriat ani a, chutiang chuan Food & Drugs Authority of Mizoram te pawh in a ruk a an chhui lain Social Media ah a rawn darh nasa ta khawp mai a, kha khan engemaw chenah chuan tan lakna a rawn ti khaih lak a, a paw hle a ni.

Tin, a tawp nan Power hi a pawimawh a, Power lamah hian theih pa tawpin tan chu kan la a, mahse sum avang bawh hian tan lak chak chu a har hle a ni. Tuirial khu kan tum hunah kan hawng thei dawn lo ni in a lang a, tun kum tawp hma ngei hian commission theih ngei kan beisei a, tan pawh kan la nasa a, mahse Stone Quarry chungchang ah te harsatna a awm a awm a, chungte chu kan han hneh lawk thei lova. Tin, chumai ni lovin, compensation chungchangah te harsatna a lo awm leh thin a, chungte avang chuan a thawktu te pawh a ti ralti a, mahse tunah hian ngawrh taka thawk turin kan inti a. Thal a lo nih ve leh a thawktute tihphur nan pawh kan hotute i vei lama thu te nen pawh tlawh tlang ila tih te ka rilru ah a awm a. Chutiang chuan tan kan lak tlan chuan nakum kumtir lamah tal chuan kan commission theiin ka ring a ni.

Tunah hian chhuna kan Peak Hour requirement hi 40, 50, 60 vel a ni a, zanah hian kan Peak Hour requirement hi 85 Mega Watt a ni. Amaherawhchu, kan engine zawng zawng, tui supply leh khatiang vel zawng zawng kan tih chuan 105 Mega Watt te a han kai ve a, chutiang chu kan la ni a. Chuvangin, in phuhruk mai hi thil harsa lo tak a ni a, khumi khu kan han commission theih chuan kan that pui sawt thei torah kan inngai a. Tin, nichin ah Vathuampui chumi khami tih kha tiang hi thil awmdan a ni a, RGGVY Scheme hi 31.03.2015 tawp a nih avangin District thenkhat leh khaw engemaw zat la tih hman loh leh la zawh hman loh a awm a ni. Chung chu closure document submit a tul a, chuvangin kan la chhunzawm leh theihna turin Saiha District ah khaw pali (4), Lawngtlai ah tlem a kilkhawr zual deuh ah khaw sawmparuk (16), Lunglei ah

pathum (3) an awm a, avaiin sawmhnih pathum (23). Heng khua la zawh loh te hi tun working season chhung hian zawh tum a ni a. Khami a closure report ah khan pek tel a tul avangin connect tawh ang a tar lan tum tih te kha a tulna a awm a. Mahse tun thal lo awm turah hian khang kha connect vek tum a ni.

Tun ah hian Tuirial dawt ah a hnaivai leh deuh chu NEEPCO te nen Tuivai Mega Watt 210 pe chhuak thei tur hi Memorandum of Understanding kan signed tawh a, Aizawl ah Pisa pawh an rawn hawng tawh a, a tam thei ang ber tualchhung mi la turin kan in ti a, tiang chuan hma kan la tan dawn a ni. Tin, a dawt leh ah chuan Tuirini hi Mega Watt 40 lai pe chhuak thei tur a ni na in Mega Watt 25 pe chhuak thei turin kan suihte a. BRICKS an tia, (BRICKS ram engemaw zatin zawm khawm India pawh a tel a, hemi Bank hotupa ber pawh Indian a ni a). Chumi ah chuan Finance Ministry in a principle in funding a telh tur khan min recommend a , DPR siam hna thawh mek a ni a, thla ruk chhung a peih tum a ni a. Hei hi Tuivai Mega Watt 210 dawt a hnaivai leh thei deuh tura besei a ni a. Tin, small Hydel Project, Khawiva te engeng emaw siam mek a awm a, chu chu in hriatsa ni in ka hria a, ka sawi tel kher lo ang a. Tin, khang piah lamah khan a inkahpukchaw turin Tuivawl Mega Watt 42, Tuirini pawh kha SPML hnena pek a ni a, an ni hian an thawk ang a, an pawisa hmuh hunah. Tin, Tuivawl Mega Watt 42 hi SPML te nen Ni 03.10.2011 ah khan MOU signed a ni a, an ni hian clearance zawng zawng kha an beih tur a ni a, a tul angin Mizoram sorkarin kan pui ang. Tin, Lungreng Mega Watt 815 pe chhuak thei tur a ni a, NEEPCO te nen inremna kan nei a, Ni 26.03.2010ah an ni hian a tul ang ang clearance an la ang a, thawh dan tur kan la ngaihtuah dawn a ni. Tin, Chhimtuipui Mega Watt 635 pe chhuak thei tur hi NEEPCO te nen in remna siam in ni 26.03.201 ah inremna siam a ni a, sawi tawh ang in clearance tul ang zawng zawng kha an ni ngaihtuah tur hi a ni. Colodyne-II Mega Watt 460 pe chhuak thei tur hi NPCC kutah kum 2008 daih tawh khan pek a ni a, mahse clearance leh engeng emaw an tih bak a kan hun hmasa lama DPR te siam a lo la ni a, DPR an siam that chhung nen hun a duh ta deuh a, tunah hian clearance engengemaw chu an hmu nual tawh a, mahse an la hmu kim lo a, chutiang chu a ni.

Tin, Mat saw Mega Watt 970 pe chhuak thei tur a ni a, NEEPCO te nen inremna kan nei a, 2010 khan an kutah clearance engkim kan nei a, tin, a hnar lamah Mega Watt 55 pe chhuak thei tur a ni a, Shyam Century Forest te nen 2012 ah khan inremna kan nei a. Tin Bairabi Mega Watt 60 pe chhuak thei tur a ni a, Sukari Power Ltd. Kokata nen inremna kan nei a 2012 khan. Heng ho hian a tul ang ang kha clearance kha an beih tur a ni. Engpawhnise, tiang khan Power hi a pawimawh a, theih pa tawp a tan lak a intodelh nan chauh nilo sum lak luh nan te pawh a pawimawh avangin tiang chuan tan lak a ni. Tunah hian Agartala atangin Mega Watt 22 lai hmu tur kan ni a, khanglo pawh kha Power grid leh engemaw hrang hrang te nen inremna kan nei nual a, mahse chutiang chu ka sawi seng tawh lo mai ang a. Tiang kha a tlangpui kan hotute ngaih pawimawh leh ngaih mawh deuh te an ni a, kha kha tun tumah chuan ka sawi theih ni mai se la. Pu Speaker, member te thahnemngaihna a lawmawm ka ti a, amaherawhchu ka inpuahchah ang ang pawhin ka chhang hleithei lova. Hei, ka vannei a, ka din chhungin ka khuh lo hlauh a. chutiang chu ka ni a, chuvangin min ngaihnathiam ka duh a. Tin, ka peihsam loh avanga thahnemngai tak

min tawngtaisak tute hnenah lawmthu ka sawi a ni. Khangkha kan hotute ngaih pawimawh leh ngaih mawh zual kan sawi ve theih chin ni selangin duhthawh deuh deuh an awm ang tih ka ring a. Tin, helaiah pawh han sawi hram awm takte pawh kha a awm nuala mahse a tul angin thahnemngaihna avangin kan la sawiho zelin write up te pawh kan la inpe zel ang tih kha ka sawi duh a ni.

In thahnemngaihna a lawmawm ka ti a. Niminah te khan thahnem kan ngai hle a, helaia demand sawina kha Pu Speaker. Question and Answer Session ang khan kan hmang a ni. Khatiang kha a vang hlein ka ring a. Member zahawm tak tak thahnemngaite pawh kha lawmawm ka ti a. Tin, kan Minister-te pawhin an han chhang zelte pawh kha thil lawmawm tak a ni a. Mahse Parliamentary history-ah hian a vang riau in ka hria.

Tin, a tawp nana ka'n sawi duh chu kan Opposition Leader hi parliamentary dan decorum velah hian a zir tlak ka ti a. Speaker leh thusawia ding inkarah hian kal awih loh a ni a. Chuvangin ka lo notice tawh thin a, a va chhuak a, a lo lut leh a. Sawlam atanga thusawi an awm chuan an karah hian kal lovin khawiah emaw thutnaah hian a nghak zel a ni.

Tin, kan thutna niloah hian Pu Speaker, kan thu thianga, hotute kan biak duh chuan. Amaherawhchu, kan thutna lo atang hian thu kan sawi thianga lo thung a. Chungte chu kan hriat a ngai. Tin, chulo chu, 'in, in, in,' kan inti hi a kalphung a ni lova, kha chu a senior zawkte sawi awm tak a ni a. Pu Speaker, hetiangin an ti thiango, nangmah kaltlangin kan ti zawk tur a ni a. Kan House awmna hi a rei tawh hle a, kan zir a thain ka hria. 'Chutin in tia,' tih te hi a thiango. Pu Speaker, 'chuti chuan an ti tlat a,' tih te hi kan tihdan tur a ni tih hi kan ring lo riau a. Mithiam zawkte, min lo thlirtute khan kan inchei nalh hlawnen, engatinge maw ni le, min ti ang tih te pawh a hlauhawm a. Chuvangin khang te te kha kan hriat a thain ka hria a. Sawi awm ka nihna ka hre lova, mahse mite min lo thlir danah an ngaimawh ang tih ka hlau a. Chulai chu ka'n sawi a ni.

Tichuan, Pu Speaker, On the recommendation of the Governor of Mizoram and with your permission sir, I moved the Demand No. 1,2,3,5,10,11,13,15,24,26,27,39,45,47,48 for ₹ 17,74,04,69,000/- for meeting expenses during 2015-2016 in respect of the following departments: -

Demand No.	Purpose	Amount in ₹
1.	Legislative Assembly	17,86,30,000
2.	Governor	13,60,000
3.	Council of Ministers	5,83,32,000
5.	Vigilance	5,28,20,000
10.	Mizoram Public Service Commission	78,29,000
11.	Secretariat Administration	95,29,30,000
13.	Personnel & Administrative Reforms	2,71,37,000

15.	General Administration Department	75,32,62,000
24.	Medical & Public Health Services	4,06,19,86,000
26.	Information & Public Relation	12,31,30,000
27.	District Council Affairs	2,57,25,55,000
39.	Power & Electricity Department	3,53,69,16,000
45.	Public Works Department	4,28,67,05,000
47.	Minor Irrigation Department	97,18,80,000
48.	Information & Communication Technology	15,49,97,000
	TOTAL	17,74,04,69,000

Avaiin, ₹ 17,74,04,69,000 crore, heng te hi he House zahawm tak hian min pawmsak turin karawn ngen a ni, Pu Speaker.

SPEAKER : Awle, tunah khan kan House Leader zahawm takin a department chan hrang hrang 15; Demand No.1, 2, 3, 5, 10, 11, 13, 15, 24, 26, 27, 39, 45, 47, 48 a pawisa hman tur avaiin belhkhawm ₹ 17,74,04,69,000 crore hi pass turin House a dil a. Pass remti zawngin ‘remti’ ti ru le, remti lo kan awm em? Awmla. Tichuan, kan House Leader department chan 15-a hman tur pawisa avaiin belhkhawm ₹ 17,74,04,69,000 crore hi he House hian lungrual takin a pass a ni tih ka puang e.

Pu LAL THANHAWLA, CHIEF MINISTER : Pu Speaker, i chung ah leh House member zahawm takte chungah lawmthu ka sawi e.

SPEAKER : Awle, member zahawm takte kan sawmna dinner kha khawngaih takin min hriatsak ula, nangmahni tan liau liau a siam a ni a. In ei loh chuan kan inseng thlawn dawn a. Tin, driver leh PSO te kha chaw ei turin kan sawm a, amaherawhchu, in zinga ei ve kha an inthlahrung palh ang tih kan hlauh avang te, in aiin eizo hmasa se, lo inpeih hmasa se, tih kan duh avang tein Assembly House chungah khianin canteen kan nei a, chutah chuan eitur kan buatsaih sak a ni tih kha min hriatpui ula kan lawm khawp ang.

Legislative business pakhat kan la nei a. Kan Finance Minister zahawm takin ‘The Mizoram (Appropriation No. 5) Bill, 2015’ hi introduce rawn dil sela a tha ang e.

Pu LALSAWTA, MINISTER : Pu Speaker, Mizoram Governor recommendation leh i phalna leh he House remtihna in he ‘The Mizoram (Appropriation No. 5) Bill, 2015’ hi he House zahawm takah hian ngaihtuah turin rawn chhawpchuah ka dil e.

SPEAKER : Introduce a dil a, kan phal maw. A copy kha sem nise. Awle, Minister zahawm takin a rawn introduce tawh a, tunah hian ngaihtuah atan move sela, pass rawn dil nghal mai sela a tha ang e.

Pu LALSAWTA, MINISTER : Pu Speaker, kha bill kha a copy kan hmu vek tawh a, kumin kum 2015-16 chhunga kan pawisa hman tur pass ka rawn dil turah hian, a copy in neih leh hetia ka'n chhiarchhuah tura hi tlemin a in anglo ang a. A chhan chu a copy in neihah khanin Revenue tih leh Capital tihte kha a hranpa in an lantir thliah thliah a. Tin, a piahah khanin 'Charge on the consolidated fund of Mizoram State' tih a awm a, khang kha a total hian ka rawn dil mai ang a. A belhkhawm vek kha a inang zel a, department pakhat kha. Chutiang chuanin he House zahawm takah hian ka rawn pharh chhuak dawn a.

Tin, kan pawisa dinhmun hrim hrim a hi sawi nawn leh zawk chu a thain ka hria a. Kumin 2015-16 a Sorkar ina kan pawisa pass tur zawng zawng hi vaibelchhe 7756, nuai 82 leh sing 5 leh sang 6 ani a. Mahsengin hetah hian hmuhlet hi department hian a nei thin a, "Deduct Recoveries" kan tih ang chi, buhfai hralhna ami te, Printing & Stationery amite pawhin hmuh let an neih thin ang chi te kan han paih let leh khanin a zat a chu vaibelchhe 7576, nuai 55, sing 9 leh sang 6 a ni a. Mahsengin a vai hian kan pass phawt a ngai a, pawisa kha hman phawt a ngaih thin avang khanin. Chutiang chuan heng department 48 leh Public Debt kan tih, a vaiin 49 hi Pu Speaker, i phalna in kan chhiar chhuak zur zur ang a.

Demand No.	Purpose	Amount in ₹
1.	Legislative Assembly	18,73,50,000
2.	Governor	5,83,30,000
3.	Council of Ministers	5,83,33,000
4.	Law & Judicial	35,92,70,000
5.	Vigilance	5,28,20,000
6.	Land Revenue & Settlement Deptt.	25,17,68,000
7.	Excise & Narcotics Department	29,02,46,000
8.	Taxation	14,64,53,000
9.	Finance Department	10,19,86,00,000
10.	Mizoram Public Service Commission	6,11,29,000
11.	Secretariat Administration	95,29,30,000
12.	Parliamentary Affairs Department	51,93,000
13.	Personnel & Administrative Reforms	2,71,37,000
14.	Planning & Programme Implementation	4,04,47,20,000
15.	General Administration Department	75,32,62,000
16.	Home (<i>including Prison & Sainik</i>)	5,96,03,49,000
17.	Food, Civil Supplies & Consumer Affairs	2,81,69,30,000
18.	Printing & Stationery Department	15,69,38,000
19.	Local Administration Department	28,85,08,000
20.	School Education Department	9,09,97,21,000

21.	Higher & Technical Education Deptt.	2,28,53,47,000
22.	Sports & Youth Services Deptt.	21,72,88,000
23.	Art & Culture Deptt.	9,98,98,000
24.	Medical & Public Health Services	4,06,19,86,000
25.	Public Health Engineering Deptt.	1,96,24,87,000
26.	Information & Public Relation	12,31,30,000
27.	District Council Affairs	2,57,25,55,000
28.	Labour & Employment Deptt.	19,39,22,000
29.	Social Welfare Department	1,28,06,03,000
30.	Disaster Management & Rehabilitation Deptt.	19,07,33,000
31.	Agriculture	2,10,76,14,000
32.	Horticulture Department	94,70,51,000
33.	Soil & Water Conservation Deptt.	20,94,80,000
34.	Animal Husbandry & Veterinary Deptt.	64,12,94,000
35.	Fisheries Department	13,34,43,000
36.	Environment & Forests Deptt.	82,48,56,000
37.	Co-operation Department	23,78,30,000
38.	Rural Development Department	3,83,08,33,000
39.	Power & Electricity Department	3,53,69,16,000
40.	Industries Department	59,25,91,000
41.	Sericulture Department	16,08,36,000
42.	Transport Department	47,19,12,000
43.	Tourism Department	17,87,43,000
44.	Trade & Commerce Department	10,40,69,000
45.	Public Works Department	4,28,67,05,000
46.	Urban Dev. & Poverty Alleviation Deptt.	2,10,68,42,000
47.	Minor Irrigation Department	97,18,80,000
48.	Information & Communication Technology	15,49,97,000

Public Debt ₹ 73,17,45,600 a vaia belkhawm in ₹ 7756,82,56,000 Pu Speaker heng hi kumin 2015-2016 chhunga Mizoram Sorkar-in a hman atan, he House zahawmtak ah hian member zahawmtak-te min pass pui turin ka ngen a ni.

SPEAKER : Awle, hetiang Appropriation Bill hi chu sawiho tehchiam a ngai lova. Amaherawhchu, han zawh lawk duh, hriatthiamloh te nei kan awm chuan, hun tlemte kan hawng ang. Awle, kan awm loh chuan, kan Minister zahawmtak in “The Mizoram (Appropriation No. 5) Bill, 2015” pass pui turin a rawn dil a. pass remti zawng in ‘remti’ ti rawh ule.

Pass remti zawngin remti ti rawh u le, (remti). Remti lo kan awm em? Aw, remti vek a ni.

Tichuan, “The Mizoram (Appropriation No. 5) Bill, 2015” chu he House hian lungrual takin a pass a ni.

Pu LALSAWTA, MINISTER : Pu Speaker, ka lawm e.

SPEAKER : Tun tum kan Session hi Seventh Legislative Assembly-a Assembly Session vawi sarihna(7) a ni a. BAC-in a lo rel tawh House-in a pawm angin ni 12 chhunga neih a ni a. October ni 6-ah kan tan a vawiin ni 21 hi kan tawpna tur a ni. Central sorkar inthlak danglam avanga thil engemaw inthlak danglam a awm teuh avangin regular Budget hi kan nei hleithe i lova. Kei ka huphurh hle thin a regular Budget neih hi, kan pawisa neih dan te ngaihtuahin. Harsatna hrang hrang karah kan tan nia ka sawi tawh ang khan kan Chief Minister zahawm tak leh kan Finance Minister zahawm tak leh amah puitu Parliamentary Secretary leh Finance Department-a Officer hrang hrang te leh staff te taimakna leh inpekzawhna avangin regular Budget hi kan nei thei ta a. A mimal takin ka lawm hle a ni. Keini helaia roreltu lo kal khawm zawng zawngte leh an ai kan awh Mizoram mipuite pawh hian min lawmpui sela tih ka duh khawp mai. Budget kan pass thei ta a.

Tun Session chhunga kan hnathawh tlangpui chu te chu : Zawhna lut zat hi 356 a lut a, zawhna admit zat hi 347, zawhna withdraw zat 1, zawhna reject(hnawl)zat 8, List of Business-a dah zat 197, House-a chhan zat 88, House-a chhan hman loh 109 a awm a ni.

Unstarred Question hi zawhna lut zat 23 a ni a, zawhna admit zat chu 23 bawk a ni, zawhna reject a awm lo a, Starred Question atanga leh zat hi 121 a ni. Zawhna zawng zawng hi chhanna dawn vek a ni a. Department hrang hrang zawhna prompt taka lo chhangtute zawng zawng chungah lawmthu kan sawi a ni.

Kan President hlui Dr. APJ Abdul Kalam sunna kan nei a. Kan House Leader Pu Lal Thanhawla leh kan Opposition Leader Pu Vanlalawma ten thusawina hun an hmang zawh hnuin, House-in a tuarpuina leh sunnan minute 1 ngawi renga din a ni.

Tun tum Session-a Panel of Chairmen atana kan ruat te chu : Pu John Siamkunga, Dr. Ngurdingliana, Dr. K. Beichhua leh Pu Chalrosanga Ralte te an ni.

Pu R. Lalzirliana kan Home Minister zahawm takin October 13, 2015 a Bawngkawn Brigade ram a thil thleng chungchangah Statement a nei a ni.

Pu Lalsawta, Finance Minister zahawm takin Annual Budget for the year 2015-2016 with Allied Papers te he House-ah hian a present a.

Tun Session chhung hian House-ah report 8 present a ni a. Paper 18 lay a ni bawk a ni. Tun Session chhung hian Govt. Bill 6 pass a ni a. Resolution hi 39 lai kan hmu a. Amaherawhchu, a thu a inan vek avangin 2-ah kan siam a. Chumi pahnih zinga pakhat Pu Vanlalawma put luh 'India sorkar ropui takin UNO in tualto hnam te chanvo a puanchhuahna UNO Declaration on the Rights of Indegeneous People' tihhlawhtlin nan a hma a lo lak thin tawh na hi lawmawm ka ti a, hmalak chhonzawm ni se tiin tlema tih danglam hret hnuah lungrual taka pass a ni.

Minister hrang hrang ten an Department enkawlina tur an Demand te chu Member ten thahnemngai taka sawihona an nih hnuin House-in lungrual takin a passed ta a ni.

Legislative Assembly a thawktute zawng zawng leh kan House Leader leh kan Minister te leh MLA zawng zawngte leh kan sorkar hnathawkte, hemi Session hlawhtlin theihna tura theihtawp chhuahtu zawng zawngte in zavaia chungah lawmthu ka sawi a ni. Tichuan, kan chawl rih ang a, tiamchin neilovin he Session hi kan titawp rih dawn a ni.

'The House is adjourned Sine Die'